

საგანგებო თავმოძრაობა

1939

თბილისი

1

თბილისი

1939

ჩვენ თავი

საქართველოს საბჭოთა მწერლების
კავშირის ყოველთვიურა თბჯანთ

18 777
77

1



სახელმწიფო გამომცემლობა
თბილისი
1989 წელი. იანვარი

ლენინიზმის დროში	88-3
მხატვრული ლიტერატურა	
ვლ. სულაბერიძე — ნარიყალა თერთმეტსართულიანი სახლიდან	5
ვიქტორ გაბესკირია — ტბასთან	6
ჰემენ სკლიარენკო — აძრა ოლრიჯი (თარგმ. ნ. აგიაშვილისა)	7
ლადო ასათიანი — ლექსები	12
რევაზ მარგიანი — სევანები ძველს იმერეთში	14
კონსტანტინე გამსახურდია — დიდოსტატის კონსტანტინეს მარჯვენა	17
ალექო შენგელია — ყრმობის დღეები	27
ია ჩხაიძე — ცხრა შვილის მამა	29
რედიარდ კიპლინგი — ბალადა ფიშერის ლამის ბინისა	41
კ რ ი ტ ი კ ა	
შალვა რადიანი — შალვა რადიანი	44
კონსულტაცია	
შალვა რადიანი — წერილი ახალგაზრდა მკითხველისადმი	55
ლიტერატურული კალმნდარი	
გ. მებუჯე — ნიკო ნიკოლაძე	59
პლატონ კეშელავა — ლავრენტი არდაზიანი	60
ბიბლიოგრაფია	
რევენზენტი — გიორგი ერისთავი: თხზულებანი. შალვა რადიანის რედაქციით. „ფედერაცია“ 1936 წ.	63

პასუხისმგებელი რედაქტორი ირაკლი აბაშიძე
 პასუხისმგებელი მდივანი ნიკოლოზ აბიაშვილი

წარმოებას გადაეცა 1939 წ. 27 იანვარს. ხელმოწერილია დასაბეჭდად 7 თებერვალს. ჟურნალის ზომა 6½ X 11, ქაღალდის ზომა 72 X 105, ფორმათა რაოდენობა 4. შეკვეთის № 141. მთავლიტის რწმუნებული № 2694. ტირაჟი 6000.

სახელგამის პოლიგრაფკომბინატი, უორესის ქ. № 5



005060

ლენინიზმის ღრობით

„1924 წლის 21 იანვარს გორკაში, მოსკოვის ახლოს, გარდაიცვალა ჩვენი ბელადი და მასწავლებელი, ბოლშევიკური პარტიის შემქმნელი, ლენინი. მთელი მსოფლიოს მუშათა კლასი ლენინის სიკვდილის ამბავს შეხვდა, როგორც უმძიმეს დანაკლისს. ლენინის დაკრძალვის დღეს საერთაშორისო პროლეტარიატმა გამოაცხადა ყველა სამუშაოთა ხუთი წუთით შეჩერება. შეჩერდნენ რკინიგზები, შეჩერდა მუშაობა ქარხნებსა და ფაბრიკებში. მთელი მსოფლიოს მშრომელნი უღრმესი მწუხარებით მიაცილებდნენ საფლავამდე თავის მამასა და მასწავლებელს, საუკეთესო მეგობარსა და დამცველს — ლენინს.

ლენინის სიკვდილს საბჭოთა კავშირის მუშათა კლასმა უპასუხა კიდევ უფრო მჭიდროდ დარაზმვით ლენინური პარტიის ირგვლივ ყოველმა შეგნებულმა მუშამ ამ გლოვის დღეებში აწონ-დაწონა თავისი დამოკიდებულება კომუნისტური პარტიისადმი, რომელიც ანხორციელებს ლენინის ანდერძს. პარტიის ცენტრალურ კომიტეტში ათასობით და ათასობით შემოდოდა უპარტიო მუშების განცხადებები თხოვნით — მიეღოთ ისინი პარტიაში. პარტიის ცენტრალურმა კომიტეტმა ხელი გაუწოდა მოწინავე მუშათა ამ მოძრაობას და გამოაცხადა პარტიაში მოწინავე მუშების მასობრივი მიღება, გამოაცხადა ლენინური გაწვევა პარტიაში. პარტიაში მუშების ახალი ათეულათასები შევიდნენ. პარტიაში მიდიოდნენ ისინი, ვინც მზად იყო სიცოცხლე შეეწირა პარტიის საქმისათვის, ლენინის საქმისათვის. ორას ორმოც ათასზე მეტი მუშა შევიდა მაშინ მოკლე ხანში ბოლშევიკური პარტიის რიგებში. პარტიაში შევიდა მუშათა კლასის მოწინავე ნაწილი, ყველაზე შეგნებული და რევოლუციური, ყველაზე გაბედული და დისციპლინირებული. ეს იყო ლენინური გაწვევა პარტიაში.

ლენინის სიკვდილმა ცხადჰყო, თუ რა მახლობელია ჩვენი პარტია მუშათა მასებისათვის და რა დიდად აფასებენ მუშები ლენინურ პარტიას.

ლენინის გლოვის დღეებში სსრ კავშირის საბჭოების II ყრილობაზე ამხ. სტალინმა პარტიის სახელით დასდო დიადი ფიცი. მან სთქვა:

„ჩვენ, კომუნისტები. განსაკუთრებული წყობის ადამიანები ვართ. ჩვენ გამოკვეთილი ვართ განსაკუთრებული მასალისაგან. ჩვენ ისინი ვართ. რომლებიც შევადგენთ უდიდესი პროლეტარული სტრატეგიის არმიას, ამხანაგ ლენინის არმიას. არა არის რა იმაზე უფრო მაკაოლი, ვიდრე ღირსება — ეკუთვნოდე ამ არმიას. არა არის რა იმაზე უფრო მაკაოლი, როგორც პარტიის წევრის სახელწოდება, იმ

პარტიისა, რომლის დამაარსებელი და ხელმძღვანელია ამხანაგი ლენინი...

მიდიოდა რა ჩვენგან, ამხანაგმა ლენინმა გვიანდერძა ჩვენ მაღლა გვეჭიროს და წმინდად დავიცვათ პარტიის წევრის დიადი სახელი. გეფიცებით შენ, ამხანაგო ლენინ, რომ ჩვენ ღირსეულად შევასრულებთ ამ შენს ანდერძს!..

მიდიოდა რა ჩვენგან, ამხანაგმა ლენინმა გვიანდერძა ჩვენ დავიცვათ ჩვენი პარტიის ერთიანობა, როგორც თვალის ჩინი. გეფიცებით შენ, ამხანაგო ლენინ, რომ ჩვენ ღირსეულად შევასრულებთ ამ შენს ანდერძსაც!..

მიდიოდა რა ჩვენგან, ამხანაგმა ლენინმა გვიანდერძა ჩვენ დავიცვათ და განვამტკიცოთ პროლეტარიატის დიქტატურა. გეფიცებით შენ, ამხანაგო ლენინ, არ დავზოგავთ ჩვენს ძალებს იმისათვის, რომ ღირსეულად შევასრულოთ ეს შენი ანდერძიც!..

მიდიოდა რა ჩვენგან, ამხანაგმა ლენინმა გვიანდერძა ჩვენ მთელი ძალღონით განვამტკიცოთ მუშათა და გლეხთა კავშირი. გეფიცებით შენ, ამხანაგო ლენინ, რომ ჩვენ ღირსეულად შევასრულებთ ამ შენს ანდერძსაც!..

ამხანაგი ლენინი დაულაღვად გველაპარაკებოდა ჩვენი ქვეყნის ხალხთა ნებაყოფლობითი კავშირის აუცილებლობის შესახებ. რესპუბლიკების კავშირის ფარგლებში მათი ძმური თანამშრომლობის აუცილებლობის შესახებ. მიდიოდა რა ჩვენგან, ამხანაგმა ლენინმა გვიანდერძა ჩვენ განვამტკიცოთ და გავაფართოოთ რესპუბლიკათა კავშირი. გეფიცებით შენ, ამხანაგო ლენინ, რომ ჩვენ ღირსეულად შევასრულებთ ამ შენს ანდერძსაც!..

ლენინი არაერთხელ მიგვითითებდა ჩვენ, რომ წითელი არმიის განმტკიცება და მისი მდგომარეობის გაუმჯობესება ჩვენი პარტიის ერთერთი უმნიშვნელოვანესი ამოცანაა. მაშ ფიცი დავდოთ, ამხანაგებო, რომ ჩვენ არ დავზოგავთ ძალღონეს იმისათვის, რათა განვამტკიცოთ ჩვენი წითელი არმია, ჩვენი წითელი ფლოტი...

მიდიოდა რა ჩვენგან, ამხანაგმა ლენინმა გვიანდერძა ჩვენ კომუნისტური ინტერნაციონალის პრინციპებისადმი ერთგულება. გეფიცებით შენ, ამხანაგო ლენინ, რომ ჩვენ არ დავზოგავთ ჩვენს სიცოცხლეს იმისათვის, რომ განვამტკიცოთ და გავაფართოოთ მთელი მსოფლიოს მშრომელთა კავშირი — კომუნისტური ინტერნაციონალი!

ეს იყო ბოლშევიკური პარტიის ფიცი თავისი ბელადის, ლენინის წინაშე, რომელიც საუკუნეებს იცოცხლებს“.

(„საკავშირო კომუნისტური პარტიის (ბოლშევიკების) ისტორიის მოკლე კურსი“-დან).

ვლ. სულაბერიძე

ნარიყალა თართმეფსართულიანი სახლიდან

ლამეს შველივით დაფეთებულს შემოთენებით
აღმოსავლეთმა მზის მერანი გამოაკიდა.
მე დილის მოსვლას მეთერთმეტე სართულზე ვხვდები
და ვესალმები ქალაქს აქიდან.
და ვესალმები... ეს სართული მამაღლებს მთამდე,
ოსტატს ვუმღერი, ვინც მოქარვა ქვები იმისი.
განთიადიდან განთიადამდე
ასე მალღდება ლაქვარღებში ჩემი თბილისი.
გავცქერი ქალაქს, ნარიყალა გღია ჩემს დაბღა, —
თბილისის ჩოხა დაწეწილი, ქარში ნათრევი.
ქანგშემოღებულ ჩარეცხავს, გაჰბანს
ამ სართულღების და ეღვარე ღღეთა ნათელი.
ის მეუბნება: „—შორიგზიღან მოვეხეტები,
ჩემზე მალალი მთაც არ მეგონა,
აქ,—ცას მიადგეს მარმარიღოს დიღი სვეტები,
თითქოს თბიღისი მზეს მკღაღებით გაღაეკონა.
ღამჩერღებია ეს ქალაქი თავზე დიღებით,
ცად შადრევენები აფრქვეულან ოქროს მიღითა,
და რიამ შემეღღოს, მეც შრიღლით წამოფტრინღები, —
აქ მიღღებული ძვეღი ქართღის მოტეხიღი ფრთა.
წამოფტრინღები, რომ შემოვეღო მთეღი ვეება,
თუმც წარსულის ქანგს მოტეხიღი აწ ვეღარ ვზიღავ.
თავზე დამხარის განახღებულ ქართღის ღღეები,
და ცეცხღს მიკიღებს ახალი მზითა.
მეტი რა მეთქმის, ოსტატეზო, მოღით და ახღა
ამ სართულღებში ჩააშენეთ ეს ჩემი ძვეღებიც,
და ვინმე კიღვე ათასი წღის შემღვე თუ მნახავს,
მეც აყვავებულ საუკუნის მკვიღრი ვიქნები!“

ზ ბ ა ს თ ა ნ

კვლავ გინახულე შენ, პატარა ტბაო, ტყის პირას,
მზე შენს მდუმარე და გაძარცულ ტყეს ეფარება;
მახსოვს, ისლიან ნაპირებთან მოვსულვარ ხშირად,
ახლაც ყურს ვუვლებ შენ სიჩუმეს და მდუმარებას.

გიახლოვდები, კვლავ ნაცნობი ხენი მხედებიან,
თითქოს მათ—ხეებს მოსწყინდათო შენს ახლოს ყოფნა,
მდუმარე წყალში მოქანცული იხედებიან
და იმათ ჩრდილში ტბის ყვაველი გამოიყოფა.

გადარჩენილხარ, მაგრამ სანამ შეიცვლებოდეს
შენი მიდამო, სანამ ბალი არ დაგრქმევია,
მინდა შენს ირგვლივ დავდიოდე, ტანთ მედებოდეს
ეს ნარ-ეკალი, რძია-რძია და ქამენია.

სიყმაწვილეში გმეგობრობდი შენ, ტბაო, ვიდრე
მარტო ვიყავი, მაგრამ დღეს კი ვერ გამამხნევებ;
უკანასკნელად მსურს ნაპირთან ახლოს მივიდე,
შემომხვდნენ გზაზე და დავხედო წაქცეულ ხეებს.

უკანასკნელად... რადგან ვიცი კვლავ ვეღარ გნახავ,
რადგან შევხვდები აქ ბუჩქთა და მზის სხივთა ლივლივს!
მე შენ სანაცვლოდ აქ ვიხილავ მიდამოს ახალს
და სადაც სდუმდი, იქ ოქროსფერ ბალში გავივლი.

სადაც მეგულვი, შევჩერდები — შენ მოგიგონებ,
ტბას გავიხსენებ, მაგრამ ნაფიქრს არვის გავუმხელებ.
რად დაფიქრდიო, როს მკითხავენ, ასე მგონია,
გავხედავ ბაღს და ვიტყვი: „წვიმა მოსულა წუხელ!“

ქარა ოლრიჯი*)

მოთხრობა ტარას შევჩენკოს ცხოვრებიდან

შუადღე იყო უკვე, მაგრამ გეგონებოდათ, თითქოს დღე ჯერ არ დაწყებულაო. ცის თალხი უბიდან განუწყვეტლად იფრქვეოდა წვიმა და თოვლი. ოთახში ბინდი იდგა. კუთხეში ობობას თათებივით გაჩაჩხულიყო მოლბერტი. კედლებიდან უფერულად და მრუმედ გამოიყურებოდნენ ოფორტები. ბინდბუნდში მიმალულიყვნენ: უბადრუკი სარეცელი, მაგიდა, ორი სელი.

მაგიდასთანმიმჯდარი ტარას შევჩენკო წამოდგა და ზოზინით მივიდა სარკმელთან. გაასუფთავა გაორთქლილი მინა, გაიხედა ქუჩაში, არსად ჩნდა იმედის ნიშანწყალი! ნისლი ბურავდა პეტერბურგს, კუნძულებს. ნათელი დღეები სადღაც გადაიკარგნენ — დაიწყო შემოდგომა, კვალდაკვალ მოჰყვებოდა მასავით ლირწიანი, თოვლჭყაპიანი ზამთარი... ცივა, სინესტა... ტანში ჰზარავს ტარასის და ტკაცანი გაუდის იმიერკასპიაში გათოშილ ძვლებს. სტკივა თავი, მთელი სხეული.

ბოლთასა სცემდა ოთახში, ნახევრადმთვლემარე. თავის კუთხეს იცნობდა მთელი სიგრძე-სიგანით: ხუთი ნაბიჯი სიგრძით, სამი — გარდი-გარდმო.

დარონინებდა და ფიქრობდა. შორეული უკრაინიდან იმდილით მიღებულ წერილზე. ძმადნაფიცი ბართლომე სწერდა ბატონის მძიმე უღელზე, ტარასის დის — ირინეს შესახებ.

„მას თავისუფლებას ჰპირდებიან, მაგრამ უმიწოდ გაუშვებენ, — სწერს ბართლომე. — რაღაა თავისუფლება უმიწაწყლოდ — წყალში გადავარდნა სჯობს!“

ტარასის გული დაეწვა მისთვის სანატრელი და უძვირფასესი დაიას ტანჯული სახის, მისი ბავშვების მოგონებისას.

*) **ქარა ოლრიჯი** — გამოჩენილი ზანგი-მსახიობი (1804 თუ 1810 წ. — 1867 წ.). გამოდიოდა ევროპის მთავარი თეატრების სცენაზე და დიდის წარმატებით ასრულებდა ოტელოს, შეილოქს, მეფე ლირს, მაკბეტს. 1857 წელს ჩამოვიდა რუსეთში. შევჩენკომ გაიცნო ის 1858 წელს პეტერბურგში ყოფნისას, დაუმეგობრდა მას და დაჰხატა მისი პორტრეტი.

— ჩემო დაიკო! — ამოიხენეშა, — ბედკრულნი ვართ ორივენი. ვერასოდეს ველირსებით ბედნიერებას.

ოთახში კი უფროდაუფრო ბნელდებოდა, წყვედიადი აშთობდა; აყრუებდა ყველაფერს. შეეჩენკომ ანთო პაწაწინა კანდელი. ოდნავ მბჟუტავი სინათლე კიდევ უფრო საგრძნობელს ჰხდიდა ოთახის სიღარიბეს.

მოაგონდა: დილით ტოლსტოებთან დაპატიჟეს საღამოზე. ჩაცმა დაიწყო. იცვამდა ფაციფუცით, თითქოს ჰსურდა სასწრაფოდ დაეტოვებია ლატაკი კუთხე.

ტოლსტოებთან შეეჩენკომ, მოქანცულმა და მდუმარემ, გულგრილად ჩამოუარა ნაცნობებს. ანაზღეულად თითქოს გამოიღვიძა:

— ოლრიჯ... აჰრა! — მოესმა ლმობიერი, გულთბილი ხმა.

ტარასი გრიგოლის-ძემ ზეაილო თავი და ყურადღებით შეაჩერდა. მის წინ იდგა საშუალო სიმაღლის, ტანადი კაცი. კანის სიშავის გამო, ნაოქები არ ემჩნეოდა პირსახეზე.

ოლრიჯმა გაიღიმა, და პოეტმა დაინახა ნატიფი თეთრი კბილები, ალერსიანი თვალები. ოლრიჯის სახე გულლია და საამური გახდა.

— მე აჰრა ვარ, — სთქვა ზანგმა და ხელი მკერდზე დაიდვა.

თავისი გვარის წარმოთქმის ნაცვლად შეეჩენკომ უნებურად მოკლედ მიუგო:

— ტარასი!

ისაღიღეს ტოლსტოებისას. აქ ხშირად იკრიბებოდა პეტერბურგელი ინტელიგენცია: მწერლები, მხატვრები, არტისტები. შეეჩენკო ყოველთვის ისვენებდა ამ საზოგადოებაში. მონაწილეობდა წარმტაც საუბრებში: ხელოვნებაზე, მხატვრობაზე, ლიტერატურაზე.

მაგრამ ამდღეს შეეჩენკო თითქოს ვერ ამჩნევდა გარშემო მყოფთ. იჯდა ოლრიჯის გვერდით, მათ ახლოს — ტოლსტოების ძმისწული ქალი. ამ საღამოს, იგი თარჯიმანი იყო: მუსაიფობდნენ პოეტი ტარას შეეჩენკო და გამოჩენილი მსახიობი აჰრა ოლრიჯი. არტისტი მოუთხრობდა თავისი სამშობლოს — ქალაქ ბალტიმორის შესახებ.

— პაპაჩემი წინამძღოლი იყო, — ამბობდა ოლრიჯი, — ჩვენში, აფრიკაში, უამრავი ტომია. ერთიანდებიან თითქმის ცალკე ოჯახებიც კი მტრისგან თავდასაცავად. ხოლო მტერი ბლომად გვყავს. ყველას ჰსურს შეიპყრას ზანგი და დაიმონოს...

— როგორც ჩვენში! — წყნარად წარმოსთქვა შეეჩენკომ.

ტოლსტაიამ გადაუთარგმნა ოლრიჯს შეეჩენკოს სიტყვები. ჯერ თითქოს ვერ მიხვდა, გახედა ლამაზად გაწყობილ სუფრას, ტურფად მოკაზმულ ბანოვანებს, დარბაისელ მამაკაცებს... შეეჩენკოს თვალი თვალში გაუყარა და თავი დაუქნია.

დიდხანს მუსაიფობდნენ. აჰრამ მოიგონა პაპამისი, მოუთხრო მისიონერი მამისა და ზანგი-დედის შესახებ. დედის მოგონებისას გულთბილი სიყვარულით აუციმციმდნენ თვალები. უამბო დის შესახებ. ის მონობაშია ისევ, და ძმას არ ძალუძს დახმარება: და შავკანიანია, მდიდარი ადამიანები პირუტყვად სთვლიან მას.

— არაა საჭირო ვადათარგმნა, — უთხრა ტოლსტაიას შევჩენკომ. —
გმადლობთ, ყველაფერი მესმის.

და საუბარი გაგრძელდა უთარჯიმნოდ. ოლრიჯი აღტყინებით იგონებდა სამშობლოს, ზანგთა უფულეობას, მონობას, კატორღას, გაქცეული ზანგების დევნას ბატონთა ძალებით. თავის სიტყვებს ახმარდა ქესტებს. შევჩენკო იჭერდა უცხო ენის ნაცნობ სიტყვებს და ესმოდა ყველაფერი, რასაც მოუთხრობდა ახრა.

— ბედმა მსახიობი გამხადა, — ჯობობდა ოლრიჯი, — მაგრამ შავკახიანი ვარ: თოვლზე უსპეტაკესი სული მაქვს, ყველასთვის უცხო ვარ მაინც.

სტუმრები წამოიშალნენ. სადილი დამთავრდა, ოლრიჯს გარსშემოეხვივნენ. დიასახლისმა ყველას შესთავაზა წასვლა თეატრში, სადაც იმ დღეს გამოდიოდა მსახიობი.

დათანხმდნენ, საჩქაროდ ჩაიცვეს და ქუჩაში გავიდნენ.

იქ ელოდათ მეეტლეთა მთელი მწკრივი.

იმ საღამოს შექსპირის „ოტელოს“ დგამდნენ. ოტელოს როლში გამოდიოდა ოლრიჯი.

ერთერთ პირველ რიგში მჯდომარე შევჩენკო შეკრთა ახრა ოლრიჯის დანახვისას. ის შემოდიოდა სცენაზე იაგოს მაშხალით გაშუქებული და დეზდემონასადმი სიყვარულით აფრთოვანებული ოტელო ამბობდა:

— და თუ აქ კაცსა თავის ქება ჰმატებს ღირსებას,
მაშინ საქვეყნოდ გავამხელ, რომ ჩემთა წინაპართ
ქვეშ სახელმწიფო ტახტი სდგმიათ და მეც ღირსი ვარ
ამაყად დავხვდე ჩემგან ნაპოვნ ბედნიერებას...

ახლა რომ უამი

იყოს ბრძოლისა, წაქეზება არ დამჭირდება... *)

დარბაზში სული გატრუნეს. შევჩენკო ოლრიჯის გარდა ველარავის ხედავდა. უქვრეტდა ვნები თავსებულ მის თვალებს, ტუჩებს... იქიდან მოისმოდა ხან სიხარულის შეძახილი, ხან მოიფრქვეოდნენ ღრმაკაეშნიანი სიტყვები, ესმოდა, თუ რა დაძაბულად სცემდა ზანგის გული, თვალებს ადევნებდა, თუ როგორ უფროდაუფრო ეხვეოდა ტრფობის ბადეში მისი მგზნებარე სული. და პოეტის გული, მოქანცული გული, იმიერკასპიის ტრამალეებში დამკეცარი გული, რომელიც სევდით იგონებდა დას — ირინეს, გული, რომელიც ოცნებობდა მყუდროებასა და სიყვარულზე, იწოდა და სცოცხლობდა ოლრიჯის გულთან ერთად, ოტელოს გულთან ერთად.

შევჩენკო ველარ ამჩნევდა ანტრაქტებს პიესის მოქმედებათა შორის. მივიდოდა ვინმე ნაცნობი, რაღაცას შეესიტყვებოდა, იწვევდა სადმე წასასვლელად, მაგრამ შევჩენკოს არ ესმოდა და შემდეგ არც შეეძლო ეთქვა, ვინ და რა უთხრა. ის ძლიერ შორს იყო ამდროს ხალხისა და თეატრისგან.

*) ლექსები ამოღებულია ივანე მაჩაბლის მიერ თარგმნილი „ოტელოდან“.

ოტელო იგონებდა სცენაზე:

— ვუამბობდი, რაც შემთხვეოდა უბედურება, რაც-კი ხიფათი გამომეწლო ზღვაზედ, თუ ხმელზედ, რამდენჯერ საშიშ, საზარელის ნაპრალის პირად ჩემი სიცოცხლე ბეწვს ეკიდა, ან უწყალო მტერს ვით ჩავუვარდი ტყვედ და მონად როგორ გამეყიდეს, ან ვით დავიხსენ თავი ჩემი ამ ტყვეობიდან.

და შევჩენკოს თვალწინ გაიელვებდნენ ტრამალები ნოვოპეტროვსკის გარშემო, — უსიერცო, მზითვადანბრუკული, გამოფიტული... თვალწინ მიჰქროდნენ მისი ცხოვრების უნდელი დღეები, ციალებდნენ სახეები.

— მაშ, შენა ჰფიცავ? — ეკითხებოდა ოტელო.

— ამ მარჯვენას გეფიცებით! — მიუგებდა იაგო.

და შევჩენკოს აგონდებოდა მრავალი ფიცისგამტეხი, იაგოსავით გამყიდველი, რომლებიც წვეთ-წვეთობით სპობდნენ და ანადგურებდნენ ყველაზე უფრო ძვირფასსა და ბრწყინვალეს.

— დავგიანდა, დრო აღარ არის! — დაიგმინა მოტყუებულმა ოტელომ. და დეზდემონამაც დაუტევა წუთისოფელი.

— გვიანდა! — გაიმეორა მდუმარედ შევჩენკომაც.

დარბაზი კი გრიალებდა, მქუხარებდა. ხალხი წამოდგა ზეზე, ქედს იდრეკდნენ დიდი აძრა ოლრიჯის ნიჭის წინაშე და მხოლოდ თვით აძრა ოლრიჯი იდგა. სცენაზე უძრავად, ოდნავ მიელულა თვალნი, ბაგენი მოკუმოდა უკანასკნელად ამბორებისას.

და ამდროს ფერმიხდილი, აგრეთვე ნახევრადთვალდაბრუნებული ტარას შევჩენკო სავარძლებს შორის რამპისკენ გაეშურა.

— სად არის ოლრიჯი? — იკითხა სცენის იქით.

იდგა წებოს სუნი და მტვრიან ჰაერში ძნელი იყო სუნთქვა.

— სადაა აძრა?

წყნარად შევიდა გენიალური მსახიობის, ოთახში. აძრა ფართო სავარძელში ჩაწოლილიყო. მაგიდაზე იდგა დიდი კანდელი და აშუქებდა მსახიობის სახეს.

ოლრიჯი მძიმედ სუნთქავდა, მკერდი ამთავორებოდა, — ვერ ახერხებდა სიყვარულისგან შებოქილი პირის გაღებას, თვალები კვლავ მილულადა.

— აძრა! — ნელა დაუძახა შევჩენკომ კარაპინიდან.

ოლრიჯმა თვალი გაახილა. მიმოიხედა, თითქოს არ ესმოდა, თუ რატომ იყო აქ. შეხედა მკენარ ყვავილებს, მაგიდაზე მიგდებულ პარიკს. შეაჩერდა. შევჩენკოს თვალებში, დაინახა ცრემლი. ჰსურდა წამოდგომა სავარძლიდან. ვერ შეიძლო.

— ტარასი! — წარმოსთქვა ოლრიჯმა მისთვის ნაცნობი სიტყვა.

— აძრა! — გაექანა მისკენ შევჩენკო.

მკერდში ჩაეკრა მსახიობს.

— ჩვენ ორივენი, — ამბობდა შევჩენკო, — ორივენი დავეძებთ ბედნიერებას, ის კი არა სჩანს: არ არსებობს ბედნიერება... გვლალატობს ბედი... მოიწი, ჩემო ახრა! მსურს გეამბორო, მეგობარო.

არ ყოფნიდა საჭირო სიტყვები. იმ წუთს ველარ ეპოვნა და მათი ძებნაც არ იყო საჭირო. ვილაც აკაკუნებდა კარზე, უხმობდა მსახიობს, მაგრამ არც ოლრიჯს, არც შევჩენკოს არაფერი ესმოდათ.

ტარასი ჩაეკრა თავის შორეულ მეგობარს და ჰკოცნიდა მის გრიპირებულ პირსახეს, ლოყებს, ტუჩებს, თვალებს, საიდანაც შეუჩერებლად იფრქვეოდნენ ცრემლები.

შევჩენკოს ადრე გაეღვიძა.

წვიმის, თოვლქუყაპისა და ნისლის შემდეგ მშვენიერი დღე დადგა. მზემ დაფარა კუნძული. შევჩენკოსთანაც შეიქვრიტა მან. ღარიბი ოთახი გახალისდა. ღუმელი აფრქვევდა სითბოს.

შევჩენკომ შეიცივნო სტუმრის ფეხისხმა. გაექანა შესახვედრად, ჩაეხვია და გადაკოცნა ახრა ოლრიჯი.

— მე დაგხატავ, ჩემო კარგო მეგობარო! — ამბობდა შევჩენკო, — შევქმნი სურათს, და როცა ვინმე შეხედავს მას, გაიგებს ჩვენს მეგობრობას. მიხვდება — თუ რატომ შეგიყვარე შენ — ზანგი — და რატომ შემიყვარე მე — უკრაინელი — აფრიკელმა ადამიანმა. ორივე საბრალონი ვართ, ორივენი ბედკრულნი.

— დაჯექი აქ, — მიაწოდა სელი შევჩენკომ, — დღეს დაგხატავ ახრა ოლრიჯის სურათს.

ოლრიჯი მობრუნდა. ფანჯრიდან ათვალიერებდა ქუჩებს, არხებს. და მისი სახე იყო ოტელოსი, რომელსაც თამაშობდა წინაღამით. სახეზე აღბეჭდოდა ტანჯვა-წამება, კაეზანი, სიყვარული და სიძულვილი.

— არა! — სთქვა შევჩენკომ, — შორს ტანჯვა, შორს მწუხარება, ახრა! ყველაფერი გაივლის. დარჩება მხოლოდ სიხარული. ვიცინოთ. ოდესმე გვეწვევიან სიხარული და ბედნიერება. დასცინე ამ წყეულ წუთისოფელს, ახრა! იცინე, ჩემო მეგობარო!

შევჩენკომ თვითონვე გაიცინა. ახრა შემკითხველად მიაჩერდა მას. ყველაფერს ვერ მიხვდა. შევჩენკომ ფართოდ გადაშალა ხელები, თითქოს მთელი სამყარო უნდა ჩაიხუტოსო. მიუთითა ფანჯრის იქით მოთამაშე მზეზე, მის მხიარულ ათინათს კედლებზე, ხელები მკერდზე მიიბჯინა და შემდეგ თავშეუკავებლად გაიშვირა ისინი მსახიობისკენ.

ახრა მიხვდა და გაიცინა. მის სახეზე, ზანგის მშვენიერ, კეთილშობილ სახეზე, აციალდა სანდომიანი ღიმილი. იცინოდა. ფიქრობდა მზეზე, ადამიანებზე და შევჩენკოსთან შეხვედრის სიხარულზე.

შევჩენკომ ფუნჯი შეახო მქისე ტილოს. ტილოს ნელინელ შეეპარა სიცოცხლე.

ლ ე ქ ს ე ბ ი

კოლმეურნეებთან ლხინში თქმული.

მე ჩემი სახლი გამხსენებია;
გამხსენებია ყველა კეთილი...
თქვენთან ნადიმში დამთენებო,
არ დავრჩენილვარ გულდაწყვეტილი.
მე განმიცდია მთის იდილია
და საარაკო ლხინი მზიური,
მაგრამ ეს რალაც უფრო ტკბილია,
უფრო ნაცნობი და მშობლიური.
ჩემს გვარს უშიშარს და იმედიანს
არ მოჰკლებია ყურძნის ნაწური,
მაგრამ ეს რალაც უფრო მეტია,
უფრო სოფლური და ვაჟკაცური.

ძველი მოლოცვის მოსაგონარი

ო... არ იფიქროთ, რომ გოგონების-
მწვავს სიყვარული, ან სიძულვილი.
მე მხოლოდ შორი დღის მოგონების
და გახსენების მქონდა სურვილი.
და აი, გუშინ, როცა კარადის
თაროსთან წიგნებს ვეძებდი დილით,
უეცრად ვნახე თქვენი ბარათი
თქვენსავით მკრთალი და ფერმიხდილი.
— გილოცავ, ძმაო, ბედნიერ მყობადს, —
ჩამჩურჩულებდა ნაზად წერილი,
მან მომაგონა ჩვენი ბავშვობა,
გზები — ია და ვარდით ფენილი.

ო... არ იფიქროთ, რომ გოგონების
მწვავს სიყვარული ან სიძულვილი,
მე მხოლოდ შორი დღის მოგონების
და გახსენების მქონდა სურვილი.

სამი უსათაურო

შენ რომ გზნოდეს, ვიყო შენს გვერდით
შენსავით წყნარი, შენსავით მშვიდი,
შენ გიგალობდი, შენ ვ. მღერებდი,
შენთვის გულსაც კი ამოვიჭრიდი
და შენს სიყვარულს არ მოვიშლიდი.

მე სიყვარული ამიტანს უცებ...
დაგეძებ, დამსდევს ფიქრთა კრებული.
დავიარ ჩემი ქალაქის ქუჩებს
და დავბრუნდები აღელვებული.
სად ხარ? სად განახო? საით იქნები?
ვიცი — გარბიხარ და მემალეები.
შენ დაგეძებენ ჩემი ფიქრები
და ანთებული ჩემი თვალეები.
იცოდე, კვლავაც თუ გამიქრები,
ჩემს სიყვარულში დაგაჯერებენ,
შემოგხვდებიან ჩემი ფიქრები
და ჩემს მაგივრად გაგაჩერებენ.

გთხოვთ, არ გაიგოთ სხვანაირ სახით
შაირი, ლექსი და ეს ბარათი,
მე მინდა თქვენთან დავიდგა სახლი
და მთაწმინდაზე დავრჩე მარადის.
რომ შთაგონებით მთვრალი და ხელი
ავმღერდე თქვენი ტრფობის თილისმით.
თქვენ მოიღეროთ ჯეირნის ყელი
და გიყურებდეთ მთელი თბილისი.

სვანები ქველს იმერეთში

მგზავრები თითქმის იმერეთში იყვნენ მისულნი, მგზავრობა ჰქონდათ საშინელი და უფერული, — სვანს უსათუოდ მასპინძლობა სწამს იმერული, წვიმა კი არა და არც ქარი ქუთაისური!..

მიადგნენ ქალაქს და ქუჩებში რიხით მიდიან ხუთი ვაჟკაცი, დაღალული, ხუთი მთიელი, თან აქვთ გუდები, დამშეული სიცალიერით... სვანისთვის უცხო არც რიონზე ჯაჭვის ხიდი!..

...და თითქოს ეს ცაც იმერული საცრის მავივრად სცრის, როგორც ამბობს ერთ ზღაპარში ყრუ დედაბერი;

სვანს გაუგია: იმერეთში იცის თაქარა, პატარა ქარიც, ცოტა წვიმაც, ცოტა „სხვაფერი“.

ჰო და, „სხვაფერი“ წვიმა სცრიდა ქუთაისური, არ ეშინოდა მთიდან მოსულ ახოვანების, ძველ ჯაჭვის ხიდთან დაღალული შედგნენ სვანები

და აყაყანდნენ მასლაათიბო დარბაისლურით!

უცბათ ვიღაცამ სვანებს ჰკადრა შეპატიჟება, იმერულ რიდიით. მოკრძალებით. ხილის ფათურით, ჩუმად შეუძღვა, შეანელა ხმა ქუთათური და სუფრის გაშლა მოისურვეს დუქნის ბიჭებმა!

და მასპინძელი. დატრიალდა ძველ ჯარასავით. სთქვა: „რა მოგართვათ, ღვინო იცდის თქვენთვის სვირული.“

ყველაფერი გვაქვს შესაწვავიც, მოსახარშავიც!“
და გააკვირვა სმა-ჭამისთვის თავგანწირულნი!..

წაიკაპიწეს, შემოუსხდნენ სუფრას სევანურად,
შამაპაპიდან გაუგიათ ქება იმერლის.
სუფრა გაშალეს სევანისათვის გასაკვირველი,
არც ამნაირი მასპინძლობა ეუცნაურათ.

ყელიც შლეროდა: „მო, სვირულით ჩამაგრილეო“
და უღვაშები წითელ ღვინით გაუფერულდა;
სევანებმა სცადეს მოემართათ ხმა იმერულად,
შაგრამ ისევე ღვინომ სძლიათ ეთქვათ „ლილეო“.

აკურთხეს, ლოცეს მასპინძელი გასაკვირველო,
ლოცვით მოიხმეს: მოხუცები და ჭაბუკები:
„გადაგებადოსთ მაგიერი მისთვის უკლებლივ
სევანეთის ხალხის, მოყვარულის, კაცის პირველის!“..

შეუჩვიველებს ვაზის წვენს და პილპილიანებს
შემოეპარათ შეუმჩნეველად ძალა ბახუსის.
სევანს დვინო მხოლოდ დასალოცად ჯამში ჩაუტხი,
სულმოუთქმელად დასაღვეად შეატრიალებს!..

ბარბაცით გულხვავ მასპინძელთან მივიდნენ
მთვრალნი,
შადლობა უთხრეს, სამადლობელს სევამენ ასრიგად.
მასპინძელს მათი ეს „მადლობაც“. არ ეჭაშნიკა,
სევანების სუფრას გადაავლო მწუხარედ თვალი.

შემდეგ აიღო... „ატრიალა ხელში ქალაღნი,
ისიც და ესეც ღვინოც იყო ათი ჩარეკა“ —
ცოტა დაფიქრდა, ყველაფერი ჩოთქში ჩარეკა,
სევანებს დაადო შეუჩვივი გადასახადი!..

გაკვირდნენ, გულუხვ მასპინძელსაც ახედ-ჩახედეს.
„ფულის გადახდა სტუმრისათვის რის მაქნისია?!“.
„სევანებო, მთელი პურმარული გამინახევრეთ,
და ასე მიხვალთ, ერთი მითხარ, რა სინდისია“?..

დადგნენ და დიდხანს უცქეროდნენ მთვრალი
თვალებით,
უკვირდათ: სუფრა ვახადა უცხო და უფერული;

სვენს უსათუოდ მასპინძლობა სწამს იმერულა.
არა ასეთი მასპინძლობა, გადასარევი.

შემდეგ წაიღო ქუთაისმა მათი არაკი.
მოედო ქალაქს, როგორ სჭამეს პური სვენურად;
გახშირდა კორი, ყბადალება და ლაპარაკი.
არც ამნაირი მასპინძლობა ეუცნაურათ!..

დიდოსვამის კონსტანტინეს მარჯვენა

რანდული რომანი

ფრაგმენტი

XXIII

„უამი რაი წულილთა ამოფშეინვათაი წარმოდგეს, ზარი მეფობისაი წარხდეს და დიდებაი დაშრტეს, შენობახი უქმ იქმნენ, სხუამან მიიღოს სკიპტრაი, სხუასა შეუდგენს სპანი, მაშინ შემეწყალე მსაჯულო ჩემო“.

ღავით აღმაშენებლის გალობანი სინანულისანი

777
27

მოწეულიყო არე განაფხულისა. ლაინისფერ მთებზე ალაგ-ალაგ ვლავდა ხასხასა სითეთრე. მწვანე შემოსდგომოდა არაგვის ხეობას.

ჰყვარდა ნუში.

ქედანისფერი, მგლისფერი და ზღვისფერი ებრძოდნენ ურთიერთს კორდებზე.

მზე ეთხოვებოდა მცხეთის ტაძრების მოოქროვილ გუმბათებს.

კონსტანტინე არსაკიძე ნელის ნაბიჯით ჩამოდიოდა ერთსართულიან ქვითკირის სახლიდან, რომელსაც ჩარდახმორღვეული კოშკი ჰქონდა უკან მოდგმული. ხურსი აბულელის სახლთუხუცესს რატის ეკუთვნოდა ეს პატარა სასახლე ოდესღაც.

როცა ხურსი სარკინოვნებთან ვაიქცა, სახლეული და სახლთუხუცესი თან წარიტანა, მხევალი ნონაი დასტოვა შინ.

მერმე ის იყო ხუროთმოძღვარის ხარისხი მიუბოძა გიორგი მეფემ არსაკიძეს და ეს სასახლეც მას გადასცეს.

ხილნარი ერთყა სასახლეს ვარშემო, ირანულ გემოზე მოწყობილი ბაღია, ათიოდე საფუთკრე შიგ.

მოხუცებული ნონაი მრავალ წელს მარტოკა ცხოვრობდა ამ უკაცრიელ სახლში.

ყველაზე ადრე მწერი და ქვეწარმავალი შეიცნობს ხოლმე კაცთა ოჯახის იავარყოფას.

ობობები შეესია კუთხეებს, ხოჭოებით გაივსო კარადები და განჯინები, მორიელებმა გამოსტენეს ქვითკირი, ცეცხლისფერი მორიელები ზიმზიმებდნენ თაროებსა და ფანჯრის რაფებზე.

ნონაი თავგამოდებით ებრძოდა მათ, ბოლოს გაქცევა გადასწყვიტა. დედათა მონასტერში მონაზნად აღკვეცას აპირებდა, რადგან ამბავი მოუვიდა: რომელიღაც ომში მოჰკლესო ოატი.

სწორედ ამ დროს დააბინავეს ტყვე ყოფილი ლაზი მუნ, სიხარულისაგან ცას ეწია ნონაი.

მამისეულ ოჯახში ნებიერად გაზრდილს მეურნის ნიჭი არ მოსდგამდა არსაკიძეს. განადგურების კიდეზე იყო მიმდგარი რატისეული სასახლე. შერყეულიყვნენ თავკიდურები, ბალავარი მიწისძვრას დაეხეთქა, სახურავის ფიქალი ალაგალაგ ქარს გადაეძრო. ხეხილი დაეზრა ყინვასა და ბუქს.

მიმხედავი არავინ სჩანდა.

არსაკიძე დღენიადაგ ხარაჩოებზე დაბობდავდა. მთელს საქართველოში დაეხეტებოდა, ციხეთა და ეკლესიათა მშენებლობას თვალს ადევნებდა. დაქანცული, კირში ამოთხვრილი ბრუნდებოდა ნასამხრალზე შინ, ზეზეურად წაიხემსებდა, კვლავ სამუშაოს მიუჯდებოდა.

თავათ ხაზავდა გეგმებს, ასწორებდა სხვის მიერ დახატულ დეტალებს, არ ენდობოდა ხელოსნებს ხანაც, სტეკას წაავლებდა ხელს, აქანდაკებდა ბარელიეფებს, ჩუქურთმებსა სჭრიდა უდრეკ ლოდებზე, საფრესკე ნახაზებს ამზადებდა თავათ.

საკუთარ შვილსავით უვლიდა ნონაი ქაბუქს. იტანჯებოდა მოხუცი დიაცი არსაკიძის უმწეობისა და სიბედშავის შემყურე. დღენიადაგ შრომაში გართულს ჭამაც კი აფიწყებოდა. ჯამიანად უკან დასდევდა ნონაი.

შესჭამეო რამე, ევედრებოდა თავის ახალ ბატონს, რომელსაც ბატონობის უნარიც არ აღმოაჩნდა.

იმ საღამოსაც აჩრდილივით მიიპარებოდა ბინიდან. ბაღიაში კაჭაქსა სთხრიდა ნონაი.

გამოუდგა.

დღეს უმადოდ ისადილე, ბატონო, მცირეოდენი კორკოტი მაინც ინებეო, ევედრებოდა. არსაკიძეს ეშურებოდა, მაგრამ ხათრი დასდო მოხუცებულს. დედას აგონებდა იგი უცნაურის მზრუნველობით. კორკოტიც არა ჰქონდა მოთავებული, კეცზე შემწვარი ორაგულები მოურბენინა ნონაიმ.

მაგვიანდებოა, მოიმიზეზა არსაკიძემ, ხელიდან დაუძვრა მხევალს.

ბაღია გადაიარა თუ არა, ფარსმანის სახლს მოჰკრა თვალი.

შევალ და ვინახულებო ავადმყოფ ოსტატს, ეს გაიფიქრა და სწორედ ამ დროს ძელსა ჰკრეს მთავართა სანათლოის ეკლესიაში. ეზოსმოდღვრის გუშინდელი საყვედური გაახსენდა ანაზნად: წირვასა და მწუსრზე ვერ გხედავენო ლაზო.

შემდგომ ამისა, ძველთუძველესი ისტორიები წამოიწყო ხუცესმა. ლაზები იყვნენო პირველქრისტიანნი საქართველოში, მათ აღმართესო ძელი პატიოსანი, პირველად, თუ წარმართმა ფხოველებმა არ გადაგარჯულეს, შენ უნდა იყვეო სანაქებო შჯულისმოყვარე.

ამ თავაზიან შეგონებაში უცილოდ ერია იდუმალი ქირღვა. კარგად იცოდა არსაკიძემაც, გულბოროტი რომ იყო ეზოსმოდვარი ამბროსო, ენაქარტალა და მთესავი ღვარძლისა.

ახლა, როცა, დიდი ხნის წამების შემდეგ, ბედმა გაუღიმა, რაღად სჭიროდა მიუსათარ ტყვე ლაზს, ამ ქვეყნის ძლიერთა გულისწყრომის დამსახურება.

დაქანცული იყო მთელი დღე ხარაჩოებზე თრიალისაგან, შინგაბრუნება ყველაფერს ერჩია, მაინც არ მიეძალა გზას.

მარტის მზეს სიმხურვალე დარჩენოდა მთების უბეებში. ხვადაბუნების პაწია ვენახებს სხლავდნენ. ალაგ-ალაგ კოცონები ენთო ბალის კუთხეებში, ლიწინლიწინი გაჰქონდა წალამს.

რქა აეყარა ვაზს, აყვავებულყო ფშატისა და ატმის ხეები. ლერწები დასწითლებოდა ნერგებს, მანულის ბუჩქები ყვითლად ღვივოდნენ, ცეცხმოდებულ ჯაგებს წააგავდნენ ისინი.

მწუხრი მშვიდობისას უსურვებდა არსაკიძე ვენახებში მომუშავეთა.

ბავშვებს სიმღერით შემოჰყავდათ მთავართა სანათლოს გარეუბანში ღორ-ხბო. მათ უკან კამეჩის ჯოგები მოიხლაზნებოდნენ თემშარაზე, ნახირები მოსდებოდნენ გზებსა და შუკებს, ყროყინობდნენ თავაწეულო კამეჩები, ჭიხვინებდნენ უბელო ჭაკები, ფანლიანი აქლემები მოაკანტურებდნენ თავს, ქერა კვიცები მოკუნტრუშობდნენ ტალახიან გზებზე.

კორდი აიარა თუ არა, სვეტი ცხოველი გამოჩნდა შორიდან.

გაიხარა ოსტატის გულმა. ორი წლის წინად მიწას არ აჩნდა ბალავარი ამ ადგილიდან. ახლა ხარაჩოების მთელი ტყე იდვა ოთხივე კიდეს სვეტები, კოკები, კაკუტები, ლატნები, ხარხინები და ძელები.

სამკუთხედი, ოთკუთხედი, ჯვარედინი, წრიული და მანდიკური ხაზები ეს ყოველივე ისეთ შთაბეჭდილებას ჰბადებდა შორიდან, გოლიათური ქარის წისკვილები აუგიათო, ქორედ ქორედი ხუხულები, დევის ყმაწვილების სათამაშოდ გაკეთებული.

ამ უწესრიგო, უსწორო ხაზების ქაოტიურ ზესწრაფვაში მხლოდ ოსტატის თვალი თუ ამოიკითხავდა მომავალი ნაგებობის ანაგობას. დიდებულს.

არავინ ისე არ იტანჯება მატერიის ქაოსის შემყურე, როგორც ხელოვანი ამ ქვეყნად.

არსაკიძე გრძნობდა, მეფემ და კათალიკოსმა უდიდეს ოსტატს რომ შეარკინეს იგი. მოხუცებულ ბრძენკაცს უნდა შებმოდა მოკრძალებული, თავმდაბალი ჭაბუკი. მის ქმნილებას უნდა დაეჩრდილა ყველა ტაძარი ფარსმანის მიერ აგებული სამცხეში.

ღმერთია მოწამე, მას არ მოუწადინებია ეს, არსაკიძის სახელს დასწვდნენ და ესროლეს იგი ფარსმანს, როგორც ხელკეტი მწიფე ნაყოფს.

ხალხს გულამაყი ეგონა არსაკიძე უთვინიერესი ბუნებით. ჯერ კიდევ ფარსმანისაგან ჰქონდა მინიშნებული კონსტანტინეს. ბრძენკაცი უნდა იყვეო და შლეგად მოაჩვენოვო ადამიანებს თავი, გმირი უნდა იყვეო

ჯაბანივით დადიოდე, ოსტატი უნდა იყვე და ხელმოცარულად მოგქონდეს თავი, რადგან არავის იმდენი მტერი არა ჰყავსო ამ ქვეყნად, როგორც ბრძენკაცს, გმირსა და ოსტატს.

არც თუ ოდესმე გაბედავდა არსაკიძე არაგვისა და მტკვრის შესართავთან ტაძრის აგებას უკვარცხლობეკო ვაკეზე.

აღმოსავლეთიდან ჯვარის ტაძარი გადმოსცქერის მას, სარკინეთისა და ზედაზენის მთების გვირგვინი, ჩრდილოეთიდან, ყაზიბეგის მწვერვალიდან ყინვის ბექთარებში ჩაჭედილი მარადღეამობა.

ეს ყოველივე კარგად ესმოდა არსაკიძეს, ამიტომაც ებრძოდა იგი ამ უხეში ლოდების ქაოსს, როგორც იაკობი თავის მრისხანე ღმერთს.

ორი წლის წინად, ეს ლოდები, ეს ძელები, ეს აგურები უწესრიგოდ გაარნენ მიწაზე, დახედა ოსტატის თვალმა, შეეხო ოსტატის ხელი, ქვა ქვაზე შესდგა, აგური აგურს წაეპოტინა, კედლებმა მხარი მისცეს ურთიერთს, თაღებმა კამარა შეჰკრეს, გუმბათმა ნაგებობა დაავიკრავინა, ბოლოს მიეახლება ნაოსტატარს ოსტატი, ქაოსს შემოაცლის სრულ ყოფილს, ბედნიერი შემოქმედი შესძახებს ქმნილებას: იქმენინ ნათელი!

და ცას მისწვდება ლოდების უცნაური ჰარმონია ცაში ატყორცნილი და ცაშივე გაყინული სამარადღეამოდ.

„კუთხეულია მხოლოდ ნაბიჯი ვალმონდილისა, შრომაა უდიდესი სიქველე ამ ქვეყნად და არც არაფერი ამშვენებს ისე ვაჟაკს, როგორც შრომაში გამოჩენილი სიმამაცე.

უდიდესი სიამაყე, შეუდგება გულს, როცა შემოქმედების შენის ნაყოფი ცხოვრებასა და მიწას სამკაულად გამოადგება“.

უბანი გაიარა ამ ფიქრით მოცულმა ჭაბუკმა, ველი დაიწყო უკაცრიელი. გუგულის ხმა მოისმოდა შორიდან. გაზაფხული გაუბედავად მოსდგომოდა არაგვის ხეობას, გუგული უხმობდა თითქოს, მთების უბებში დაყოვნებულს.

ბეხრეკა მუხა გაეჭაბუკებინა გაზაფხულის სუნთქვას ძალოვანს. გალურჯებულ იყვნენ შტოებზე ლერწები, ია გამოსულიყო აქაიქ კორდებზე, ავშანის მხარე ბუჩქებში განაბული. ფაჩუნებდა ღობემძვრალა ნაზამთრალი ფოთლებში, მწითური ჯინჭველების ქარავანი აღმა აპყლოლოდა დაკორძებულ მუხის ტანს.

ხოლო ქვევით, დაღვარჭნილ ფესვებთან შავი ჯინჭველები მისეოდნენ გვამგამოფატრულ ყვითელ მუხლუხას, ფუსფუსებდნენ გრძელულვაშიანი მეკობრენი, სიცოცხლე ზეიმობდა სიკვდილის კარზე.

კორღზე წამომჯდარი მწყემსი სალამურს უკრავდა. თხები დაკუნტრუშებდნენ ქარაფების ფერხთით. ციკნები კიკინებდნენ მავლოვანში მონავარდენი.

ძელსა ჰკრეს სამთავროს ეკლესიაში.

მწუხრზე ერქარებოდა არსაკიძეს, გადასწყვიტა მოკლებით მოეჭრა სასაფლაოზე გზა.

საწყალობელი იყო ძველთაძველი საგოდებელი.

ქართული, ბერძნული, არაბული წარწერანი მოსჩანდნენ ლოდებზე, ფრინველთა სკორეს წაებლიწათ უპატრონო სამარხები.

ყორნები წამოიშალნენ ქვის ჯვრებიდან, უკმაყოფილო ყრანტალით მიაშურეს მუხოვანს.

მიდიოდა არსაკიძე, შრილებდნენ ანწლისა და ავშანის მხმარი კლერტოები. თვალს გადაჰკრავდა გზადაგზა წარწერებს, ხანაც სამარხებზე დაყუნცულ ქვის ვერძებს გადაჰხედავდა. ზოგ წარწერას კიდევ გაარჩევდა თვალი, ხავსს წარეხოცა ზოგიც.

ქართველი, ბერძენი, სარკინოზი, ყველა წამხდარიყო სიკვდილის წინაშე. ამ სოფლიურ ამაოებას მისტიროდნენ, შენდობასა და მოხსენებას ითხოვდნენ ყველანი.

„ნუთუ ცოცხალთა ღმერთი უნდა იყოს იგი, ვისაც ეს მზეგადასული თაობანი შეჰკლადებენ? თუ სიკვდილის უფალია, ჩრდილების ქვეყნისა და შავეთის თავადი?“

საგოდებელი გადაიარა არსაკიძემ და შეღმართი მოათავა. ანწლისა და ავშანის კლერტოები წელამდის წვდებოდა, უსიცოცხლო შარიშური გაჰქონდა ნაზამთრალ ღეროებს.

იძალა სალამურის ხმამ, ძახილს მოუხშირა გუგულმა.

ასე გამოდიოდა: პანის სალამური და გუგულის ხმა უხმობდნენ გაზაფხულს; ამ გავერანებულ საგოდებელშიაც გადმოსულიყო. რადგან ავშანისა და ანწლის ნაფესვარებიდან თავი წამოეყო მორჩის, ყურდაცქვეტილი ყლორტები უღიმოდნენ ცას. აზმორებდა მიწას სიმხურვალე გაზაფხულისა. სადაცაა ჟვერს უნდა ამოეხეთქა და ამ ველურ ვეგეტაციას წარეხოცა ეს ხავსიანი ლოდები და ქვის ჯვრები, ეს წარწერანი ამაოებისა და სიკვდილის მაუწყებელი.

გუნება შეეცვალა არსაკიძეს, კიდევ ერთხელ გადაჰხედა სვეტიცხოველს. კორდი აირბინა ისე მსუბუქად, თითქოს ხელმეორედ შობილიყო ამ ქვეყანაზედ.

მიდიოდა მტკიცე ნაბიჯით და ფიქრობდა თავისთვის:

„ხელოვანებაა თავათ უკვდავება...“

მხოლოდ ოსტატს ვერ დაეწევა სიკვდილი...“

ათასეული წლები წალეკავენ ირგვლივ ყოველივეს, მხოლოდ სვეტიცხოველი დარჩება, როგორც ღმერთთან და სიკვდილთან მებრძოლი იაკობი“.

შედრკა საკუთარი ფიქრის წინაშე და ეკლესიისკენ მიმავალ ბილიკს მიჰყვა აჩქარებული ნაბიჯით.

ძილსა ჰკრეს სამთავროში ხელახლა.

ზღვა ხალხი ვერ ეტეოდა ეზოში, გალავნის გარშემო მოჯარულიყო ბრბო. ბაღლებიანი დიაცები კარიბჭეებში ისრისებოდნენ. ჭიხვინებდნენ ქვის ყორეებთან დაბმული ულაცები, დიდკაცების თოროსან ცხენებს დასეირნებდნენ მეჯინიბენი.

მათხოვრები ჯამბაზები, და მუცლითმეზღაპრენი ქოთქოთებდნენ კარიბჭეებთან. ისმოდა ურთიერთში აღრეული გალობა, ბავშვების ღნავილი და ცხენების ჭიხვინი.

შესავალთან ვილაც მოხუცი შეაყენა არსაკიძემ.

ჰკითხავდა:

ხატობაზე ხომ არ მოსულაო, ეს ამოდენა ხალხი?

არა, ხატობა როდიაო, მელქისედეკ კათალიკოსი იქადაგებს მწუხრის შემდეგ, ამადაც მოაწყდაო ხალხი.

არსაკიძეს არ უყვარდა ის უცნაური სუნი, ადამიანებით გაჭექილ ეკლესიებში რომ ხდება საცნაურ, მხოლოდ ეს უნდოდა: ეზოსმოძღვარი დაჟლანდა როგორმე, ამის შემდეგ მოხდილად ჩასთვლიდა მიაგალებას ამ ჯერად.

ხალხით გაჭედდილიყო ტაძარიც, მაინც ყველა შიგ შესვლას მიესწრაფებოდა. ორ-ორ კაცს გამოჰყავდათ გულშემოყრილი ქალები, ერთ მანდილოსანს გოლიათურ ანაგობისას ოთხი ვაჟკაცი შესდგომოდა, სავსებით ფერმიხდილს ძლივს მიათრევდნენ ბრბოში.

კლიროსიდან მოისმოდა სულზე უტკბესი გალობა. ეს გალობა უყვარდა არსაკიძეს, მხოლოდ ამისთვის დადიოდა წირვაზე, მაგრამ ტაძარში ისეთი სუნი იდგა, მხოლოდ კანტი-კუნტად მოისმოდა მგალობელთა ხმა.

მწუხრი მოთავებული იყო, როცა არსაკიძემ ტაძრის შუაგულამდის მიადწია ძლივს.

კათალიკოსს ქადაგება უკვე დაეწყო.

სიყრმეში ნასწავლი დაბადება მოაგონა არსაკიძეს მისმა საუბარმა. დაკობის მიერ ღმერთთან შებრძოლებას ეხებოდა მელქისედეკი...

...და წიად მოიკრიბა იაკობ ყოველივე, რაეცა იყო მისი და დადგა იგი მარტო მუნ და ერკინებოდა მას კაცი ვიდრე განთიადამდე.

და ვითარ იხილა რამეთუ ვერ უძლავს მისსა მიმართ, შეეხო ვრცელსა ბარკლისა მისისასა და დაუბოშა ვრცელი ბარკლისაჲ იაკობისი, ბრძოლასა მას მისსა მისთანა და ჰრქვა: განმიტევე მე, რამეთუ აღმოხდა ცისკარი“. და მან ჰრქვა: რათ არს სახელი შენი? ხოლო მან ჰრქვა: იაკობ“.

ეს ადგილი ზეპირად წარსთქვა მელქისედეკმა.

შემდგომ ამისა მტკიცე და შეუდრეკელი ხმით განაცხადა: მოწესეებსა და მღვდლებს მართებთ კარგად განმარტება ამ ადგილისა, რადგან მწვალებელნი და მკრეხელნი აუგად იყენებენო იაკობის მიერ ღმერთთან ბრძოლის ამბავს.

ამ ქვეყნიური სახელითა და პატივით გულმოცემულნი შემომქმედს უტოლებენ თავს, ღმერთთან თანაბრძოლობას მიეღვტიანო.

აქ ხმა აუმაღლა კათალიკოსმა და იქედნური ღიმილით დასძინა: ამ საცოდავებს ის ავიწყდებათ, ბარკალი რომ მოსტეხაო ღმერთმა თავის უფალთან მორკინე იაკობს.

ბიბინებდნენ კანკელის წინ სანთლები, ელავდა ოქრომკედი კათალიკოსის ომფორზე, ციმციმებდნენ ვარშამანგის აღმასები.

დაწვის თავები შესწითლებოდა მელქისედეკს, მომნუსხველი მზერით შესცქეროდა იგი გარსმოჯარულ ბრბოს.

ამ წუთში ასე ეგონა არსაკიძეს მას ერთს შესცქეროდა კათალიკოსი. ეჭვით აღედგრა მცირეოდენი. წელანდელი ფიქრი ხომ არ შეიცნოვო ამ მოხუცმა გრძნეულების ძალით?

ჯიქურ შეხედა კათალიკოსს, მაგრამ მალე თავი დაჰხარა, ვერ აიტანა მელქისედეკის დაძაბული მზერის სიმძაფრე.

გული უწუხდა კონსტანტინეს ბრბოში გაჭექილს. ოფლის სუნი მისწვდა მის სათუთ ცნოსვას, ოფლისა, საკმეველისა და მირონის სუნი ურთიერთში აღრეული.

კარებისაკენ უკუიქცა.

მიდიოდა. კი არ მიდიოდა, მხარულით მისცურავდა თითქოს. არსაკიძე ჯერ კიდევ არ იყო გამოსული ტაძრიდან, როცა მელქისედეკმა ქადაგება მოათავა.

ნამდვილი ბრძოლა გაიმართა ყოველ კუთხეში. აბობოქრდა ხალხი, დიდი და მცირე საკურთხეველისაკენ გაეშურა კათალიკოსის დამპყნარი ხელის, ამბორსაყოფად, მაგრამ რადგანაც ბრბოს მრავალი ათასი პირი ჰქონდა, ხოლო მელქისედეკს ერთადერთი მარჯვენა, საშინელი სრესა გაიმართა.

ოთხივე კარიდან შემოაწვა გაჭექილ ტაძარს ხალხი.

მთავარ დიაკვნის კათედრა წააქციეს.

ერთბაშად იკივლა ვილაც დედაკაცმა, მცირე ხანს ზუზუნებდა შეტბორებული ბრბო, თოთო ბავშვის ცხედარი ამოტივტივდა ორი ვაჟაკის ხელგბზე.

არსაკიძე შეჰხარა თავგასრესილი ბალღის შეხედვამ, თვალნი აარიდა და მთელის ძალღონით დაიძრა გასავლისაკენ, დაქანცულობა გადაავიწყდა გაგულისებულს. ბოლოს ძლივს გავიდა ეზოში ჯაკინძემემოხეული.

იმ ხანად ასეთი ჩვეულება დასჩემდა არსაკიძეს.

ყოველ ეკლესიას საგანგებოდ ატოლებდა სვეტი ცხოველის მომავალ შენობას. ამიტომაც ორ ჯერ შემოუარა სამთავროს ეკლესიას ბნელში, ნაბიჯით გაზომა სიგრძე და სიგანე ოციოდე უტეევანით უფრო დიდი აღმოჩნდა ახლად ასაგები სვეტი ცხოველი. იამა ეს ამბავი ოსტატს.

მუდამ ასეთი ყოფილა ხელოვანის ბედი.

როგორც ტოილოთი დაბმული ცხენი, გარს უვლის ხოლმე დღედაღამ ჰალოს, აქ მოსძოვს მცირეს, იქ მოიბალახებს, დადის წრის გარშემო გაჩხიბულივით, ასევე ოსტატს მუდამ თვალწინ უდგას შემოქმედების თვისის მთავარი საგანი, სულ ერთია, სეირნობს იგი, ლხინს ეძლევა, ან და მაშინაც, როცა ბრბოში უსაქმურად დაეხეტება. მარადეჟამს თავის პირმშოს დასტრიალებს გონების თვალთ.

მთვარე ამოსულიყო უკვე.

ცაცხვის ჩრდილში იდგა არსაკიძე, მძინარე ქალაქს გადასცქეროდა. ჩრდილოს კარიდან ეზოსმოძღვარი გამოძვრა. პირისპირ შეეხეა ბნელში მდგარ ხუროთმოძღვარს.

„მწუხრი მშვიდობისა“.

წაიბუტბუტა არსაკიძემ, მაგრამ ეზოს მოძღვარი ისე გაოგნებული იყო, არც კი სმენია ეს მისალმება.

სჩანდა: ვიღაცას უთვალთვალუბდა იგი ეკლესიის ეზოში.

კისერი წაიგრძელა ხუცესმა და მიჰყვა დიაცების ერთ ჯგუფს საქალბოდან გამოსულს იმ წუთში.

არსაკიძე დაინტერესდა.

ნაბიჯს აუჩქარა.

შენიშნა: ფხოვერ სამოსში გამოწყობილ მხეცლებს, ვიღაც მანდილოსანი მიჰყავდათ ეზოში.

მიუახლოვდა თუ არა, ვარდისახარის შინდისფერი თავშალი შეიცნო არსაკიძემ.

შესაძლოა, შორენა მოჰყავდეთო, ეს გაიფიქრა და წამოეწია. ორიოდ ნაბიჯით გაუსწრო შიმუნვარებს, უკან მოიხედა ფრთხილად.

თავჩაღუნული მიდიოდა შორენა, სახეს არიდებდა ცნობისმოყვარეთა დაჟინებულ მზერას. გამსჭვირვალე ბლონდი ებურა პირზე, ბროწეულის ყვავილის დარი სითვით ამოქარგული.

ორი, ჭალიანი შიმუნვარი გვერდით მისდევდა. სიყვარლის იერი გადასდიოდა ლაწვებზე. არსაკიძეს ვერ გაეგო, შუქის ანარეკლი იყო ეს, თუ ბუნებრივ ფერად ქცეოდა იგი ტყვეს?

არსაკიძემ შენიშნა ვარდისახარმა შეიცნო იგი.

ორჯერ მოხედა ზედიზედ, მზერა აარიდა ჭაბუკმა ქალს.

სწორედ ამ დროს გაიელვა მის წინაშე ეზოს მოძღვარის ლანდმა.

გაეცალა არსაკიძე შავოსანს. ნელის ნაბიჯით მიდიოდა ბრბოში ცალკერძ ფხოველი ქალების გუნდს უთვალთვალუბდა, ცალკერძ შავ ანაფორას ხუცისას.

ისევ მოუარა წადილმა. უნდოდა როგორმე წამოსწეოდა ფხოველ დიაცებს, მწუხრი მშვიდობისა მაინც ეთქვა შეფარვით.

უცნაური ხმები დადიოდა ბოლო ხანს შორენას გამო მცხეთაში. საბელოთ გადააპარესო იგი შიმუნვარებმა ღართის კარის ციხიდან ღამით. ფხოვს გაქცეულაო თორ-აბჯარში გადაცმული ტყვე, ახალ ამბოხებას აწყობსო ერისთავის ასული ახლა.

სულ სხვას ამბობდნენ სხვანი: უფლის ციხეში ჰყავსო კოლონკელიძის ქალი მეფეს, დასნეულდაო ბნელში ჯდომისაგან შორენა.

ასეთი რამეც განაგონი ჰქონდა არსაკიძეს: ბედიის მონასტერს წარგზავნაო იგი კათალიკოსმა, მონაზნად აღკვეცილაო მუნ.

დაწინაურდა არსაკიძე ბრბოში, ისევ წაებლანდა მის მზერას ეზოს-მოძღვარის შავი ანაფორა.

მშვენიერი საღამო იყო გაზაფხულის ამო სუნთქვით დამტკბარი. ცაცხვების შტოებში ელავდნენ ვარსკვლავები, მთვარე გადმოსულიყო სარკინეთის შავჯაგრიან ზურგზე.

ფხოველი ქალების დანახვამ უცნაურად ააფორიაქა არსაკიძე, ტკბილი სიყრმე მოაგონა თვისი, უცნაურად შეწყვეტილი ღხენა სიჭაბუკისა.

ვიწრო ქუჩაში მილაშლაშებდა მლოცველების ბრბო, მარტოობა მოუნდა გულდარდიან ჭაბუკს, ქუჩის გასწვრივ ნანგრევები იყო ძველი, მათ ჩრდილს შეაფარა თავი. მიდიოდა დარდიანი, თავჩაქინდრული.

ვიღაცამ უბიძგა მკლავში. რიდით პირახვეული ლანდი ეუცნაურა. შეკრთა, აღელდა, ვარდისახარი შეიცნო მყისვე.

თილისმურად უღიმოდა დიაცი.

წნორის ფოთოლივით ცახცახებდა ვარდისახარი, შორს მიმავალ შიმუნვარების ჯგუფს არ აცილებდა თვალს.

„სად იყავი აქამდის, რად არ სჩანდით მცხეთაში?“

ეს ჰკითხა არსაკიძემ პირველად.

ღართის კარის ციხეში ვისხედითო აქამდის.

„ახლა?“

ახლა შეგვიწყალაო მეფემ, ხურსისეული სასახლე მიგვიჩინა. იმასაც ამბობენ ღრობითა ვართო მანდ, აფხაზეთს გვაგზავნისო კათალიკოსი.

არსაკიძე გაოცდა. სიზმარი ეგონა ეს ყოველივე.

„შენი ამბავი წვრილად გვამცნო ჩვენმა მოძღვარმა, ათანასე ბერმა. შეფეს გაუცენიხარ ნადირობის დროს, წარჩინება მიგიღიავო. შორენა გახარებულია ამ ამბით, ფხოვიდან თუ გსმენია რაიმე?“

ეუბნება სხაპასხუბით ვარდისახარი, ხურვება შეყრილივით უცახცახებს ყბები.

ფხოვიდან არაფერი მსმენია ჯერაც.

ქალი გაოგნებული შესტკეროდა ვაჟს. არსაკიძეს ბრბოსკენ გაექცა თვალი, ხელი მკლავში წაავლო გაშტერებულ ქალს.

„გესმის ვარდისახარ, გესმის, მეც თქვენს ახლოს მიმიჩინეს ბინა. შებინდებულზე მოდი როგორმე, ნონაი იკითხე სახლთუხუცესის რატის მხევალი. ახლა წადი, ეზოს მოძღვარი გვითვალთვალებს ვგონებ“.

რიდე აიფარა დიაცმა, კედელს აეკრა და ისაფრა ჩრდილი, ბნელში წალასლასდა ლანდი.

უცნაურად მოსწყდა არსაკიძე იოგებში. ნაბიჯს უკლო, სასაფლაოსკენ გადავივლიო, გაიფიქრა მარტო შთენილმა.

ცა იისფერი იყო, ვარსკვლავები მქმუნვარედ აფახულებდნენ მოოქროვილ წამწამებს.

ვარდისახარის სქელი ტუჩები თვალწინ დაუდგა, ვნებისაგან უელავდა დიაცს თვალები.

ფხოველი მაღალი ცა მოაგონდა. ვარდისახარის რბილი და ტფილი სხეულის სიტკბო, თავის წაწალთან გათენებული ღამეები.

საოცარმა ნდომამ იფეთქა ჭაბუკის გულში.

ისევ აუჩქარა ნაბიჯს. ფხოველი დიაცები აღარა სჩანდნენ ბრბოში. ლანდევით მოეჩვენა ვარდისახარი წელან, ახლა შორენასთვის უნდოდა სახეში ჩაეხედნა როგორმე, წამიერად მაინც ენახა სიყრმის მეგობარი როგორმე.

ახლა თუ წაახელებდა იგი, არ მოერიდებოდა, მოძღვარს სულ ახლოს ჩაუვლიდა, მწუხრი მშვიდობისაო, ეტყოდა როგორმე.

პატარა სამლოცველოს გვერდით ვიწროვდებოდა. ტალახიანი ქუჩა-მლოცველების ბრბო შეტბორდა. არსაკიძემ ისარგებლა ამით. ისევ წააწყდა მისი თვალი შინდისფერ თავსაფარს, შორენას მოქარგულმა ბლონდმაც გაიელვა ქალის სინათლეში.

ახლა ეს შენიშნა არსაკიძემ გარსმოჯარული მცხეთელი დიაცები მომეტებულის გულის ყურით უჭვრეტდნენ ერისთავის ქალსა და მის შიმუნვარებს.

ფხოვური ჩოხა ეცვა კონსტანტინეს, მიახლებოდა ფხოველ დიაცებს. ეს თვალში ეცემოდა ყველას.

კვლავ მოუღუუნდა ნებისყოფა ჭაბუკს, შესაძლოა ქალებს დაუშავდესო რაიმე.

ორი ყმაწვილი ქალი უკან მიყვებოდა ფხოველ ტყვეებს. მანდილიანი ეჩურჩულებოდა რიდემოსხმულს.

რიდით შებურვილმა რალაცა ჰკითხა მანდილოსანს (ეს ვერ გაარჩია არსაკიძემ), პასუხი გაიგონა მხოლოდ:

„კოლონკელიძის ასულია, შორენა“.

„დედოფალივით ქალია, არა?“

ამას ამბობდა მანდილოსანი, მაღალი.

„არც ბევრი უკლია“...

ეუბნება რიდემოსხმული.

„რად იტყვი მაგას ქა?“

„გიორგი მეფის ხარქაა, ხომ იცი...“

სამსჭვალავით ეცა ეს სიტყვები არსაკიძეს.

უნდა მივარდნოდა ენაჭარტალა დიაცს, მიეხალა: სტყუიო, თავი შეიკავა, გველცემულივით გამოტრიალდა, პირისპირ შეეხეჩა მის უკან მომავალ ეზოს მოძღვარს, მღუმარედ ჩაუარა მას და ბნელ შუკაში გაუჩინარდა.

ყრმობის დღეები

1. ამორძალი

მეუბნებოდნენ, იმ ხეობაში
ამორძალების მათა დადისო.
მე ჩიტისგულა ვტიროდი მაშინ
და ხსოვნა დამყვა სამარადისო.
მსურდა მენახა რამე ნიშანი,
თუნდაც ჰუნეთა ნალების კვალი,
შემომეხვია ბადე თმისანი,
სიზმრად ნახული მხედარი ქალის.
მსურდა მენახა, თანაც მზარავდა
თილისმიანი შავი ხეობა,
ლამით ტურების დავიდარაბა,
მელამურეთა მოსახლეობა.
მერმე გავიგე, რომ დედაჩემის
ლურჯი თვალები სტყუოდნენ თურმე,
ახლა, ღამეში მთაზე დარჩენილს,
პატარა ბავშვიც მოჰყვება ურემს.
ახლა... მთებიდან მოჰგელავს რაში,
ბედაურს ნისლი მოსდევს ტრიალით,
დამირბევს ფიქრებს და შიში ამშლის,
ჩაიკარგება სადმე ტიალი.
ჩაელავს ლოდებს ელვიან ნალით.
აირბენს ბეჭობს, გაჩნდება თვალწინ,
მეცხვარე ქალი, ვით ამორძალი,
მოიყვანს ცოცხლად დაჭერილ არწივს!..
იცრება ნისლი, ვერცხლისფრად ჟინულავს,
გაოფლილ მხედარს ცხელა და აწვიმს,
მე მის ტუჩებზე შევხარი რიჟრაჟს,
მრუმე თვალებში,—აფრენილ არწივს.

2. შველი

ჩაჰკრა ელვამ და ხანძარი ავარდა,
აშიშინდნენ მუხის ნედლი რტოები.
საღლაც ყეფა მოისმა,
საღლაც თოფი გავარდა...
ვიდექ განმარტოებით.
ჩემი ქოხი, ჩემი წნელის ხუხულა,
მეცხვარეთა განათელი ველი.
ისევ ელვა, საღლაც დაიგრუხუნა,
ჩემს წინ გაჩნდა მკერდდაჭრილი შველი.
წამს შეჩერდა, მომანათა თვალები,
ცრემლიანი, ცრემლიანი თვალი!..
ავიტაცე, შემოვხვიე მკლავები,
გამოულე გულის თეთრი კარი...
ცამ გვიცინა, განიფანტნენ ნისლები,
აჟღურტულდნენ ბალახები სველი.
მე და შველი ცეცხლისპირას ვისხედით,
მე ვტიროდი, მამშვიდებდა შველი.

სხრა შვილის მამა

1.

სოფრონი თვრამეტი წლისა იყო, ცოლი რომ შეირთო. სიღარიბე ხელმოკლეობა, აი რა დაუხვდა მშვენიერ მელანიას სოფრონის სახლში... სიყვარული ამხნეებდა მაშინ ახალგაზრდა ცოლქმარს, თორემ სხვა არაფერი ჰქონდათ საიმედო. ცოლი კარგი შეხვდა ღარიბ კაცს: მხნე, გამბედავი, დაუხარბელი და მოსიყვარულე. დაიწყეს ოჯახობა. ყველაფერი, რაც საჭირო იყო, თვითონ შექმნეს. გადაიტანეს ნიკოლოზის საშინელი ბატონობა, მენშევიკები სურდოსავით მოიშორეს. ბევრჯერ დაცემა მოუხდომა ცხოვრებამ სოფრონს, რამდენჯერმე წამოაჩოქა კიდევ, მაგრამ გაუძლო, წამოუდგა.

შეხმატებილებით აშენებდნენ მოსიყვარულე ცოლქმარი ოჯახს და ამრავლებდნენ შვილებს. განსაკუთრებით აქ, ამ უკანასკნელ საქმეში ნაყოფიერი გამოდგნენ სოფრონი და მელანია: პირველად ორი გოგო ერთმანეთზე უკეთესნი, ტყუბად შეეძინათ, გაბედნიერდა ოჯახი მზიარულად, დაირწა ორი აკვანი პატარა სახლში.

ნეტაი ერთი ვაჟი ყოფილიყო, ნატობდა მაშინ სოფრონი, მაგრამ გულნაკლულობას ცოლს არ აგებინებდა იმ იმედით, რომ მეორედ ბიჭი გვეყოლებოდა, მაგრამ მოლოდინი არ გაუმართლდა მამას. ოჯახში ისევ გაიხმაურა პატარა მერცხალმა: გაჩნდა გოგო მესამე.

— რა ვუყოთ... მოსავალია... — ინუგეშა თავი სოფრონმა და ცოლსაც იმედიანი სიტყვა უთხრა... — გოგოც ხომ შეილია. იყოს, გაიზარდოს.. ალბათ, მეოთხე ბიჭი ქნება... — მაგრამ ვაჟიშვილს დანატრულებული მამის „იქნება“ ბუნებამ არ გაამართლა, და როცა პირველი ორი გოგონა ათი წლისა იყო, ოჯახს ისევ ეწვია უცნობი სტუმარი: გოგო.

სოფრონს მეოთხედაც გაუცრუვდა იმედი. კარგად ხედავდა იგი: ახალმა ცხოვრებამ ქალსა და ვაჟს შორის მოსპო განსხვავება. აღარ იტქმოდა ქალზე: „ვაი რა გაზრდის... რა გაათხოვს“. ვაჟიშვილი მაინც ძალიან იზიდავდა სოფრონს. სულითა და გულით მიისწრაფოდა მისკენ. უნდოდა მის „ოქროს კაკალივით“ ქალებში ერთი ბიჭი გარეოდა მაინც როგორც ოჯახის შნო და ლაზათი, მაგრამ მეხუთეჯერაც საყვარელმა მეუღლემ ცისფერთვალემა ფუნთუშა გოგო შემატა ოჯახს.

ხუთი ქალის მამა იყო სოფრონი... სხვა დროს ეს დიდი უბედურება იქნებოდა ხელმართო კაცისათვის, მაგრამ ახლა იგი როდი იყო ღარიბი, ლუკმა პურს დანატრებული. ცოლქმარი კოლექტივში მუშაობდნენ ნიადაგ დაუღალავად... მელანიამ მარტო გოგონების მოვლაში და მომრავლებლაში როდი გამოიჩინა კაი ქალობა, იგი საუკეთესო დიასახლისი და კიდევ უფრო კარგი კოლმეურნე ქალი დადგა. ჩაის კრეფაში ტოლი არ ჰყავდა მელანიას. მისი იყო ყოველთვის პირველი ჯილდო. იზრდებოდა შრომადღეები და ძლიერდებოდა მრავალწევრიანი ოჯახი.

საკარმიდამო მიწაზე მანდარინები მოაშენა სოფრონმა, ნაყოფი გამოიღო ძვირფასმა მცენარემ, შემოსავალმა იჩინა თავი ყოველ მხრივ. ოდა გაიკეთეს. ორ სართულიანი შენობა ცემენტის ბოძებზე ნაგები, პირველად სოფრონმა დაიდგა სურნალეთში. ძველი, დარკილული ტახტები, ბაღლინჯოების ბუდე, ნიკელის საწოლებით შესცვალეს... თვითონ მელანიამ იყიდა შრომადღეებში აღებული ფულით. სიმინდი, პური, ღვინო ყველაფერი ჰქონდათ, მაგრამ მშვენიერი გოგონების ცოცხალ თაიგულს ერთი ყვავილი აკლდა: ვაჟი.. ვაჟი.. ვაჟი.. ეგ აღონებდა ბედნიერ ცოლქმარს... და „უკანასკნელად“ კიდევ დაიბადა ერთი გოგონა მათ ოჯახში... ეგ იყო რიგით მეექვსე, და მშობლების აზრით, უკანასკნელიც...

მაგრამ... გავიდა ზაფხული, შემოდგომა და სოფრონის ოჯახში ისევ ატყდა ხმაური. მელანია მეშვიდეჯერ დაფეხმძიმდა.

სოფრონის უფროსი და — პელაგია დაბეჯითებით არწმუნებდა ძმას:

— სიზმარი ვნახე იმფერი, რომე ჩემს რძალს უეჭველად ბიჭი ეყვლებო.

ცოლიც აიმედებდა სოფრონს:

ჩემი ახლანდელი ფეხმძიმობა სხვანაირია, აუცილებლად ვაჟი იქნებაო.

სოფრონი მალე დარწმუნდა, რომ მისი ცოლის ფეხმძიმობა მართლაც „სხვაფერი იყო.“ მეცხრე თვეში რომ გადადგა ფეხი მელანიამ, ლოგინიდან ველარ დგებოდა ხელმოუკიდებლად. შეშინებული პელაგია ირწმუნებოდა: „ჩემს რძალს ტყუბები ეყოლებო.“ სოფრონი თავდარივის კაცი იყო: გადაწყვიტა, რაიონიდან მოეყვანა ექიმი, მაგრამ საქმე ისე წავიდა, თემიდან გამოყვანაც ველარ მოასწრო.

2.

ერთ საღამოს, ყანიდან დაბრუნებული შინ რომ მოვიდა სოფრონი, ყველაფერი მზად დაუხვდა. მეზობლის ქალები ფრთხილი ნაბიჯებით გამოდიოდნენ ოთახიდან. ბებია-ქალი, ცალთვალა და ფარგასავით ხმელი დედაკაცი, თვალის ჭუტვით შეხვდა სოფრონს, ორი დაქანგებული კბილი გამოაჩინა, გაუცინა და უთხრა:

— მომილოცავს ჩემო სოფრომ... მომილოცავს... ბიჭია... ბიჭი!..

გაშრა სოფრონი, გაშეშდა, დაიბნა კაცი. გაოცებით იკითხა:

— რაფერ... ასე მალე მორჩა?!

— არა... — უშნო წრიბინა ხმით ჩიხითხითა ბებია-ქალმა, ხმელი ტოტივით გაფარჩხული ხელები გაასავსავა და დაუმატა:—არა, ჯერ არ მორჩენილა, მარა... ისე ვატყობ.. გული მიჩივა, ბიჭი ეყოლება.

დაი შემოეგება სოფრონს. მოწყენილი იყო პელაგია. ძმა უკანა ოთახში შეიხმო და დიდხანს ეთათბირა. გვერდის ოთახიდან მელანიას კივილი და მწარე კვნესა მოისმოდა, რაც ნემსებივით ჩხვლეტდა გულში სოფრონს. უფროსი ქალები თვალეში შესცქეროდნენ მამას, არ იცოდნენ — რა გაეკეთებიათ. დედის კვნესა ყველას აშინებდა. ათულია და მისი თანატოლი კაკალა სწრაფად მიმოდიოდნენ ოთახში. საქმიანობდნენ, მაგრამ მათ საქმიანობას ყაირათი არ ჰქონდა. დედისკენ იყო მიძართული მათი გულისყური. მხოლოდ უმცროსი დაი, ხუთი წლის ცაცალია, მსუქანი ცისფერთვალეა გოგონა, ყურადღებას არ აქცევდა დედის ავადმყოფობას და თავის საყვარელ დედოფალას პატარა აკვანში დიდი მზრუნველობით აწვენდა.

სოფრონი რამდენიმე წამს დაფიქრებული იდგა კარებთან... იდგა, იწიწქნიდა უღვაშებს და ფიქრობდა, რას, თვითონაც არ იცოდა გარკვევით. სადღაც ციმციმებდა ნათელი ვარსკვლავი, იმის ციალს ადარებდა მომავალ ვაჟიშვილს, და ფიქრში ისე შორს წავიდა ბიჭსდანატრული მამა, რომ ამ განსაკუთრებულ წუთებში იგიც კი გაიფიქრა, რა დაერქმია შვილისთვის, თუ იგი ვაჟი იქნებოდა... უცებ მისი ყურადღება კედელზე დაკიდებულმა თოფმა მიიპყრო, მივიდა, ფრთხილად ჩამოიღო, საპირისწამლე გაუსინჯა.

თუ ბიჭი მელირსა, ვისრი, გუუბგიალებ... მთელ ქვეყანას გავაგებიფე ჩემს ბედნიერებასო, გაიფიქრა და თოფი კარებთან ააყუდა. ლოგინის კედელზე ჩამოჯდა.. პატარა ცაცალია ხელში აიყვანა, წითელ ლოყაზე აკოცა... მერე პაპიროსი გაიწყო, მაგრამ არ აუნთია: ვერ მაგრდებოდა ერთადგილზე. დელავდა, თუმც ნაკლებად იჩენდა მღელვარებას და უფროს ქალიშვილებს ომახიანი ხმით ამხნეებდა

დრო გადიოდა ნელა, ზანტად. წუთები საუკუნეთ იქცა. დაღამდა. ოთახებში ლამპები აანთეს. მელანიას კივილი ახლა შორს ისმოდა. სოფრონმა მთლად დაკარგა სიმშვიდე. უცებ მიწყდა კვნესა. ჩუმი ჩოჩქოლი გაისმა. ბებია-ქალმა ნელა გამოალო კარები და დიდის ამბით ახარა ბედნიერ მამას:

— სოფრონ, მომილოცავს... მომილოცავს, სოფრონ... შეგეძინა ბიჭი... ოქროს კაკალივით ბიჭი.. ვაჟიშვილი!..

სწრაფად გაექანა სოფრონი კარებისკენ. თოფს დაავლო ხელი. ნემეტარი ავმჩატდიო, გაიფიქრა. თავისთავს შემოუძახა. დინჯი ნაბიჯებით გავიდა გარეთ. წვიმა მოსულიყო და კოკისპირულად ასხამდა. გადაადლო თოფი აიენის დუშალს: გაისროლა. წყვდიადით მოცულ ლამეში ვარსკვლავებივით გაიციმციმა თოფის ტუჩიდან გამოცვენილმა ნაპერწკლებმა..

მძიმე ნაბიჯით შევიდა ოთახში, თოფი კარებთან ააყუდა. სული წინ უსწრებდა. ველარ მოითმინა მამამ ახლადნაშობი ვაჟიშვილის უნახაობა.

კარებს მიაწვა. არ გაუღეს. დაი გამოეგება. სახეს იკაწრავდა მოხუცი პე-
ლაგია.

— რა ამბავია?! — აირია სოფრონი.

— არიქა, ძმაო, გეიქეცი... ექიმთან კაცი... მელანია მეორედ შშობი-
არობს...

— მეორედ?! — წაუხდა ხმა სოფრონს. პალტოს დაუწყო ძებნა. ვერ
ნახა. ძლივს აუნთო ფანარს. მეორე ოთახიდან ისევ მოისმოდა კენესა.
სოფრონი ეზოში გავიდა. წვიმდა კოკისპირულად. ჭექა-ქუხილი მძვინვარე-
ბდა მთებში. შორიდან ძლივს მოისმოდა მდინარის ყეფა. სოფრონი
თავმჯდომარესთან მიიჭრა, გააღვიძა, ცხენი სთხოვა. გაიოზ ხიტირმა თა-
ვისი შვილი აფრინა ექიმთან. სოფრონი ფიცხლავ დაბრუნდა შინ. ოთახ-
ში რომ შევიდა, დაღლილი, მუხლებმოკვეთილი დაეშვა სკამზე. და-
ფიქრდა:

— რა ექნა ახლა? რაც მომივიდა, მომივიდა, — დაუწყო თავს გამხ-
ნევება, — იგი დედაკაცი გადამირჩეს და ერთი ბიჭი ხომაა, მეორეც დაი-
ბადოს.. გავზრდი.. ყველას გავზრდი..

ერთი საათი გავიდა, საშინელი ერთი საათი. ექიმი არ ჩანდა. გარეთ,
თითქოს განგებ, ძლიერდებოდა ჭექა-ქუხილი, ასხამდა წვიმა.. იბრძოდა
ქარი, აჭრიალებდა ოდას.

უცებ ბებია-ქალმა თავივით გამოყო თავი ღრიჭოდ გაღებულ კარებ-
ში, ორი კბილი გამოაჩინა და ისეთი ხმით დაიწრიპინა, რომ ყველას ყუ-
რადლება მიიპყრო:

— სოფრონ, სოფრონ... გღვიძავს?. გამეიყურე.. მორჩა მელანიე,
მორჩა. ბიჭი დეიბადა, ბიჭი, მარა რაფერი არ იტყვი? ავი კაცის თვალს
არ ენახება... მთვარესავით ანათებს... არიქა, ადე, გუუბგიალე თოფი!

არა, სოფრონი არ იყო თოფის „გაბგიალების“ ხასიათზე. მაინც წა-
მოავლო მაჭახელას ხელი. აჩქარებული ნაბიჯებით გავიდა გარეთ. ქარმა
წვიმის წვეთები შეუშხაპუნა სახეზე. გამოერკვა. მინდვრებიდან წყვილი-
ადი იხედებოდა. ცაზე მოგვიანებით გაიკრთოლებდა ელვა.

— საშინელი ამინდია... — გაიფიქრა — ახლა თუ ი ექიმი წამევიდა,
დაიხრჩობა პირდაპირ... მერე და ქალი არ იყოს... მარა, ვითომ წამოვა?
გაბედავს? თუ არ წამოვა, კაიცი იქნება.. რად მინდა?! ჩემი ცოლი ხომ
გადარჩა.. რა ვუყო ახლა.. იყოს ორი ბიჭი!.. — გაბედნიერების ნიშნად
ისევ გაისროლა თოფი. გაიციალეს ნაპერწკლებმა წყვილიადში. სოფრონმა
თვალი გაადევნა მათ ციმციმს. გაიღიმა, ბედნიერი იყო კაცი, ასე მალე
ორი ვაჟი შეეძინა, ორი ვაჟკაცი, მეტი რაღა უნდოდა?.. დინჯად გა-
სწმინდა თოფი-მაჭახელაი. ოთახში შევიდა. ბავშვებს გაუღიმა.. ათუ-
ლიასა და კაკალას, თვალებში რომ შეჰყურებდნენ მამას, დაიძინეთო,
უთხრა და კარებს მიაწვა... არ გაუღეს. გული მოუვიდა სოფრონს:

— ხომ არ გადიერიენ? ჩემი ბიჭების ნახვის ნებას არ მაძლევენ?
გააღეთ კარები! — ხმამაღლა დაიძახა.

— გვადროვე! — მკვანხე ხმით უპასუხა დამ მეორე ოთახიდან. სოფ-
რონი გაშრა. აღარ იცოდა, თუ რას ნიშნავდა ეგ ცივი ხმით ნათქვამი

„გვადროვე“, მაგრამ ძალით რომ ვერაფერს გააწყობდა, გაჩერდა, კარების გაღებას დაუცადა. მოულოდნელად ისევ გაისმა მშობიარე ქალის კივილი. სოფრონს შეაჟრიალა. პელაგიამ ფრთხილად გამოალო კარის ძმას აუტირდა.

— დევილუბეთ, ძმაო, უბედურო.. დევილუბეთ.. ჯერ რომ არ მინახავს, იმფერს მოვესწარიო... კიდომ მშობიარობს შენი ცოლი... კიდომ... კიდომ! უი ამის მოსწრებას! — და თავში ხელები წაიშინა. სოფრონს მენიდაეცა, გაქვავდა, მერე სწრაფად მოუვიდა გული და დას ისეთი სიტყვაჰკადრა, რომელიც მის სიღარბაისლეს არ შეშვენოდა:

— ხომ არ გაღირიე; ჩემო დაო? რაის მშობიარობააო, სიზმარში ხომ არ ხართ?.. ტყუბები ხომ დაებადა?... ორი ბიჭი ხომაა? ალბათ ვერ გაიგეთ... ჩემი შეშინება ხომ არ გინდებიან?! ეგება მეხუმრები, დაო..

— რა გაყვირებს, ჩემო ძამია... დედავ, მომკალი ვინცხამ... — გული მოუვიდა პელაგიასაც, თავის წილ ხმას აუწია, — რომ მიყვირი, ჩემო ბრალია თუ? არა, ძმაო, არა... ყვირილით ვერაფერს უშველით საქმეს... შენ ექიმი მოგვანხმარე, ექიმი... ქალი არ დავლუბოთ... სულზეა მიმდგარი... მესამეზე რომ მშობიარობს, ამას აღარ უნდა ლაპარაკი და ვერ გოუძლებს.

სოფრონი პირდაღებული დარჩა. ნამძინარევე კაცივით დაიწყო ბორიალი ოთახში. ნივთებმა დაკარგეს თავისი სახე. რა უნდა გააკეთოს სოფრონმა?!. შერცხვა კაცი, მაგრამ ცოლის დარღმა ყველაფერი დაავიწყა. ჩაიცვა პალტო. გარეთ ძაღლმა გააბა ყეფა. მოვიდა ექიმი. სოფრონი სწრაფად გაეგება ახალმოსულს. ცხენი ჩამოართვა, იქვე დააბზ ოდის ქვეშ და ექიმს უკანა ოთახში შემოუძღვა... სხაპა-სხუპით, არეული, მღელვარე ხმით მოუყვა ყველაფერს. გვიან მოაგონდა, რომ მის წინ ქალი იდგა, რომელმაც უფსკრული ღამე, წვიმა და ქარი გადაიტანა და ავადმყოფს მოაშურა. სველი პალტო ჩამოართვა სასწრაფოდ...

ექიმი-ქალი გაკვირვებით ისმენდა მასპინძლების სიტყვებს, ხელის დასაბანი წყალი და საპონი მოიახოვა. ახალგაზრდა იყო, აღისფერი თმაჰქონდა. ცისფერი თვალები საოცრად უბრწყინავდნენ. სათნოებით სავსე ღიმილი დასთამაშებდა მის სახეს და იგი ღიმილი ყოველგვარ წამალზე მეტად ჰკურნავდა სოფრონს.

აღელვებული მასპინძლები იმეღიანი სიტყვებით დაამშვიდა ექიმმა და ავადმყოფთან შევიდა.

ღამის ორი საათი იქნებოდა. ექიმმა ნელა გამოალო კარი. სოფრონი წამოდგა. ყველანი გაჩუმდნენ. ექიმი მშვიდი ღიმილით მიუახლოვდა, თვალებში ჩახედა, გაუცინა.

— გილოცავთ მესამე ვაჟს!. — უთხრა მშვიდად. მაგრად ჩამოართვა ხელი. გაოცებულმა მამამ ხმა ველარ ამოიღო. იდგა თვალებდაჰყეტილი და შეჰყურებდა ექიმს.

— ქალი, დედაკაცი რაფერაა? — იკითხა მან ბოლოს.

— ყველანი კარგად არიან ამხანაგო, ყველანი... — სიცილით უთხრა ექიმმა სოფრონს, — თქვენ ფიქრობთ და ასე გგონიათ, რაკი სამი დაიბადა,

ქვეყანა დაიქცა... არა... ნუ ლელავთ... აქ არაფერია უჩვეულო და საში-
ში... ბედნიერი მამა ხარ... სამი ვაჟი ერთად, მეტი რა გინდა?... რა გა-
ზრდის?... ნუ გეფიქრება... მთავრობა, ხალხი, ჩვენც აქ ვართ... თქვენთან.
მე ხვალვე მივიღებ ზომებს. დილით საბჭოში თუ შემოვივლით, კარგი
იქნება... ახლა მშვიდობით — კარგათ მიხედეთ ავადმყოფს... ისევ გამო-
ვივლი... ნუ გეშინიათ!..

— ასე რავე შეიძლება, ბატონო... ამ საშინელ ღამეში რავე გაგი-
შობთ... ღამეს კი გავათევიებ ადამიანს,—წინ გადაუდგა სოფრონი ექიმს.
პელაგია და ათულია მკლავში ჩააფრინდნენ, არ უნდოდათ გაეშვათ. კა-
კალა სკივრს ეცა, სადაც დედამისს ფული ჰქონდა შენახული. ექიმმა არ
მიიღო პატიჟი... „დილით სხვა ავადმყოფთან ვარ მისასვლელიო“, ფუ-
ლის მიღებაზედაც უარი განაცხადა, გამოემშვიდობა მასპინძლებს და მი-
ძინებულ მელანიას ერთხელ კიდევ დახედა. სოფრონმა ცხენი გამოიყვანა
ოდის ქვეშიდან. ექიმი ქალი სწრაფად შეჯდა, ერთხელ კიდევ დაარიგა
მასპინძლები, ცხენს მათრახი გადაჰკრა და ღამის წყველიაღში გაეხვია.
სოფრონმა თვალი გაადევნა ცხენოსანს, თავი გააქნია, ჩაილაპარაკა თა-
ვისთვის:

„შერცხვეს იგი, ვინც ბიჭი ინატროს... რომელი კაცი აჯობებს ახლა
ამ ქალს? გმირია, სულია ადამიანის... ვენაცვალე იმ დედის ძუძუს, რო-
მელმაც ასეთი შვილი გაზარდა...“ ოთახში შევიდა და ახალშობილ ვა-
ჟებს დახედა...

იშვიათი ამბავი, სამი ბავშვის დაბადება, მალე მთელმა სოფელმა გა-
იგო, ხოლო მეორე დღეს რაიონშიც ლაპარაკობდნენ. სოფრონი ვერ იყო
კარგ ხასიათზე, მაგრამ არ იმჩნევდა. თავის გულში ინახავდა წყენას. მე-
ორე დილას ცოლს პირდაპირ ვერ შეხედა... მელანიაც ვერ უსწორებდა
თვალს ქმარს. ორთავეს თავიანთი თავი მიაჩნდათ დამნაშავედ. პელაგია
ღვთის ცოდვად თვლიდა ასეთ შემთხვევას და, მეორედ მოსვლის ხანა
დადგაო, გაიძახოდა. კომკავშირელი ქალები ათულია და კაკალა იმედი-
ანი სიტყვებით ამხნევებდნენ მშობლებს, ახალშობილი ძმები შეიყვარეს
სასოებით და დღითა და ღამით თავს დასტრიალებდნენ...

სოფრონის ორ სართულიან ოდაში სამი აკვანი დიდგა და სამი ბავ-
შვი, ბოხი, ჯანსალი ხმით „აჯღავლდა“. უფროსმა ქალებმა იმთავითვე
გაინაწილეს აკვნები. ათულიამ პირველი ამოიჩრია, კაკალამ—მეორე, საქ-
მეში ბუთქუნა, ცისფერთვალემა ცაცალია ჩაერია, მესამე ბავშვის დაძი-
ნება მან დაივალა და პატარა „ძამიას“ თავისი დედოფალაც მიუწვინა
გვერდით... მათი „ნანიანი ჩემს ძამიებს“ ცალკეცალკე შემული შეერთე-
ბულ სიმღერად ისმოდა გარეთ.

სოფრონი მეორე დღეს კოლექტივში სამუშაოდ მოგვიანებით წავიდა.
ულოცავდნენ მეზობლები სამი ვაჟის ერთად შეძენას. სოფრონი უხდიდა
მადლობას ყველას, გარეგნულად არაფერს იმჩნევდა დარბაისელი კაცი,
ისე კი ძალიან, ძალიან ბევრს ფიქრობდა... განსაკუთრებით ახალშობი-
ლების აღზრდა აფიქრებდა. იმ წუთიდანვე, როგორც კი დახედა ბავ-
შვებს, მამის გულში უმძლავრესი გრძნობიერებით გაიშალა შვილების

სიყვარული და მცირე გაფიქრებაც კი იმის შესახებ, რომ შეიძლება სამ-
ში რომელიმე ერთი მომკვდარიყო მოუვლელობის გამო, შიშის ზარს
სცემდა სოფრონს.

სალამოს, როცა ყანიდან დაბრუნდა, ათულიამ ახალი ამბავი აცნობა:

— მამა, დღეს ექიმი ქალი იყო ჩვენსას...

— რა მინდაო, შვილო?..

— ბავშვები გასინჯა... მამაშენი საბჭოში გამოვიდესო, დამიბარა...

— საბჭოში?.. საბჭოში რა მინდა, ცაე?!.

— დაგვეხმარებიან, მამა... ახალი კანონია: მრავალშვილიან დედებს
ეხმარება ჩვენი მთავრობა.

— ჰე, დამანებე, შვილო, თავი,—ხელი ჩაიქნია სოფრონმა,— ახლა
იგი მაკლია, ჩემი უბედურობით მთავრობა და ქვეყანა შევაწუხო... რეი-
ზა? გაზრდის იმედი რომ მქონდეს, კიდომ ხო... მარა, სამ ბალანას ერთად
რა გაზრდის, შვილო?.. ტყულა ვიკლავთ თავს, დეიხოცებიან... მარა, რა
გქნა?.. მოსავალია ყველაფერი.

„დაიხოცებიან!“, — ათულიას მაყვალა თვალები ცრემლებით დაირთ-
ვილა. „მამას სძულს ჩემი პატარა ძამიები“, — გაიფიქრა ქალმა... სახე
აარიდა. სოფრონმაც შეამჩნია ქალიშვილის თვალებში აკიანთებული
ცრემლები, განზე გაიხედა: ნეტა არ მეთქვაო გაიფიქრა. ოთახში შევიდა
მოწყენილი. ახალშობილებს სახეზე გადახედა... დიდხანს, დიდხანს უშ-
ზირა, მერე ადგა, ცოლთან მივიდა, ლოგინის კიდეზე ჩამოჯდა. მისი გუ-
ლი სიყვარულით სძვერდა. იგი მზად იყო ახალგაზრდული სიყვარულით
დაეკოცნა მელანიას ფერმკრთალი, შაქრისფერი სახე, დაეკოცნა იმის-
თვის, რომ მან დიდი ტანჯვა გამოიარა, იმისთვის რომ იგი ცხრა შვილის
დედა იყო... უნდოდა, მაგრამ ვერ ახერხებდა, სდუმდა სოფრონი, გაჩუმე-
ბული იწვა მელანიაც. ბავშვებმა ბოხი ხმით მორთეს ტირილი. ოთახში
კაკალა შევიდა პირველად, ათულია შემოჰყვა... პატარა ცაცალიაც შემო-
ბაჯბაჯდა... ექვსი ქალი შემოეხვია სამი ძმის აკვანს. დაარწიეს აკვნები.
ათულიამ დაიწყო „ნანიანი ჩემს პატარა ძამიებს“, კაკალა აპყვა, მერე
სხვებიც მიეშველნენ. სოფრონი გაიბადრა. რამდენიმე წუთს იჯდა ასე
მომღიძარე. მალალი. ხმაურით ირწეოდნენ აკვნები... ახალგაზრდები მღე-
როდნენ თავგამოდებით, ადგა სოფრონი... მივიდა აკვნებთან. ჯორკო
სკამზე ჩამოჯდა იქვე. ჯერ ერთს გადახადა სახეზე თეთრი პირსაფარი...
მერე — მეორეს... მესამეს...

იმ ღამეს დიდხანს არ დაწოლილან. მხიარულად ივახშმეს. ნაირნაირ
ამბებს ჰყვებოდა სოფრონი. მელანია მოაცოცხლა გოგონების სიცილმა,
ცელქობამ და სიმღერებმა, პელაგია კი დალალა მათმა ყივივმა, მალე
დაწვა.. დაწვენ ბავშვებიც... მელანიასაც ჩაეძინა წყნარად. სოფრონი გა-
რეთ გამოვიდა. მთვარიანი ღამე იყო. შემოდგომის ცივი ქარი ქროდა და
ჩუმი ხმით აშრიალებდა ფოთლებდაყვითლებულ მუხნარს. ახალდათოვი-
ლი მთის მწვერვალები, ერთმანეთზე ვერცხლის ჯაჭვივით გადახლართუ-
ლნი, მთვარის სინათლეზე საოცრად პრიალებდნენ და ვარსკვლავებით
მოჭედულ ცაზე გაფითრებული ღრუბლები ნელი თრთოლვით მოძრაობ-

დნენ. ყველაფერი ეგ ამშვიდებდა სოფრონს... სიმაგრესა და იმედს მატებდა... უცებ ოთახიდან ბავშვების ტირილი მოესმა მამას. სწრაფად მი-
აშურა ოთახს. ყველას ეძინა... ჩაჯდა აკვნებს შორის, როგორც დედა
ბავშვების აღზრდაში გამოჩვეული. დაუწყო რწვევა. არ უნდოდა სხვები
გაეღვიძებინა, განსაკუთრებით მელანიას უფროთხილდებოდა. დაუწყო
რწვევა და აკვნების რიტმიულ მოძრაობას ფიქრები ააყოლა... ძალიან,
ძალიან სურდა სოფრონს, რომ ისინი უნაკლოდ გაზრდილიყვნენ... უნაკ-
ლოთ... გამოუკლებლივ... სამივე ერთად.. შესძლებდა?! აიტანდა ოჯახი,
თუმც შეძლებული, სამი ახალშობილის ერთად აღზრდას?! დედას ხომ
ორი ძუძუ აქვს? მესამე?! ერთი უნდა მოკვდეს ამათ შორის, მაგრამ
რომელი?!

ჰე, მართლა, რომ დამხმარე ამომიჩნდებოდეს, იმედის მომცემი?.. მა-
შინ?..

სოფრონი უდიდესი სიყვარულითა და სიფრთხილით არწევდა აკ-
ვნებს. ფანჯრებს იქით შემოდგომის მთვარე კიანთობდა, პირსავსე, ახალ-
შობილ ბავშვივით უმანკო მთვარე...

4.

მსუბუქი მატარებელი დღის სამ საათზე გამოვიდა ქალაქ მახარაძი-
დან, ჩქარი სვლით გაიქროლა ჩოხატაურ-მახარაძის სამხედრო გზაზე და
ბ-ს საექიმო პუნქტის წინ გაჩერდა. ავტომობილი არ იყო უცხო აქაურ
მცხოვრებთათვის, მაგრამ ერთმა შემთხვევამ ყველას ყურადღება მიიპყ-
რო: ის ჩვეულებრივად სოფსაბჭოს წინ კი არ გაჩერდა, საექიმო პუნქტს
შიადგა, რაიონიდან ამოსულმა ამხანაგებმა საბჭოს თავმჯდომარე დაიბა-
რეს, ავტომობილში ჩაისვეს და კოლმეურნეობა სურნაღეთისკენ გაიქრო-
ლეს. ავტომობილი ჩქარი სვლით დაეშვა მაგლობლიშვილების დაღმართ-
ზე, ბახვისწყალი გადასერა, კოლექტივის კანტორას გვერდით ჩაუქროლა
და სოფრონის ეზოში შესავალ ჭიშკართან გაჩერდა.

სალამო იყო. მინდვრებიდან დაბრუნებული სოფრონი მსხმოიარე მან-
დარინების პლანტაციას ათვალეერებდა. ჩაქარვისფერებული ხილით და-
ხუნძულ ბუჩქებს ნელა არხევდა ქვენა-ქარი. „ნანინა“ მოისმოდა ოდიდან
და ქალიშვილის ნაზ სიმღერას აკვნების რწვევის ხმაური ერთოდა. სოფ-
რონი სმენად იყო გადაქცეული. უცებ მისი ყურადღება ავტომობილის
ხმაურმა მიიპყრო. გაიხედა.

კოლექტივის კანტორაში მოდის ვინმეო, გაიფიქრა, მაგრამ როცა ავ-
ტომობილი მისი ეზოს ჭიშკართან გაჩერდა. გაოცდა. ვინ უნდა წვეოდა?!
სტუმრებს არ ელოდა სოფრონ. ჭიშკრისკენ გაემართა. ძალი პარეზა
ავი ღრენითა და ყფით მივარდა ავტომობილს, იქიდან სამი მამაკაცი და
ერთი ქალი გადმოვიდა.

ოდიდან ფიცხლავ გამოიჭრა ათულია, „აქით ძაღლოს“ ძახილით
ჭიშკრისაკენ გაიქცა, მაგრამ უცხო მამაკაცები რომ დაინახა, ბროწეულის
ყვავილივით გაუწითლდა ლოყები, დაიმორცხვა, თავი დახარა.

ოთახი მიალაგეო, ჩაულაპარაკა დამორცხვებულ ქალიშვილს სოფრონმა და სტუმრებს მიეგება. ორი მათგანი შორიდანვე იცნო. ერთა ექიმი ქალი იყო, მეორე საბჭოს თავმჯდომარე, დანარჩენები უცხნის იყვნენ სოფრონისთვის. მასპინძელმა გაკვირვებით შეხედა ახალმოსულებს და ჭიშკარი ყურებამდე გააღო.

— მობრძანდით... მობრძანდით! — თავაზიანად მიიპატიჟა სტუმრები. ჯერ ექიმ ქალს ჩამოართვა ხელი, მერე თავმჯდომარეს. უკანასკნელმა მხარზე ხელი დაჰკრა სოფრონს და უთხრა:

— მომილოცავს, ამხანაგო, ვაჟიშვილები... როგორაა მელანია, ხომ მოიკეთა? კარგადაა? ძაან კაი... აი ეს ამხანაგები, მელანიასა და ბავშვების სანახავად ამოვიდნენ რაიონიდან; — გაიცინა და დაუმატა: — ხომ მოგვეცემთ ნახვის ნებას?!

— ჩემი ბაღების ნახვა რა ამ პატიოსნების საკადრისია?... — უღვაშებში ჩაიღიმა სოფრონმა. უცხო ამხანაგები გაიცნო. ერთი სულ ახალგაზრდა იყო, ხუჭუჭა, შავი თმა ჰქონდა, მოგრძო შაქრისფერი სახე, დიდი და შავი თვალები, მსხვილი ერთმანეთზე გადასკვნილი წარბები, ღია, ფართო და ნათელი შუბლი... იღიმებოდა მიმზიდველად... მშვენიერი კოსტუმი ეცვა და მოხდენილი ტანადობისა იყო. სოფრონი პირველ შეხედვისთანავე მოხბლა ამ კაცმა. ახალგაზრდა სტუმარსაც მოეწონა მასპინძელი. მიუახლოვდა, ხელი დიდი ხნის ნაცნობივით გამოსდო და ჰკითხა:

— სამი ვაჟიშვილის მამა თქვენ ბრძანდებით, არა?!

— ჰე, ნულარ მკითხავ, ბატონო... საჯაყი საქმე დამემართა. — დარბაისლური სიმშვიდით და ოდნავ აღელვებით ჩაილაპარაკა სოფრონმა და სტუმრებს ოდისკენ გაუძღვა... მიუძღოდა სოფრონი სტუმრებს და გაცეცხული ფიქრობდა:

„დედავ, მოკალი ვინცხამ ჩემი ყაზირალები ამ დიდებული ადამიანების ნახვის ღირსი რაღა არიან... რას მივესწარი ამას...“

ათულიამ სკამები გამოიტანა აივანზე, სტუმრებს მორცხვად შეავლო თვალები... უცებ შენიშნა, რომ ახალგაზრდა კაცი მას დაინტერესებით უმზერდა. ტკრციალით შევარდა ოთახში, დას მივარდა, წელზე მოხვია ხელები... ნაწყვეტ-ნაწყვეტად ამბობდა...

— კაკალა დია, რაფერი თვალები აქ იმ კაცს... ნენა, ნენა, რაფერი შემომხედა... რამისილამაზეა!.. — კარებისკენ იხედებოდა დაფეთებული გოგონა, იწოდა... ლელავდა...

იქ კი აივანზე ასე საუბრობდნენ სტუმრები და მასპინძელი.

— სამი დღის წინათ გავიგეთ თქვენი ოჯახის ამბავი, — მშვიდი ერთფეროვანი ხმით ამბობდა ახალგაზრდა კაცი. — მე დედათა და ბავშვთა ექიმი ვარ... ამ იშვიათმა ამბავმა დიდი ინტერესი გამოიწვია ჩვენში, განსაკუთრებით დედათა და ბავშვთა ექიმებს შორის... ჩვენ ისე გვანტერესებს თქვენი ახალშობილების მომავალი, როგორც თქვენ... ისინი უნდა გაიზარდონ უნაკლოდ, მაგრამ ამისთვის წინასწარ საჭიროა გავიგოთ, შევამოწმოთ მათი ჯანმრთელობა... იმედია ამაში ხელს შეგვიწყობთ... საჭიროა, გვანახოთ ბავშვები... ხომ შეიძლება?.

— რავე არა, ბატონო, რავე არა... როგორ გეკადრებათ! — ოთახში შევიდა სოფრონი. ცოლს უცხო სტუმრების მოსვლა გააგებინა.

ოთახში ქალი-ექიმი შევიდა. ჯერ ახალშობილებს დახედა, სათითაოდ აკოცა მძინარე-ბავშვებს, მერე მელანიასთან მივიდა, მშობიარობის დამე მოაგონა, გადარჩენა მიულოცა. როგორ ხარო, გამოკითხა, გაამხნევა. მათი მოსვლის მიზეზი და მიზანი გააცნო. დიასახლისს გაუსწორა ლოგინი. სოფრომმა სტუმრებს კარები გაუღო და შემოიპატიჟა.

ახალგაზრდა ექიმი პირველად მელანიასთან მივიდა, მხიარული სიტყვებით მიესალმა. მერე ბავშვებს მიუბრუნდა. მწკრივად იდგა აკვანი სამი და ახალშობილებს ეძინათ უდარდელად. ამქვეყნიური ამბები მათთვის უცნობი იყო... ექიმმა თვითონ გადახადა პირსაფარავი, არტახები შეუხსნა, გააღვიძა. პაწია მოქალაქეებმა გოცებით შეაქციტეს დაუმაგრებელი თვალები ადამიანს, ბოხი ხმით მორთეს ტირილი. ექიმს გაეცინა.

— ოი, რა მაგარი ხმა აქვთ!.. — აღტაცებით შესძახა. დაჯდა. სოფრონს შეხედა და მიმართა ღიმილით: — კი მეუბნებოდა თქვენი ექიმი და შართალი ყოფილა, შენი ბავშვები ჯანსაღები არიან, მაგარი, ყველანი გაიზრდებიან და თქვენც ბედნიერი მამა იქნებით, მაგრამ მარტო დედის ძუძუთი ვერ გაიზრდებიან თქვენი ბავშვები... მეწველი ძროხა გყავთ?!

— მყავს, ექიმო, ერთი...

— ერთი? იმის ნაწველი ოჯახს დასჭირდება... ამათ საკუთარი უნდათ. რამდენი შვილი გყავთ სულ?!

— ცხრა შვილის მამა გახლავარ, ბატონო... ჩემი უფროსი ქალი საშუალო სასწავლებელში სწავლობს.

— ჩვენში, სოციალიზმის ქვეყანაში ახალი კანონის მიხედვით მრავალი შვილების დედას ჯილდო ეძლევა... თქვენი ცოლიც მიიღებს ჯილდოს, მგონი ხუთი ათას მანეთს... ამას მოითხოვს საბჭოთა ქვეყნის კანონიერება და აგისრულდებათ უკლებლივ... მაგრამ აქ ჩვენ სხვა საკითხიც გვანტერესებს: ბავშვების აღზრდა. ამისთვის საჭიროა მათი ძროხის რძით კვებაზე გადაყვანა. ღონისძიებაც გამოვიმუშავეთ. მეჯოგეთა ფერმიდან მეწველი ძროხა მოგეცემათ ერთი წლით, ხოლო იმისთვის, რომ თქვენი ცოლი მოჯანსაღდეს, მიიღებთ ათას მანეთს... ჩვენ ყოველთვის მზად ვიქნებით, დახმარება აღმოგიჩინოთ და სამი ერთადშობილი ბავშვის გაზრდა გაგიადვილოთ... გაიგეთ?! მეტს ხომ არაფერს მოითხოვთ?

— რას მეუბნები, ექიმო... რავე გეკადრებათ!.. მაგის ღირსი ვინაა, რაც თქვენ მიბრძანეთ!.. — დაიბნა სოფრონი. მოულოდნელი იყო ეგ მისთვის. მელანიას შერცხვა როგორღაც, საბანი წაიფარა სახეზე. გოცუბულმა პელაგიამ თავი გვერდზე მიიბრუნა, პირჯვარი გადაიწერა ჩუმად, დაუჯერებლად მიაჩნდა, რაც გაიგონა.

ექიმი ადგა.

— ეგ ყოველივე უკლებლად აგისრულდებათ, ძვირფასებო, — მიმართა მან გაკვირვებულ მასპინძლებს, — აქ არაფერია გასაოცარი. ყოველი დედა ღირსია ჯილდოსი, ხოლო დედა, რომელიც ასეთ ბავშვებს სამს ერთად შობს, კიდევ მეტის ღირსია. ჩვენ გვინდა თქვენი ოჯახი, თქვენი

ახალშობილები გავაცნოთ ფართო საზოგადოებას... მე მახლავს გაზეთ „კომუნისტის“ კორესპონდენტი, რომელსაც სურს გადაიღოს თქვენი და თქვენი შვილების სურათი... შეუდექით, ამხანაგო, თქვენს საქმეს...

სტუმარს, რომელიც აქამდე ფანჯარასთან იჯდა და ხმას არ იღებდა, ხელით ანიშნა რაღაც. უკანასკნელი ადგა. ფოტოაპარატი მომართა, სოფრონის მიუბრუნდა ახალგაზრდა კაცი და უთხრა.

— მოდი... მოგვეხმარე...

მელანიასთან მივიდა და ჰკითხა:

— დედი, შეგიძლია წამოდგე?

— რავე არა, ბატონო!... — ქალი-ექიმი მიეშველა მელანიას. კედელზე მიაწვინა. სუფთა ზეწარი გააფინა დედის წინ, ზედ ბავშვები დააგორა. ახალგაზრდა ექიმმა მელანიას გვერდით სოფრონი გააჩერა და პელაგიას უთხრა.

— დედი, არ შეგიძლია სხვა შვილებიც მომგეარო ამითი?

— ამ მინუთში ბატონო, რავე ვერ მევიყვან... აგერ არიან ყველაი, — ფუსფუსითა და თავშალის სწორებით გავიდა ოთახიდან პელაგია, აივნის დუშალს გადაადგა შავითმოსილი დედაკაცი, რამდენჯერმე ჩაახველა ხმის გასაწმენდად და გადასძახა:

— ათულია შვილო, კაკალია ცავ... თინაია გოგო... ცაცალია ბაბიდა, ყველამ მოით აგერ... ყველამ.

ოღის უკანა აივანზე ნაბიჯები აიარია. იგი ხმაური მალე ოთახის კარებთან გაისმა და სტუმრებთან პირველად სახეავარდისფერებული ათულია შევიდა. კარებთან შეჩერდა ქალი, მორცხვი ღიმილით გადახედა იქ მყოფთ, ერთი წამით მხედველობა ახალგაზრდა ექიმზე შეაჩერა და დედას დააცქერდა ისევ.

ექიმი ნელა მიუახლოვდა ქალს, სათუთად შეახო ხელი საკსე მკლავს მისას. აქეთ მობრძანდით, უთხრა მორიდებით. ქალიშვილი შეეკრწოლდა... დედას მივარდა, მიეხუტა... სხვებს რომ არ შეემჩნიათ მოულოდნელი რაღაც, მეთექვსმეტე წელს რომ მოაქვს ახალგაზრდა ქალისტვის, ლოგინს დაუწყო სწორება შეფაკლებულმა...

კარები გაიღო, ოთახში სწრაფად შემოცვინდნენ მშვენიერი გოგონები... ყველაზე ბოლოს მზითური სახით ცაცალია შემოგოგმანდა... საბჭოს თავმჯდომარემ აიყვანა იგი... შეაბურთავა, ფული აჩუქა პატარას, დედასთან დასვა ლოგინზე... მშობლების გვერდით გაამწყკრივეს შვილები მათი... ია, შროშანი და ყაყაჩო, მორცხვი ვარდები, ყვავილები სურნელოვანი ცოცხალ თაიგულად შეიკონა ბედნიერი დედმამის ირგვლივ... ხოლო პატარა მოქალაქეები, ახალშობილი ბიჭები დედის წინ დაგორებული ასავსავებდნენ ხელებს... ტიროდნენ... ასე გამოვიდა მათი სახე სურათში...

უცხო სტუმარმა აივანზე გაიტანა ფოტო-აპარატი. სოფრონმა თავმჯდომარე გაიხმო გარეთ, მოელაპარაკა, გოგონები აფრინა მეზობლებში. ვახშმად პატიყებდა ნაცნობ-ნათესავებს მამა ბედნიერი...

უზოში ქათმები აკრიახდნენ... სახლის გვერდით გოქმა გააბა ჭყვირილი. სამზარეულოში კეც-კეცზე ადგამდნენ მეზობლის ქალები და აც-

ზობდნენ ხაჭაპურებს... ბედნიერების, სიხარულის, იმედიანობის ჯაჭვი გაინასკვა სოფრონის ოჯახში. ძვირფას თვალს ძვირფასი თვლები ემატებოდნენ... ორსართულიან ოდაში მძიმე ხმით ირწეოდა აკვანი სამი... სხვებს დრო არ ჰქონდათ. პატარა ცაცალია აძინებდა ბავშვებს. მისი სიმღერა — „ნანინაი ჩემს პატალა ძამიებს“ — წკრიალით მოისმოდა ოდიდან და ახალგაზრდა ექიმი გატაცებით უგდებდა ყურს გოგონას „ნანინას“. ძვირფასი სტუმრები ისხდნენ აივანზე, ბაასობდნენ და შეექცეოდნენ მწიფე მანდარინებს. ჭიშკართან იდგა ავტომობილი მ-1 და მას ბრაზიანი ღრენით უყევდა ძალი პარენაი: უკვირდა ბოროტს: ამდენი უყეფა და მაინც ვერ შეაშინა უცხო ცხოველი, რომელსაც პირველად ხედავდა გლუხკაცის ეზოს ჭიშკართან...

თითქოს ფრთები გამოებო, დაქროდა ეზოში, ცხრა შვილის მამა, სცემდა განკარგულებებს: მზადდებოდა ღზინი მოულოდნელი...



ბალადა ჟიჟაკის ლამის ბინისა

როცა კედელთან ცხედარი
გამორიყა ნელა,
რომ გარდენ-რიჩში დამხრჩეალი
კეჯერის დალპეს მთელად —
როც ჰუგლიმ ბრაგას უამბო,
ბრაგამ მე მითხრა ყველა.

ლამის სათვეად ფიშერთან
მეზღვაურები მხოლოდ
მიიჩქაროდნენ ნამგზავრნი,
ნახეს ქვეყნების ბოლო,
იფურთხებოდნენ, სტყუოდნენ,
კეთილს ატანდნენ ბოროტს.

მეწამულ ზღვაზედ ამბობდნენ,
სადაც უძვირდათ პური,
როგორ მიაპყრეს ცას თვალი
და ზღვების ზვირთებს ყური,
და შავად ეჩვენებოდათ
რომი ფერ-მეწამული.

სიკვედილ-სიცრუის ამბები
არც ბოროტისას უცდის,
გმობითა სურდათ სიტყვების
მათ გამაგრება სუსტის,
წყველის გრიალში მაგიდას
ხშირად ხედებოდა მუშტი.

ცისფერთვალემა დანელი
ჰანსი ათლეტი არი,
ავგაროზია მის მკერდზე
ულტრუდას ნაჩუქარი,
განსაცდელთაგან მფარველი
ვერცხლის იაფი ჯვარი.

აქ ნახავთ პამბა მალაელს,
მახინჯ უყურო ჯეკსაც,
გვინეელ კოკს და ჯინ კარბოს,
ბისკაელ ლუსს და სხვებსაც,
ვისი ფულებიც მიკიტან
ჯეკს შემოსავლად ექცა.

ხმელ-ხმელ ბოსტნეულ მარჯვენს,
რუსი, ფინი თუ მულატი
არ ერიდება ხარჯებს,
ლამის სათევად ფიშერთან
უნდა უზღვოდ დარჩეს.

ივსტრიელ ანნას გარეშე
აქ არავინ სვამს ლეინოს,
გალიციიდან მოსულმა
ჯაუნ ბაზარის ბინას
მას წაუმძღვარა სირცხვილის
პური ნაჭამი წინათ.

ათიოდ სული ქუსლის ქვეშ
დღეს მის ნადავლად მოდის,
სამაჯურებით, კაბებით
თუმც სხვებმა უხვად მორთეს,
იმ დროს ჰარდიკერს ჰყავდა ის:
წესი ასე აქვთ პორტებს.

და აქ შეიტყო სულყველამ,
რომ საგანძურთა წყება
ვერ შეაჩერებს ოცნებას,
ვერ დაგპირდება ვნებას,
როდესაც ანნას თვალები
დანელის სახეს ხვდება.

ბრძოლაა ყველგან ცხოვრება,
ბრძოლა — ეს არის დანა,
ვინც დღე ილაღა მოკვდება
ჩამოლამდება სანამ,
ფიშერის ლამის ბინაში
ცეცხლი დაგვინთო ანნამ.

ცისფერთვალემა დანელი
გულ-გაყინული არი
და ავგაროზი ირხევა
მისი სიცილის ზარით —
განსაცდელთაგან მფარველი
ვერცხლის იაფი ჯვარი.

„შენ მოუარე ჰარდიკერს,
მას უნდა ყოფნა შენთან,
მე ხვალ ზღვას დავუბრუნდები.

მაწვეს სამშობლოს სევდა,
და კატტეგატით მივაღწევ
საროს სკაგენტან ერთად“.

ბევრ ბოროტ ამბავს მოიტანს
ენება ქცეული რისხვად,
„შენ მოუარე ჰარდიკერს“...
ეს ანნას მიერ ითქვა,
შეჰკენესა... „მითხრა, ასეთო“...
და ჩხუბი მოჰყვა სიტყვას.

იყო სალემის კვილი,
ზე ამართული ხელი,
კედელზე ჩრდილთა თამაში,
ქვეშ-ქვეშ ბებუთი მკრწლი,
ჰანსი ხარივით დაეცა,
როგორც მოპრილი ცელით.

ანნას მუხლებთან წამოწვა
და თავი დასდო ზედაც:
„მე ხვალ ზღვას დავუბრუნდებო“,
მაწვეს სამშობლოს სევდა,
ულტრუდას ველი აღდგომას, —
უკვე კატტეგატს ვხედავ,

მაგრამ, შეხედე... შუქი ჩანს...
კანდელი... შუქი... ჩაქრა...“
ჩურჩული მიწყდა, გაშორდა
სული მის სხეულს მაგრამ
ქალის ცრემლები დაცვივდა
სადაც მან მკერდი დაჰკრა.

ამგვარად მოჰკლეს დანელი
ჰანსი ათლეტის დარი,
ანნამ წაიღო მას მერჯ
ულტრუდას საჩუქარი,
განსაცდელთაგან მფარველი
გერცხლის იაფი ჯვარი.

თარგმანი ინგლისურიდან **გივი ზაჩეილაქიძე**.

ს რ ი თ ი ა ა

შალვა დადიანი

შალვა დადიანი*)

მთელი ორმოცდახუთი წლის მანძილზე ეწევა შალვა დადიანი დაუღალავ საზოგადოებრივ-სამწერლო მოღვაწეობას. არ დარჩენილა არცერთი დარგი ჩვენი ქვეყნის გონებრივ-კულტურულ მოძრაობაში, ან საზოგადო საქმიანობაში, სადაც ამ ხნის მანძილზე შალვა დადიანს არ მიეღოს უახლოესი მონაწილეობა.

გასული საუკუნის სამოციანი წლების მოღვაწეების — ი. ჭავჭავაძის, ა. წერეთლის და გ. წერეთლის შემდეგ ჩვენ ბევრი არ გვყოლია ისეთი მრავალფეროვანი მოღვაწე, როგორც შალვა დადიანი. იგი არის დრამატურგი, ბელეტრისტი, თეატრალური მუშაკი, კულტურულ-საგანმანათლებლო ორგანიზაციათა აქტიური მონაწილე თუ ხელმძღვანელი.

ყველა დარგში, სადაც კი შალვა დადიანს თავისი უნარი უტდია, ყველგან გამოუმჟღავნებია ბრწყინვალე ინდივიდუალობა და ნიჭი, დაუმსახურებია სიყვარული და სახელი.

ქართული თეატრი ვერ დაივიწყებს შალვა დადიანის ღვაწლს, როგორც ნიჭიერი მსახიობისა და რეჟისორისას, რომელმაც ჯერ კიდევ თვითმპყრობელობის ბატონობის საშინელ პირობებში ქართული სცენა გადააქცია ხალხისთვის მოწინავე იდეების საქადაგო ასპარეზად.

ჰქმნიდა რა სოციალურად და პოლიტიკურად მახვილ რეპერტუარს, შალვა დადიანი თავის თეატრისთვის ეძებდა და პოულობდა კიდევ შესაფერ აუდიტორიას. ცნობილია, რომ დრამატიულმა დასმა შალვა დადიანის ხელმძღვანელობით პირველად თავისი მუშაობა ავჭალის მუშათა აუდიტორიაში დაიწყო. ეს მოვლენა რომ შემთხვევითი არ იყო, ამას

*) მოხსენება, წაკითხული შალვა დადიანის სამწერლო-საზოგადოებრივ მოღვაწეობის 45 წლის თავისადმი მიძღვნილ საზეიმო სტდომაზე ზ. ფალიაშვილის სახელობის ოპერისა და ბალეტის თეატრში.

ცხადპყოფს ის, რომ შალვა დადიანი თავისი დასით წლობით მუშაობდა ჩვენს ინდუსტრიულ ცენტრებში, ყველგან, სადაც კი თავს იყრიდა და ირაზმებოდა მუშათა კლასი. მისი თეატრის აუდიტორიას შეადგენდნენ არა მარტო ტფილისის, ქიათურის, ბათუმის, ქუთაისის, არამედ საქართველოს ფარგლებს გარეშე მყოფ სამრეწველო ცენტრების — ბაქოსა და ნოვოროსიისკის — მუშებიც. ამავე დროს შ. დადიანის თეატრი წარმოადგენდა ქართველი მშრომელი გლეხობის გამათვითცნობიერებელ ტრიბუნასაც. საქართველოში იშვიათია ისეთი სოფელი, რომელსაც არ სწვეოდეს თავისი დასით შალვა დადიანი. მან შეაყვარა ქართველ მუშებსა და გლეხებს თეატრი, გადააქცია რა იგი ხალხის აღმზრდელ სკოლად, ხალხის მსახურ ხელოვნებად. საბჭოთა ხელისუფლებამ ღირსეულად დააფასა შალვა დადიანის მოღვაწეობა თეატრალური ხელოვნების დარგში და 1923 წელს მას რესპუბლიკის სახალხო არტისტის სახელწოდება მიანიჭა.

ქართული დრამატურგია მუდამ იამაყებს შალვა დადიანის მიერ ჯერ კიდევ რევოლუციამდე დაწერილი პიესებით, რომელთა დიდი უმრავლესობა მწვავე სოციალურ პრობლემებს ეხებოდა და ყველგან ავტორი გამოხატავდა პროგრესიული საზოგადოებრივი ფენების იდეებსა და განწყობილებებს. მაგრამ ბევრად უფრო მაღალი იდეურობით და მხატვრული ღირსებით ხასიათდებიან ის პიესები, რომლებიც შალვა დადიანმა შექმნა საბჭოთა ხელისუფლების დროს.

არანაკლებ თვალსაჩინოა შალვა დადიანის შემოქმედებითი მუშაობა ქართული მხატვრული პროზის დარგში. ამ მხრივ მას განსაკუთრებული, დამოუკიდებელი ადგილი უჭირავს ქართული მხატვრული ლიტერატურის განვითარებაში.

შალვა დადიანი ერთ-ერთი საუკეთესო და ნიჭიერი წარმომადგენელი ქართველი მწერალთა უფროსი თაობისა, საქართველოში საბჭოთა ხელისუფლების დამყარების პირველი დღეებიდანვე საბჭოთა მწერლების მოწინავეთა რიგებში ჩადგა და მთელი თავისი შემოქმედებითი ენერჯია და პრაქტიკული საქმიანობა თავისუფალი და ბედნიერი ქართველი ხალხის სამსახურისაკენ მიმართა. მისთვის ჩვეული სიყვარულითა და აღფრთოვანებით ჩაება იგი ლენინ-სტალინის პარტიისა და საბჭოთა ხელისუფლების მიერ წარმოებულ მსოფლიო-ისტორიული მნიშვნელობის მუშაობაში — სოციალისტურ მშენებლობაში.

შალვა დადიანმა, როგორც დრამატურგმა და მხატვრული პროზის ოსტატმა განწლო ვრცელი და სახელოვანი შემოქმედებითი გზა. პირველი მხატვრული ნაწარმოებნი მან გამოაქვეყნა 1894—96 წლებში. ამის შემდეგ მას არ შეუსუსტებია შემოქმედებითი მუშაობა. იგი ყოველთვის აოაჩვეულებრივ აქტივობას იჩენდა და იჩენს დრამატურგიისა და მხატვრული პროზის დარგში.

შალვა დადიანის მხატვრულ ნაწარმოებთა მამოძრავებელ ღერძს წარმოადგენს საზოგადოებრივი პრობლემები, სოციალური მოტივები. დიდი იდეები, რომლებიც ხალხს აღელვებენ და იტაცებენ. მთავარი, რაც შალვა

დადიანის შემოქმედებას ახასიათებს, ეს არის მხატვრული სიტყვის ცენტრში სოციალური საკითხების მოქცევა. მისი შემოქმედების თემატიურ არეს შეადგენენ კლასებისა და სოციალური ფენების ურთიერთობა, განსაზღვრული ისტორიული პერიოდის საზოგადოებრივი კონფლიქტები და მათ გარშემო წარმოებული ბრძოლა. მწერალი ვერ ურიგდება და არ თანაუგრძნობს იდეურად დაკლილ ნაწარმოებს. მისთვის მიუღებელია მხატვრული ნაწარმოები, რომელიც არ ეხება სოციალურ საკითხებს, მნიშვნელოვან საზოგადოებრივ პრობლემებს. ამ მხრივ შალვა დადიანის შემოქმედებას ყოველთვის უაღრესი აქტუალობა და სიმძაფრე ახასიათებდა.

მართალია, შალვა დადიანი თავის გრძელ სამოღვაწეო გზაზე მრავალი ლიტერატურული სკოლისა და ესთეტიური გემოვნების ცვლისა და დაჯახების მოწმე იყო, მაგრამ ამ დაცემულობის გამომხატველ ლიტერატურულმა მიმდინარეობებმა ვერ დააზიანეს მისი საღი რეალისტური ხედვა, ვერ გადააცდინეს იგი ჯანსაღ შემოქმედებით გზას. შალვა დადიანი ბოლომდე დარჩა რეალისტ-მწერლად. მისი ძირითადი რეალისტური პრინციპი მდგომარეობდა იმაში, რომ იგი მხატვრულ შემოქმედების ამოცანებს უფარდებდა სინამდვილის შესწავლას, პროზისა და დრამატურგიის შემეცნებითი მნიშვნელობას აყენებდა იგი პირველ პლანზე, შესწავლის ობიექტად მას ჰქონდა თავისი თანადროული ცხოვრება.

შალვა დადიანის შემოქმედება რეაქციის წლებშიც გამოირჩეოდა თავისი ღრმა ოპტიმიზმითა და სიცოცხლის აპოლოგიით. ყველა მისი მხატვრული ნაწარმოები მზიანია, გამთბარია სიყვარულით, გამსჭვალულია იმედით მომავლისადმი. შალვა დადიანის მრავალმხრივი და მრავალფეროვანი მუშაობის რომელი სფეროც არ უნდა ავიღოთ, ყველგან გარკვევით სჩანს მისი მისწრაფება — ჩასწვდეს მშრომელი ხალხის სულისკვეთებას, ჰკვებოს თავისი შთავგონება ხალხის ცხოვრებით, მისი ინტერესებით, გადაამუშაოს ხალხის გულიდან ამოკრეფილი ფაქტები თავის შემოქმედების სამყაროში, გაამდიდროს მოწინავე იდეებით და ამ სახით ხალხსავე დაუბრუნოს ის, რაც მისგან მიუღლია.

ოქტომბრის რევოლუციამდე შექმნილ მხატვრულ ნაწარმოებებში შალვა დადიანი ყველგან კრიტიკულ-რეალისტური მიმართულების ტიპური წარმომადგენელია. მან მზის სინათლეზე გამოიტანა ის სიდუხჭირე და საშინელი პირობები, რომელშიც ჩაყენებული იყვნენ მასები თვითმპყრობელობის, მემამულეებისა და ბურჟუაზიის ბატონობის დროს. შალვა დადიანი მაშინაც მომავლის ადამიანებს ხედავდა მუშებსა და გლეხებში და არა სულიერად, იდეურად დაცემულ თავადაზნაურობაში.

პირველმა რევოლუციამ მნიშვნელოვანი როლი ითამაშა შალვა დადიანის მსოფლმხედველობის ჩამოყალიბებაში. ამ პერიოდის მის დრამატიულ ნაწარმოებებში საგრძნობია მეტრძოლი განწყობილებები.

შალვა დადიანის პირველი დრამატიული ნაწარმოები „მღვიმეში“ ავტორის აზრით ვითომდა კონკრეტული ისტორიული დროისა და სივრცის

გარეშე დგას, მაგრამ ნამდვილად იგი თავისებური, ალევგორიული ანარეკლია პირველი რევოლუციისა.

შალვა დადიანს ძველი ცხოვრება წარმოდგენილი ჰქონდა მღვიმედ, რომელსაც გადახურული ჰქონდა ხელოვნური თალი. ამ მღვიმეში სინათლე არ აღწევდა, იქ იყო მხოლოდ სიბნელე, ხალხის შრომა და ტანჯვა. ხალხი მოითხოვს მღვიმის თალის დანგრევას და მასში მზის სინათლის შეშვებას. გაბატონებული წრეები ამის სასტიკი წინააღმდეგნი არიან, მაგრამ აბოზოქრებული მასების პროტესტი ძლიერდება. ბრძოლა მწვავე სასიათს ღებულობს და პიესის ერთ-ერთი გმირი ხმამაღლა აცხადებს: „ჩვენ ვამტკიცებთ, რომ თალის დარღვევა მიუცილებელია“. პიესის მომქმედი გმირები მარტო ლაპარაკით და პროტესტით არ კმაყოფილდებიან. კიდევ მოქმედებენ და იბრძვიან. არავითარი შერიგება, არავითარი დათმობა გაბატონებულ წრეებთან — აცხადებენ დაჩაგრული მასები. და ეს მოწოდება ბოლომდე მიჰყვება მთელ პიესას. „მღვიმეში“ მკათოდაა გამოვლენილი თვითმპყრობელობის დამხობისა და თავისუფლებისთვის ბრძოლის იდეა.

შალვა დადიანის სოციალური იდეალების გამოსარკვევად დიდ ინტერესს წარმოადგენს მეორე მისი პიესა „როს ნადიმობდნენ“. მასში დაყენებული იმდროის აქტუალური საკითხები, საზოგადოებრივი ძალები, განლაგებულია ზუსტად და სწორად. პიესაში მხატვრულ სახვას პოულობს ბრძოლა შრომისა და კაპიტალს შორის. მთელი პიესა გამთბარია დიდი სიყვარულით მშრომელი ხალხისადმი.

„როს ნადიმობდნენ“-ის შინაარსი არ არის რთული. სცენაზე ნაჩვენებია ლხინი. საქეიფოთ მორთულ მაგიდასთან სხედან მემამულე, ვაჭარი, ბერი და სხვ. ეს „თბილი“ შეკრებულება ქეიფსა და ღროს ტარებაშია. მაგრამ ლხინი დიდხანს არ გრძელდება. სცენის სიღრმიდან მოისმის მარსელიოზის ხმები. ახლოვდებიან აბოზოქრებული მასები და მათი წარმომადგენელი და მეთაური მუშა მიმართავს მყვლეფელთა ბანაკს: „გესმით?“ აი, რა ხმები მოისმის! ჩვენს უკან ლაშქარია, გამხდარი, გაძვალტყავებულნი, თქვენგან ცხოვრებაში გარიყული, დამონებული და... ამ ნადიმს მოკლებული, მაგრამ მაინც ლაშქარი... ხედავთ, როგორ ახლოვდება ხმა?... ეს გარდაუვალი რამ არის... მე აქამდის ვთხოულობდი, მაგრამ მოვა ეს ლაშქარი და ძალით წაიღებს იმას, რაც სამართლით მათ ეკუთვნით“... და პიესა მთავრდება ძაბილით: „უკვე აღდგა ქარიშხალი, გახთიადის მოციქული“. მწვავე ბრძოლაში შრომა გამოდის გამარჯვებული. სცენაზე შემოქრილი აჯანყებული ხალხი ანადგურებს და სპობს შჩაგვრელთა ბანაკს.

არ უნდა დავივიწყოთ ის გარემოება, რომ ეს პიესა დაწერილია 1905 წლის რევოლუციის დამარცხების შემდეგ, როცა რევოლუციის ტალღები მინელდნენ, როცა ღროებით ზეიმობდა შავი რეაქცია. პიესა შორს დგას ინტელიგენციის იმ ნაწილის განწყობილებებისაგან, რომელიც რეაქციის პერიოდში შეუდგა რევოლუციურ ღირებულებათა გადაფასებას და რომელმაც მისტიურ-რელიგიურ სოფლმხედველობას შეაფარა თავი. „როს

ნადიმობდნენ“ ასახავს იდეებს, რომლებიც ხალხს ბრძოლისაკენ მოუწოდებდნენ. საყურადღებოა, რომ შალვა დადიანმა ამ პიესაში სწორად გამოსახა რევოლუციური ბრძოლის სტრატეგია: მუშებისა და გლეხობის მჭიდრო კავშირის აუცილებლობა, სწორედ ამ მიმართებით არის გადაჭრილი ეს საკითხი დასახელებულ პიესაში. მუშები და გლეხები მოქმედებენ შეთანხმებულად და თავიანთი ინტერესების ერთიანობას მტკიცე შეგნებით იცავენ.

„გეგეჰკორი“ ნამდვილი სოციალური დრამაა, იგი დიდი ხნის განმავლობაში იდგმებოდა ქართულ სცენაზე და აუდიტორიის დიდი ყურადღებით სარგებლობდა. ამის მიზეზი იყო სინამდვილის მძაფრი შეგრძობა, სოციალური უკუღმართობის დაგმობა და გმირის ისეთი თვისებებით აღჭურვა, რომლებიც მას მონობის მოსპობისათვის მებრძოლთა პირველ რიგებში აყენებს.

„გეგეჰკორში“ დაპირისპირებულნი არიან ხალხის ფართო მასები და გაბატონებული წრეები. პიესის მთავარი გმირი გეგეჰკორია, გამოსული გლეხობიდან. იგი ვერ ურიგდება სოციალურ უსამართლობას. მას ბოლომდე აქვს შეგნებული მშობლიური კლასის განთავისუფლების აუცილებლობა. იგი რაზმავს ყმა გლეხობას, მოუწოდებს ფეოდალურ მონობისაგან განთავისუფლებისაკენ და აჯანყებასაც აწყობს, მაგრამ მარცხდება და ატუსაღებენ. „მე კი არა ვარ გლეხების აჯანყების მიზეზი, — ეუბნება გეგეჰკორი გაბატონებულ წრეებს, — არამედ თქვენ, თავადები და აზნაურები. თქვენმა უსამართლობამ და ტირანიამ გამოიყვანა გლეხობა მოთმინებიდან. მე არ შემიძლია ვიყო უგულო და მშრალი, როგორც თქვენ. მე ხალხის შვილი ვარ, მისი ნაწილი, ხოლო ხალხი ყოველთვის სამართლიანი და მგრძობიარეა“.

„გეგეჰკორში“ არსად არ ნელდება მებრძოლი განწყობილება. დიდი მხატვრული დაძაბულობით ვითარდება პიესაში დრამატიული კოლიზიები.

შალვა დადიანი მთელ რიგ დრამატიულ ნაწარმოებებში ნიღაბს ხდის ქართველ თავად-აზნაურობას, გვაცნობს, თუ რას წარმოადგენდა ეს წოდება ახალ ვითარებაში — კაპიტალისტურ ურთიერთობაში.

ამ მხრივ განსაკუთრებით უნდა აღინიშნოს მაღალ მხატვრული, უაღრესად კოლორიტული „გუშინდელნი“ — ერთერთი საუკეთესო კომედია ქართულ დრამატურგიაში. აღნიშნულ ნაწარმოებში გაშიშვლებულია გადაგვარებული წოდება — თავად-აზნაურობა. კომედია იშვიათი მხატვრული ოსტატობით არის დაწერილი. დრომოჭმული საზოგადოებრივი ფენების ცხოვრების ფონზე იშლება ნიადაგამოცლილი ადამიანების მეტად ღარიბი შინაგანი სამყარო თავისი აქსესუარებით. „გუშინდელნი“, რომელიც მეტყველი ფერებით გამოხატავს ძველ ცხოვრებაში გაბატონებულ საზოგადოებრივი ფენების ყოფის გარკვეულ საფეხურს, დაწერილია მახვილი სატირული ენით. რეალისტური სურათები მძაფრი იუმორი მკაფიო სიუჟეტი, ეფექტიანი დიალოგი, რთული კვანძი და ტიპების

მრავალფეროვანება ამ კომედიას განსაკუთრებულ ადგილს აკუთვნებს ქართული დრამატურგიის განვითარებაში.

„გუშინდელნი“ შალვა დადიანმა დაგვანახა არა მარტო ქართველი თავადაზნაურობის ფიზიკურ-სულიერი დაკნინება, გვიჩვენა არა მარტო კულაკობის ეგოისტური მიდრეკილება, წარმოგვიდგინა არა მარტო თავადაზნაურული ინტელიგენციის უნიადაგობა და უნიათობა, არამედ ამასთან გაატარა ის სწორი თვალსაზრისი, რომ არცერთ ამ ფენას არ შესწევდა არც იდეური და არც მორალური შესაძლებლობა გამოეყვანა ხალხი სიბნელისა და სილატაკის ჩიხიდან. ერთადერთ ძალად, რომელიც შესძლებდა მშრომელი ხალხის წინამძღოლობას და გამათავისუფლებელი მოძრაობის მეთაურობას, შალვა დადიანმა აღიარა მუშათა კლასი. ეს აზრი მწერალმა ნათლად გამოსთქვა და მკაფიოდ გამოხატა ჩვენს მიერ ზემოდდასახელებულ ორ დრამატიულ ნაწარმოებში — „მღვიმეში“ და „როს ნადიმობდნენ“.

ასეთი შემოქმედებითი მიღწევებით შემოვიდა შალვა დადიანი საბჭოთა ლიტერატურაში.

შალვა დადიანის ორიგინალური და გულწრფელი შემოსვლა საბჭოთა ლიტერატურაში მომზადებული იყო მისი რევოლუციამდელი პროგრესიული შემოქმედებით. საბჭოთა ხელისუფლების პირობებში მან კიდევ უფრო მეტის ახალგაზრდული ენერგიით გაშალა თავისი შემოქმედებითი მუშაობა და შექმნა ყველაზე უფრო მომწიფებული თავისი მხატვრული ნაწარმოებნი. მთელი თავისი ლიტერატურული და საზოგადოებრივი მოღვაწეობის განმავლობაში შალვა დადიანს არასდროს არ უშეშავნია ისეთი ინტესივობით და ინტერესით, როგორც საბჭოთა ხელისუფლების დროს. საზოგადოებრივ-პრაქტიკულ მოღვაწეობასთან ერთად იგი აგრძელებს დიდად ნაყოფიერ მაღალ-მხატვრულ შემოქმედებით მუშაობას. ამ პერიოდს ეკუთვნის პიესები: „ნაპერწყლიდან“, „თეთნულდი“, „კაკალ გულში“, „რუსთაველი“, „პუშკინი საქართველოში“, „ბარათაშვილი“, „ნინოშვილის გურია“, „ჩატეხილი ხიდი“, რომანები „უბედური რუსი“, „ურდული“ და მრავალი მოთხრობა.

შალვა დადიანი საბოლოოდ ჩამოყალიბდა როგორც სოციალისტური რეალიზმის პოზიციებზე მდგარი მწერალი, როგორც მწერალი, რომელიც მთელ თავის ძლიერ ნიჭს ახმარს განთავისუფლებულ და ბედნიერ ხალხს, რომელიც ყველა თავის ნაწარმოებში გამოდის, როგორც განახლებული ცხოვრების ჭეშმარიტი მომღერალი.

შალვა დადიანის დიდ შემოქმედებითს გამარჯვებას წარმოადგენს „ნაპერწყლიდან“ — ქართული ხალხის სახელოვანი შვილის ამხანაგ ლავრენტი ბერიას შრომით — „ამიერ-კავკასიის ბოლშევიკური ორგანიზაციების ისტორიის საკითხისათვის“ — შთავონებული დრამატიული ნაწარმოები, სადაც ორგანიულად განცდილია და დიდი გულწრფელობით, მხატვრული სიმართლით განსახიერებულია რევოლუციური მოძრაობის დასაწყისი საქართველოსა და ამიერ-კავკასიაში და დიდ ბელადის სტალინის ხელმძღვანელი როლი ამ მოძრაობაში.

„ნაპერწყლიდან“-ის სუჟეტი ზუსტად მისდევს ისტორიულ ფაქტებსა და მოვლენებს, იცავს ეპოქის თავისებურებას. პიესაში დიდი მხატვრული სიძლიერით არის ასახული ახალგაზრდა სტალინის გენიალური პოლიტიკური აღღო და ხასიათის ფოლადისებური სიმტკიცე. მასში ნაჩვენებია, როგორ ზრდიდა სტალინი კომუნიზმისათვის თავდადებულ მებრძოლთა არმიას.

მე-19 საუკუნის დასასრულს და მე-20 საუკუნის დასაწყისს, ბათომი წარმოადგენდა ერთ-ერთ უმნიშვნელოვანეს სამრეწველო ცენტრს საქართველოსა და ამიერ-კავკასიაში. არაადამიანური შრომა, უუფლებობა, შიმშილი, — აი ასეთ პირობებში სცხოვრობდნენ მუშები, როგორც სხვაგან, ისე ბათუმშიც. მართალია, მუშები ამ არაადამიანური პირობების გამო უკმაყოფილონი იყვნენ კაპიტალისტებისა, მაგრამ ამ უკმაყოფილებას სტიქიური ხასიათი ჰქონდა. მათში ჯერ კიდევ არ იყო შესული რევოლუციურ-კლასობრივი შეგნება.

ასეთი მდგომარეობა იყო, როდესაც 1901 წლის ნოემბერს ბათომში ჩავიდა ამხანაგი სტალინი. ჩასვლისთანავე მან სტიქიურად გამოღვიძებული მუშათა კლასი მოამზადა შეგნებული პოლიტიკური ბრძოლისათვის. მან პირველმა შეიტანა ბათომის მუშებში მებრძოლი ლენინურ-ისკრული შეგნება, მთელ რიგ მსხვილ საწარმოებში ჩამოყალიბდა სოციალ-დემოკრატიული წრეები. მონური მორჩილება და ქედის მოხრა სტიქიურობის წინაშე, რასაც „მესამე დასის“ უმრავლესობა იჩენდა მუშათა კლასის ხელმძღვანელობის საქმეში, სტალინის ჩასვლის შემდეგ შეიცვალა შეგნებულ, ორგანიზაციულ, მასობრივ მოძრაობად, რომელიც მუშათა კლასის წინაშე აყენებდა ახალ პოლიტიკურ ამოცანებს. ამ ამოცანების გადაწყვეტის მიზნით შეიკრიბნენ მუშა სილთბისტრო ლომჯარიას ბინაზე ამხანაგ სტალინის მიერ დაარსებული წრეების მეთაურები. იქ ჩაეყარა საფუძველი ბათომის პირველ ლენინურ-ისკრულ სოციალ-დემოკრატიულ ორგანიზაციას. ეს მოხდა 1901 წლის 31 დეკემბერს, ახალი წლის წინა ღამეს.

ამ ამბების ფონზე იშლება შალვა დადიანის პიესა „ნაპერწყლიდან“. ავტორმა მიზნად დაისახა დიდი ისტორიული მოვლენის ცოცხლად და მხატვრულად აღდგენა. მწერლის წინაშე ფრიად საპასუხისმგებლო ამოცანა იყო დასმული.

დრამატურგს პირველ სურათიდანვე ცხრაასიანი წლების ბათომში გადავყვართ. პიესა მოგვითხრობს მანთაშევისა და როტშილდის ქარხნების მუშების ყოფაცხოვრებაზე, გაფიცვებზე და დემონსტრაციებზე, საერთოდ ბათომის მუშათა კლასის ბრძოლის გმირულ ეპოპეიაზე.

პიესის ფინალს წარმოადგენს დიდი მხატვრული სიძლიერით განსახიერებული მომენტი, როცა პირველად ერთმანეთს პირისპირ შეხვდნენ მშრომელი კაცობრიობის დიდი ბელადები — ლენინი და სტალინი.

„ნაპერწყლიდან“ ცხადპყოფს, რომ შალვა დადიანი კარგად იცნობს მუშათა კლასის წარსულს, მის ყოფა-ცხოვრებას, პიესაში მოცემულია მებრძოლ მუშათა ტიპების მთელი გალერეა. რწმენა გამარჯვებისა, რო-

შელიც ამხანაგმა სტალინმა ჩაუნერგა მათ, ამოძრავებს ამ ადამიანებს, ხდის მათ თავდადებულ მებრძოლებად. ამასთან ერთად პიესაში ნათლადაა გადმოცემული მუშების ყოფაცხოვრება, მაგრამ ეს არის არა ყოფის უბრალო ნატურალისტური ფიქსაცია, არამედ ცხოვრების ღრმა ცოდნით გამსჭვალული სოციალური სურათები.

„ნაპერწყლიდან“-ში ტიპების მრავალფეროვანებასა და მრავალრიცხოვანებასთან გვაქვს საქმე. არ დარჩენილა არც ერთი იმდროინდელი საზოგადოებრივი ფენა, რომლის წარმომადგენელი არ იყოს გამოყვანილი პიესაში:

ქართული საბჭოთა ლიტერატურის და საბჭოთა თეატრის ცხოვრებაში „ნაპერწყლიდან“ აღინიშნება, როგორც დიდი ნაბიჯი წინ, როგორც დიდი შემოქმედებითი გამარჯვება სოციალისტური რეალიზმის დრამატურგიის შექმნის გზაზე.

შალვა დადიანს დიდი დამსახურება მიუძღვის ჩვენი კლასიკური ლიტერატურის, კერძოდ, ილია ჭავჭავაძისა და ე. ნინოშვილის მდიდარი შემკვიდრების ათვისების საქმეში. მისი „ჩატეხილი ხიდი“ და „ნინოშვილის გურია“ ჩვენი თეატრების რეპერტუარის დამამშვენებელია.

გარდა დრამატურგიისა, საბჭოთა პერიოდში შალვა დადიანი დიდი შემოქმედებითი ინტენსივობით მუშაობს მხატვრული პროზის დარკში. ამ წლების მანძილზე მან დასწერა და გამოაქვეყნა რამდენიმე მეტად მნიშვნელოვანი ისტორიული რომანი.

ცნობილია, რომ ისტორიული რომანი მხატვრული შემოქმედების ურთულესი ჟანრია, წარსული ცხოვრების რეალურ სახეთა მხატვრულა გაცოცხლება და მისი „ხელშესახებად“ მიახლოება მკითხველთან უაღრესად ძნელი საქმეა. გარდა ფაქტების ცოდნისა, მწერლისაგან ისტორიული რომანი მოითხოვს დიდ ინტუიციას და ოსტატობას.

შალვა დადიანის სასახელოდ უნდა ითქვას, რომ მის ისტორიულ რომანებში მკაფიოდ იგრძნობა როგორც ფაქტების ღრმა ცოდნა, ისე დიდი ინტუიცია და ოსტატობა. თავისი ისტორიული რომანებით მწერალს შეეცავართ მოვლენათა სიღრმეში. იგი მკითხველის წინაშე შლის ნათელ სურათებს ძველი ყოფისა და ზნეჩვეულებისა, გვჩვენებს მთელ გალერეას ისტორიული სახეებისას, რომლებიც მისი კალმის ქვეშ ცოცხლდებიან და იწყებენ საუბარს თავიანთი ბუნებრივი ხმით.

შალვა დადიანი თავის ისტორიულ რომანებში არ ეძებს დეკორატიულ, ეკზოტიურ ელემენტებს. მას არ ახასიათებს არც განხეთქილება ისტორიასა და თანადროულობას შორის.

ქრონოლოგიურად შალვა დადიანის პირველი ისტორიული რომანი არის „უბედური რუსი“. ამ ნაწარმოებს მკითხველი გადაჰყავს თამარ მეფის ეპოქაში. რომანი დაწერილია ნათელი ფერებით და მშვენიერი სტილით. ტიპები სხარტად და მკაფიოდ არიან მოხაზულნი.

„უბედურ რუსში“ შალვა დადიანმა გვიჩვენა ქართველი ფეოდალური არისტოკრატის ყოფა-ცხოვრება, ძლიერ მხატვრულ სახეებში აღადგინა ისტორიული პიროვნებანი, გარკვეული სოციალური ვითარება

და ის პოლიტიკურ-კულტურული გარემო, რომელიც ახასიათებდა მაშინდელ საქართველოს ცხოვრებას. მართალია, ამ რომანში მწერალმა ეწერა ზოგჯერ ხალხის ცხოვრების ფართო ასახვა, მაგრამ სამაგიეროდ ის ვიწრო ფონი, რომელიც თავის მხედველობის არეში მოაქცია ავტორმა, დახატულია ისტორიული კოლორიტის დაცვით და რეალისტური გამოკვეთილობით.

„უბედურ რუსში“ მკითხველის წინაშე გაივლის თამარის მეფობის დროის პირების მთელი გალერეა: თვით თამარ მეფე, რუსუდან — თამარის აღმზრდელი მამიდა, თბილისის ამირა აბულ-ასანი, ზორაბაბელი — თბილისელი სოვდაგარი, ანდრეი ბოგოლუბსკის ვაჟი — იური-გიორგი, მსახურთ-უხუცესი ვარდან დადიანი, რატი სურამელი, ზაქარია მხარგრძელი, აბულ-ასანის ცოლი — უტანდარი, დავით სოსლანი და მრავალი სხვაც. თვითეული მათგანი რომანში გარკვეული თვისებებით და ბრწყინვალეებით არის მოცემული.

„უბედური რუსის“ მთავარ თემატიურ ხაზს წარმოადგენს თამარ მეფის გათხოვება იური-გიორგი რუსზე და ამ ნიადაგზე შექმნილი კოლიზია. აქვეა მოცემული შინაგანი შეხლა-შემოხლა ქართველი ფეოდალებისა, რომელნიც შიგნიდან აუძლურებდნენ და ასუსტებდნენ საქართველოს ძლიერებას. ბრძოლა გავლენისა და ძალაუფლებისათვის, ქიშპოტა, ინტრიგა, — აი რა იყო დამახასიათებელი ფეოდალურ-არისტოკრატიული წრეებისათვის. მუდმივი განაპირების მოსურნე ფეოდალები თვით თამარ მეფესაც კი ალუდგნენ და შეეცადნენ ქვეყნის დაქსაქსვას და დაუძლურებდას.

მხატვრულად უაღრესად მნიშვნელოვანია ამ რომანში ისტორიულ არეს მოხაზვა. არ ვარდება რა ჭარბ მოდერნიზაციაში, არ არის რა გატაცებული გარეგნული ეფექტებით, ავტორი ტიპიურ ხაზებში გვიხატავს ეპოქის ყოფას და წესებს. ეპოქა მკითხველის წინაშე ცოცხლდება თავისი მრავალფეროვანებით.

თუ „უბედურ რუსში“ ხალხის ცხოვრების ჩვენებას მცირე ადგილი ჰქონდა დათმობილი, სამაგიეროდ „ურდუმი“ მთლიანად ხალხის, მასების ყოფა-ცხოვრებისა და ბრძოლის ეპოპეას წარმოადგენს. ამ რომანის თემად მწერალს აღებული აქვს გლეხობის აჯანყება მეცხრამეტე საუკუნის ორმოცდაათიან წლებში ფეოდალური არისტოკრატიისა და მებატონეთა წინააღმდეგ. მოქმედება სწარმოებს სამეგრელოში, რომლის წარსულსაც ავტორი ზედმიწევნით იცნობს.

დიდი მხატვრული ოსტატობით აგვიწერს შალვა დადიანი ყმა-გლეხობის ცხოვრების საშინელ პირობებს. გლეხობა ყოველგვარ უფლებას იცო მოკლებული. მას სჩაგვარდა და ავიწროებდა თავადაზნაურობა, ეკლესია, თვითმპყრობელური სახელმწიფო, მოხელე და სხვები. ხშირი იყო შემთხვევა, რომ მემამულეები სრულიად უმიზეზოდ არბევდნენ და ანადგურებდნენ ყმების კარმიდამოს.

შალვა დადიანი ხედავს გლეხობის არა მარტო აუტანელი ცხოვრების პირობებს, უუფლებობას, დაბეჩავებას, იგი გვიხატავს აგრეთვე იმ წი-

ნააღმდეგობას. ბრძოლას, რომელსაც ხალხი აწარმოებდა შხავგრელთა წინააღმდეგ. მშრომელთა ინტერესებისთვის მებრძოლის ლეგენდარული უტუ მიქავას მეთაურობით თითქმის მთელი სამეგრელოს ყმა-გლეხობა აწყობს აჯანყებას მებატონეთა და მეფის რუსეთის ადმინისტრაციის ვერაგობის წინააღმდეგ.

შალვა დადიანმა „ურდუმში“ გვიჩვენა, რომ ნამდვილი ისტორია არ არის ცალკეულ პიროვნებათა თავგადასავალი, არამედ მთელი ხალხის ისტორიაა, რომ ისტორიას ჰქმნიან მასები. შალვა დადიანს მთელი სისრულით აქვს ათვისებული ფრ. ენგელსის მოსაზრება იმის შესახებ, თუ როგორ უნდა უჩვენოს მწერალმა წარსული ცხოვრება, მნიშვნელოვანი გარდატეხის პერიოდები ხალხის ცხოვრებაში. თავის ცნობილ წერილში „ფრანც ფონ ზიკინგენის“ შესახებ ენგელსი სწერდა ლასალს: „მე მგონია... რომ დრამაზე თქვენი შეხედულებების მიუხედავად, რომელიც... ჩემის აზრით, ძალზე ამბტრაქტული, არა საკმარისად რეალისტურია, გლეხთა მოძრაობა მეტი ყურადღების ღირსი იყო“ „... ენგელსი მოითხოვდა ლასალისაგან „დრამაში გლეხთა და პლებეების მოძრაობის ჩვენებას“. ფრ. ენგელსის ეს მითითება კარგად გაიგო შალვა დადიანმა. ამიტომ არის, რომ „ურდუმში“ მთავარი მომქმედი თვით ხალხია, ხალხის წრიდან გამოსული სახელოვანი შვილები.

„ურდუმში“ შალვა დადიანმა საქართველოს წარსული დაინახა მოძრაობაში, როგორც ისტორიული პროცესი, და იგი გამოხატა იშვიათი კონკრეტულობით.

შემოქმედებითი გზა, რომელიც შალვა დადიანმა სამწერლო მოღვაწეობის ორმოცდახუთი წლის მანძილზე განვლო, საბჭოთა საზოგადოებრიობის დიდ პატივისცემასა და სიყვარულს იმსახურებს, ვინაიდან იგი დაკავშირებულია ხალხის ინტერესებთან.

მთელი ორმოცდახუთი წლის მანძილზე პროზის ოსტატი, დრამატურგი, რეჟისორი, არტისტი — შალვა დადიანი დაუღალავად და ვაჟკაცურად ემსახურება ქართველი ხალხის ბედნიერების საქმეს, ემსახურება კალმით, სცენიდან წარმოთქმული შთაგონებული სიტყვებით, ისეთი პიესების დადგმით, რომლებიც ესიტყვებოდნენ ხალხის მისწრაფებებს.

შალვა დადიანი მთელი თავისი შემოქმედებითი ტემპერამენტით და ენერგიით არის ჩაბმული ჩვენს ქვეყანაში წარმოებულ დიად სოციალისტურ მშენებლობაში. იგი მთელი თავისი შეგნებით და არსებით სდგას ბედნიერი ცხოვრების მშენებელთა რიგებში. ამით აიხსნება ის განსაკუთრებული ნდობა, რომელიც მას გამოუცხადა ჩვენმა ხალხმა. შესაფერისად დააფასა რა შალვა დადიანის ხანგრძლივი საზოგადოებრივ-სამწერლო მოღვაწეობა, თავის საუკეთესო შვილებთან ერთად ხალხმა იგი აღჭურვა უდიდესი ნდობით და აირჩია სსრ კავშირის უმაღლეს საბჭოს დეპუტატად. ეს ფაქტი ერთხელ კიდევ ნათლად მიუთითებს იმაზე, თუ რა დიდად ფასდება გამარჯვებული სოციალიზმის ქვეყანაში ხალხის ნამდვილი მსახური.

შალვა დადიანი ახალგაზრდული აღფრთოვანებით განაგრძობს მუშაობას სსრ კავშირის უმაღლესი საბჭოს დეპუტატის პოსტზე. ყოველდღიური კავშირი აქვს თავის ამომრჩეველთან, ეცნობა მათ მდგომარეობას, ეხმარება მათ მუშაობაში. „ჩემი უნივერსიტეტი“ — ასე უწოდებს იგი თავის სადეპუტატო მუშაობას.

მიუხედავად თავისი ხანდაზმულობისა, შალვა დადიანს არ დაუსრულებია თავისი შემოქმედებითი გზა. მას სრული შესაძლებლობა აქვს იმისა, რომ მისცეს საბჭოთა ლიტერატურას კიდევ და კიდევ ბევრი ახალი განძი. ბედნიერი საბჭოთა ხალხი მისგან მოელის მეტ ღირსშესანიშნავ მხატვრულ ნაწარმოებებს.

ვუსურვოთ ჩვენს სახელოვან იუბილარს ხანგრძლივი სიცოცხლე და მისთვის ჩვეული ენერჯით შემოქმედებითი აღმავლობის გზით სვლა ჩვენი დიადი სტალინური ეპოქის შესაფერი მხატვრული ასახვისთვის.

ქონსულგაცხი

წერილი ახალგაზრდა მკითხველისადმი

შალვა ნიკოლოზის-ძე დადიანის წერილი, რომელსაც ქვევით ვბეჭდავთ, წარმოადგენს პასუხს ამხ. გრიგოლ ერმილეს-ძე ბელქანიას წერილზე. გრ. ბელქანიამ წერილთან ერთად მწერალ შალვა დადიანს გამოუგზავნა საკუთარი ლექსები და სთხოვა მიეწერა თავისი აზრი მათ შესახებ.

შ. დადიანის წერილი დახმარებას გაუწევს ჩვენს ლიტერატურულ ახალგაზრდობას.

ჩემო ახალგაზრდა ამხანაგო!

მომიტყვეთ, რომ პასუხი დაგიგვიანეთ, მაგრამ ეს მიაწერეთ ჩემს მოუცლელობას ახლა საქმე:

გულ-დასმით გადავიკითხე ხუთივე თქვენი ლექსი და, რაკი ჩემი აზრი გაინტერესებთ, თუმცა მე პოეტი არა ვარ, მოგახსენებთ პირუთვნელად:

დედა-აზრი და შინაარსი თქვენი ლექსებისა დიდაც მართებულია, რევოლუციურ-ზათოსიანი და ჩვენი დროის შესაფერი, მხოლოდ ყველა ესენი რითმოვან სიტყვებში გამოთქმულია პუბლიცისტიკურად. ეს პოეზიის ნაკლია. რა თქმაუნდა შეიძლება პოლიტიკური, ტენდენციური ლექსების წერა. ამის მაგალითები ბევრია და ძალიან კარგი მაგალითებიც. წარსულში, მაგალითად, ნეკრასოვი რუსეთში და აკაკი ჩვენში, ან თანამედროვე მაიაკოვსკი რუსეთში და ჩვენში. მაშაშვილი, მოსაშვილი და სხვა. მაგრამ ყველა ესენი პოეტური ხერხებით გამოსთქვამენ პოლიტიკურ აზრებს, სახეებში გვაძლევენ ზოგჯერ თვით სალოზუნგო ფრაზებსაც.

და სწორედ ეს მოეთხოვება პოეზიას.

თქვენ კი ჯერ ფიქრით ლექსის ტექნიკასაც — მომიტყვეთ და — ვერა ხართ დაუღლებული. მაგალითად, ავიღოთ თქვენი ერთი უძლიერესი ლექსთაგანი „ოქტომბერი“. თქვენა სწერთ:

„მე ძლიერი ვარ, ოცი წლის უკან
გავაცამტვერე სასტიკი მტერი“.

ეს ათ-მარცვლოვან ლექსად არის დაწერილი, თუმცა აქავე უნდა მოგახსენოთ, რომ ფრაზა „ოცი წლის უკან“ — ს ქართულად „ოცი წლის წინათ“ სჯობია, მაგრამ ეს იქით იყოს. გადავხედოთ ამავე ტაეპის მეორე ნახევარს. აგერ ისიც.

„და თავისუფლების მახარობლად
ყოველ წლობით მოვალ-მოვიმღერო“.

უყურეთ, აქაც ათ-მარცვლოვანია ლექსი, მაგრამ მისი შინაწყობა, ესრეთ წოდებული „ცეზურა“ დარღვეულია.

აქ ლექსი ცეზურის დარღვევის გამო ასე წაიკითხება:

„და თავისუფლე ბისმახარობლად“.

ხედავთ?

აგრეთვე მეორე სტრიქონი:

„ყოველ წლო ბითო ვალ-მოვიმღერო“.

სიტყვებია შუაზე განკვეთილი და, ცხადია, ლექსის მუსიკალობაც არღვევა. და ფრაზების აზრიც ბუნდოვანი ხდება, რადგან „ბისმასარობლად“, „ბითმო“, „ვალ-მოვიმღერო“ და ცალკე ობლად დარჩენილი „წლო“ არაფერს არ ამბობს.

ამას გარდა ამავე ლექსში თქვენ გადადიხართ თერთმეტ-მარცვლოვან ტაეპებზე. ჯერ ერთი, ქართულ ლექსს არ უყვარს ასეთი წყობა, მეორე, შეიძლება ასედაც დაიწეროს, მაგრამ ეს გამოწვეული უნდა იყოს რაიმე დიდი მიზეზით. მაგ., როდესაც ასეთი ლექსი იწერება სპეციალურ მუსიკისთვის სამღერლად და მუსიკა თხოულობს ლექსში თერთმეტ-მარცვლოვან წყობას (ოპერაში, ორატორიაში და სხვ.). აქ კი ასეთ გარემოებასთან არა გვაქვს საქმე. თქვენ შეგეძლოთ გადასულიყავით სხვა რაოდენობაზე მარცვლებისა, თუნდა დაქტილურზე, მაგრამ, ჩემის ფიქრით, ამას ამ ლექსში საჭიროება არ მოითხოვდა.

ახლა აქ იალიან პრეტულია ლექსთა წყობა, უკანასკნელი ტაეპი ხომ უკვე 9-მარცვლოვანიც კია და... ეს მკითხველს მხოლოდ გაუჭირებებს საქმეს, უფრო პროზაულ გუნებაზე დააყენებს და თქვენ ხომ ეს არ გინდათ.

აგრევეა სხვა ლექსებშიც. აი, მაგ., „დანიელ ჭონქაძეს“. თქვენ ასე იწყებთ:

„ვინ არ იცნობს დანიელ ჭონქაძეს“.

და გაცს ჰგონია, რომ თქვენ პროზაულ პუბლიცისტურ წერილს იწყებთ, რადგან ასე არ შეიძლება ლექსის დაწერა. რა ვუყოთ, რომ ათი მარცვალი ამ ფრაზაში დაცულია. ლექსად რომ დაგეწყოთ ეს ფრაზა, მაშინ ერთი მარცვლის მომტებაც მოგიხდებოდათ და გამოგივიდოდათ მუხამბაზური:

„დანიელსა ვინ არ იცნობს ჭონქაძეს“

თუმცა ცხადია მუხამბაზი ამ თემას არ შეეფერება, მხოლოდ ეს კია, რომ ფრაზა ამღერებელია. ლექსში მთავარი კი ის გახლავთ, რომ ფრაზა უნდა მღეროდეს, თავისთავად. მაგრამ ამღერებაც არის და ამღერებაც და „დანიელსა ვინ არ იცნობს ჭონქაძეს“, რა თქმა უნდა, გამოსადეგი არ არის.

აქ სხვანაირად უნდა მოგვეფიქრებინათ, სხვა რაიმე ხერხი უნდა გამოგვეძებნათ: თქვენ კი პროზაულად ფიქრობთ და გართიმული სიტყვებით კი სწერთ.

თქვენ თქვენს ლექსებში ერთი სახეც არ გაქვთ პოეტური, თუ არ ვიანგარიშებთ ერთგან ასეთ თქმას:

„წარღვნით წავლევე ბნელი სამყარო
და სისხლის ღვარით შევღებე მთა-ველი“.

ესეც პროზიდან, გაზეთის სტატიიდან მოტანილი ფრაზაა და პოეტი სტატიების გართიმვას კი არ უნდა ცდილობდეს, არამედ სტატიებში გამოთქმული აზრი მან სახეებში უნდა ჩამოძერწოს.

ამას გარდა ამ ლექსშიც პირველი სტრიქონი ათ-მარცვლოვანია, მეორე თერთმეტი. ეს არღვევს მუსიკალობას.

შეიძლება გაგიკვირდეთ, საყვარელო გრიგოლ, რომ ცოტა არ იყოს, სასტიკად ვეპყრობი თქვენს ლექსებს, მაგრამ, რაკი შემეკითხეთ, მოვალე ვარ სიმართლე გითხრათ. ამიტომაც, გამოგიტყდებით, ასეთის სახით ვერც ერთს თქვენს ლექსს ვერც ერთ უურნალს ან გაზეთს მე ვერ გადავცემ.

ძვირფასო ამხანაგო! თქვენ ძალიან კარგ გზას ადგებხართ. უმაღლესი სწავლა გინდათ მიიღოთ. წარუღს ავადმყოფობას ხელი შეუშლია, გაისათ შედით უნივერსიტეტში, თქვენ ჯერ ახალგაზრდა ხართ, მოასწრებთ, წინ იმდენი კარგი მოგე-

ლით, განსაკუთრებით ჩვენს ენკაპაში. გული არ უნდა გაგიტეხოთ ჩემმა წყნრილმა. მე თქვენი გულის გატეხა არც მინდა და თუ ნაკლებ გითითებთ, ეს ადვილი გამო-სასწორებელია, ადვილია მაშინ, როდესაც კიდევ მეტ სწავლას შეიძენთ. ყველაფრის წამალი სწავლაა, ჩემო კარგო. ცოდნა გამომსწორებელია ყოველგვარი ნაკლისა. თქვენც ამ გზას ნუ დაგდებთ. უნივერსიტეტამდე და შემდეგაც მუდამ უნდა ცდი-ლობდეთ თვითგანვითარებას, ბევრი უნდა იკითხოთ, საუკეთესო ოსტატები, რაკი მხატვრული ლიტერატურა გაინტერესებთ, უნდა გადაიკითხოთ და შეისწავლოთ უდი-დესი მსოფლიო პოეტები: ჰომეროსი, დანტე, რუსთაველი, ბაირონი, პუშკინი და აგრეთვე უფრო ახლო დროისანი — ილია, აკაკი, ბარათაშვილი, ვაჟა, ნეკრასოვი, მაი-კოვსკი, ჩვენი თანამედროვე სახელგანთქმული მწერლები და შეისწავლოთ იმიტომ კი არა, რომ მათ მიჰბაძოთ, არამედ იმიტომ — შეისწავლოთ მათი წერის ტექნიკა, ხერხი, გამოთქმა, მუსიკალობა, სიტყვის სიფაქიზე, გამკვირვებლობა, იდეის სურა-თებსა და სახეებში მოცემა და სხე.

საერთოდ პოეზიამ მხატვრულად უნდა გამოსთქვას ის, რასაც პროზა ჩვეულებ-რავად გადმოგცემს.

კიდევ მინდა გითხრათ: მწერთ, რომ თქვენ „დაჯილდოვებული ხართ დრამა-ტურგის ნიჭით“.

ძალიან სასიხარულოა, მაგრამ, ნუ მიწყენთ და, ასე თქმა არ შეიძლება. მე მგო-ნი თვითონ „ბებერი შექსპირი“ არ იტყოდა „დრამატურგის ნიჭით ვარ დაჯილ-დოვებული“.

სიამაყე კარგი რამ არის, თავის თავის რწმენა ადამიანს უსათუოდ უნდა შეს-დგამდეს, მხოლოდ თავმომწონობას კი უნდა ვუფრხილდეთ.

მეშინია, ვაი თუ შექსპირს ჯერ კარგად ვერ იცნობთ, ან განთქმულ მოლიერს, ან სხვა დიდ დრამატურგებს... მერძე კიდევ, დალოცვილო, არც აცივებთ, არც აც-ხელებთ და პირდაპირ „გერმანიის ახალთაობის ბრძოლას სისხლიანი ფაშისმის წი-ნაალქდევ“ ეხებით თურმე თქვენს პიესაში.

ეს ძალიან მოსაწონი ამბავია და ძალიან საჭიროც ჩვენი დრამატურგიისთვის, მაგრამ არა მგონია, რომ თქვენ პირადად ყოფილიყვეთ ამჟამად გერმანიაში და გაზეთების გარდა სხვა რამ წყარო გქონდეთ გერმანიის თანამედროვე ცხოვრების შესასწავლად. გაზეთები და ბროშურები კი ამისთვის საკმარისი არ არის. თვითონ თქვენ უშუალოდ უნდა იცნობდეთ თანამედროვე გერმანელ ახალგაზრდა ფრიცს, ან კლენხერს, განცდილი უნდა გქონდეთ მათი პირადი ცხოვრება, ყოფა, გარემო, ისე კი მშრალი სქემა გამოვივით და ლოზუნგების დაგროვების მეტი არა იქნება რა.

უცნობ საგანზე წერა ძალიან გამოცდილ მწერლებს და დრამატურგებსაც უჭირთ ხოლმე და თუ სწერენ, ვთქვათ ისტორიულ რომანებს თუ პიესებს, იმ დროისას, როდესაც მათ არ უცხოვრიათ, სამაგიეროთ წლობით სწავლობენ დაზუსტებულ მასა-ლებს, იქებებიან არქივებში და სხე.

მწერალმა უწინარეს ყოვლისა, რა გარემოსაც იცნობს, იმაზე უნდა სწეროს, გან-საკუთრებით ახალგაზრდამ.

დალოცვილო, დაგეწერა შენი სოფლის, აი თუნდ ნაკიფუუს კოლმეურნეთა ცხოვრებიდან რამე, გეჩვენებინა, თუ რითი სულდგმულობს ბებერი შუკოჩია, ან გვატი, როგორ მუშაობს და წინ მიდის რომელიმე სოფელი ჩათუ ან ცარუ ან კი-დევ გიოიტი და ძიკი. ან შეიძლება ეს სახელები სულ არ არის, ამ ჟამად სამეგრელოს სოფლებში, მაგრამ ეს სულ ერთია.

დაგეწერათ რამე ნაცნობი ცხოვრებიდან. საერთოდ კი ნუ ჩქარობთ საჯაროთ თქვენ თხზულებათა გამოფენას. სწერეთ, ივარჯიშეთ, წააკითხეთ გამოცდილ-ამხანაგებს, გამოვიგზავნე მეც და მიუხედავად ჩემი დიდი მოუტლელობისა, ვეცდები სათანადო მითითებანი მოგაწოდოთ.

ისიც კარგი აზრია, რომ გინდათ რუსთაველის თეატრის დრ. სტუდიაში შეხვი-დეთ. ამისთვის უწინარეს ყოვლისა საჭიროა გ ა რ ე გ ნ ო ბ ა. კარგი ტემბრის ხ მ ა, შემდეგ კი ცოდნა არა ნაკლებ შეიძლეკდის კურსისა და პოლიტიკური მომზადება.

მხოლოდ, თუ უნივერსიტეტში გინდათ შესვლა, რასაკვირველია, ჯერ ეს სჯობია. ნუ გაიბნევით.

ჯერ უმაღლესი სწავლა მიიღეთ და შემდეგ რისი მოწოდებაც გექნებათ, იქ გამოჩნდება. შეიძლება იქ სულ სხვა, რომელიმე მეცნიერების დარგმა გაგიტაცოს. ეს ხდება ხოლმე.

ჯერ თქვენ დაუდუღებელ მაქარს ჰგაეხართ. ეს ახალგაზრდული წესია:

მაინცადამაინც უსწავლელი და მოუმზადებელი ნუ გამოხვალთ ხელოვნების ასპარეზზე.

ხელოვნების სამსახური დიდ მომზადებას მოითხოვს. ვინც კი გაიმარჯვა ამ სფეროში, გაიმარჯვა მხოლოდ დიდი შრომისა და გარჯილობის შემდეგ. ისე კი, ვინც მოვიდა მხოლოდ თავის ნიჭის ამარა და თითო-ორი წაიმღერა, უკვე საბოლოოთ ჩაჩუმდა ახლა, რადგან მარაგი არ ეყო: არ ჰქონდა მომზადება და სწავლა.

მე ჩემ თავზე გეტყვი: ახალგაზრდა ვიყავ, როდესაც სამწერლო და სასცენო ასპარეზზე გამოველ, მაგრამ მანამდის ჩემს სახლში ვეარჯიშობდი წერაში და სცენაზე სამუშაოდ. პირველი ნაწერები, სიყმაწვილის ნამუშევარი არსად არც კი გამომიქვეყნებია. მხოლოდ ცოტა გამოცდილება რომ შევიძინე, ტექნიკით გავძლიერდი, ლექსიკონიც გამდიდრდა და სტილიც ასეთუისე შემიმუშავდა, მხოლოდ მაშინ გავბედე და გამოველ საჯაროდ და, რასაკვირველია, უცბად ვერც მაშინ დავდეგ ფეხზე, მაგრამ ეს კია, რომ მხატვრულად ნაკლები შეცდომები მქონდა ნაწერებში.

ასე იქნებით თქვენც. უთუოდ გაიმარჯვებთ, მხოლოდ ამ გამარჯვებისთვის უნდა შეემზადოთ ცოდნითა და ტექნიკური საქურველით.


გისურვებთ ყოველივე კარგს.

დარწმუნებული ვარ, როგორც გონიერი და ნიჭიერი ახალგაზრდა, არ მიწყენთ ჩემს ცოტაოდენ სისასტიკეს.

იყავით კარგად!

შალვა ღაღიანი.





ნიკო ნიკოლაძე

შე-19 საუკუნის ქართული აზროვნების თვალსაჩინო წარმომადგენელი; გამოჩენილი მწერალი და საზოგადო მოღვაწე ნიკო ნიკოლაძე დაიბადა 1843 წელს, 14 სექტემბერს (ძველი სტილით) ქ. ქუთაისში. ქუთაისის გიმნაზიის დამთავრების შემდეგ ნიკოლაძე შევიდა პეტერბურგის უნივერსიტეტში.

უნივერსიტეტში სწავლის დროს ნიკო ნიკოლაძე სხვა ქართველ სტუდენტებთან (გ. წერეთელთან, კირ. ლორთქიფანიძესთან, დ. ლოღობერიძესთან და სხვებთან) ერთად აქტიურ მონაწილეობას იღებს მაშინდელ სტუდენტთა მოძრაობაში; 1861 წელს აპატიმრებენ მთავრობის საწინააღმდეგო დემონსტრაციაში მონაწილეობის გამო და ათავსებენ პეტრე-პავლესა და კრონშტადტის ციხეებში.

ციხიდან გამოსვლის შემდეგ ნიკო ნიკოლაძე კიდევ უფრო ახლო ეცნობა რუსეთის გამათავისუფლებელ მოძრაობას. ეწაფება და ახლო ეცნობა ევროპისა და რუსეთის დიდ მწერლებსა და პოლიტიკურ მოღვაწეებს, განსაკუთრებით იტაცებს ჩერნიშევსკის და სხვა რადიკალურად მოაზროვნე მწერლების იდეები და მის პირველ პუბლიცისტურ წერილებს გარკვევით ატყვია მათი ღრმა გავლენა.

ნიკო ნიკოლაძე პირადად იცნობდა და ახლო ურთიერთობაში იყო ნ. ჩენიშევსკისთან, გერცენთან და სხვებთან.

17 წლის ყმაწვილმა პირველი თავისი წერილი მოათავსა 1860 წელს ივ. კერესე-ლიძის ურნალ „ცისკარში“, სტუდენტობის დროს თანამშრომლობდა „ისკრასა“ და „სოვრემენიკში“. საზღვარგარეთ გამგზავრების შემდეგ იგი უახლოვდება გერცენს და ხდება მისი „კოლოკოლის“ მუდმივი თანამშრომელი.

იქ მან დაბეჭდა წერილი გლეხთა განთავისუფლებაზე საქართველოში და სხვ. წერილში „გლეხთა განთავისუფლება საქართველოში“ ნიკო ნიკოლაძე გვევლინება უტოპური სოციალიზმის წარმომადგენლად და ქადაგებს, რომ „ერთადერთი ფორმა საზოგადოებრივი და სახელმწიფო წყობილებისა, რომელსაც შეუძლია ნამდვილი სარგებლობა მოუტანოს საქართველოს არის მიწისა და ყველა სხვა საკუთრების თემობრივი (общинное) განაწილება და თემობრივი ორგანიზაცია, როგორც სახალხო შრომისა, ისე სახელმწიფოებრივი მართებლობისა“. ნიკო ნიკოლაძე არ გამოდის თემის წმინდა წყლის მეზაირახტრედ. ის სწრს: „ჩვენ სრულიადაც არ ვიღებთ რუსეთის თემს ჩვენს იდეალად, მაგრამ ის ათასჯერ უფრო ახლო სდგას საზოგადოებრივ წყობილების ჩვენს გაგებასთან, ვიდრე რომელიმე ინდივიდუალიზმის პრინციპი, რომელიც დასაუფლეთ ევროპაში ბატონობს.

საყურადღებოა აგრეთვე ისიც, რომ ნიკო ნიკოლაძე სრულიად სხვა თვალსაზრისზე იდგა საქართველოს ეროვნული გათავისუფლების საქმეში, ვინემ ქართველი სამოციანელები. პირველ რიგში აყენებდა საქართველოს სოციალურად გათავისუფლების საქმეს და მოითხოვდა ნაციონალური ბრძოლის მეორე პლანზე დაყენებას. ის ილაშქრებს აგრეთვე იმ ნაციონალისტების წინააღმდეგ, რომლებიც ევროპის

ორიენტაციას იზიარებდნენ და საქართველოს გათავისუფლებას ევროპის პროტექტორატში ხედავდნენ.

საზღვარგარეთ ყოფნის დროს ნიკოლაძის მეთაურობით და დ. მიქელაძის და პ. იზმაილოვის მონაწილეობით პირველად გამოვიდა ევროპაში სამოცდაათიანი წლების არალეგალური ქართული გაზეთი. ეს გაზეთი გამოიკა 1873 წელს პარიზში პირველ აპრილს და მისმა არსებობამ გასტანა აპრილის ათამდე. მისი გამოცემა გამოწვეული იყო იმ ხანებში ნ. ნიკოლაძის ქართულ შრიფტზე და სტამბის მოწყობაზე მუშაობით. ამ გაზეთში წერილების უმრავლესობა ეკუთვნის თვით ნიკოლაძეს. წერილები რევოლუციურ-რადიკალური შინაარსისაა. გაზეთში მოთავსებულ წერილებს ატყევა ნაროდნიკული გავლენისაგან განთავსუფლება. ნიკოლაძე აქ ეკამათება ლავროვის ჟურნალს „ვპერიოდის“ თანამშრომელს.

ნიკო ნიკოლაძე საზღვარგარეთიდან ბრუნდება პოლიტიკურად მომწიფებული; 1869 — 77 წლებში ათავსებს წერილებს გაზეთ „დროებაში“, 1871 — 73 წლებში გ. წერეთელთან ერთად აარსებს ჟურნალ „კრებულს“, ცოტა უფრო გვიან სცემს „ობზორს“. ეს გაზეთი პროგრესიული მიმართულებისა იყო და ხშირად იბეჭდებოდა მასში მთავრობის საწინააღმდეგო წერილები. მთავრობა მალე გაზეთს ხურავს და მის რედაქტორს ნიკო ნიკოლაძეს სტავროპოლში ასახლებს; 1882 — 84 წლებში ნიკოლაძე ახლო მონაწილეობას იღებს სალტიკოვის ჟურნალ „ოტჩესტვენნიე ზაპისკიში“ და ერთხანს განაგებს ამ ჟურნალის კრიტიკულ განყოფილებას.

ცოტა უფრო გვიან ნიკო ნიკოლაძე 1887 წელს აარსებს გაზეთს „ნოვოე ობოზრენიეს“, მონაწილეობს ჟურნალ „მოამბეში“. ამ ჟურნალში ათავსებს შინაურ და უცხოეთის მიმოხილვებს, ბოლოს (1894 წლიდან) თავს ანებებს მწერლობის ფრონტზე მუშაობას, გადადის ფოთში და იქ მუშაობს 1912 წლამდე ქალაქის თავად.

ნიკო ნიკოლაძემ დიდი როლი ითამაშა ქართული საზოგადოებრივი აზროვნების ისტორიაში. მან თავისი შეუღარებელი და მახვილი კალმით თავიდანვე დაიმკვიდრა დიდი მებრძოლისა და ერუდიციისმქონე პუბლიცისტის სახელი. მისი ყოველი წერილი აღფრთოვანებას იწვევდა ახალგაზრდობაში.

ნიკო ნიკოლაძის მოღვაწეობის პირველ პერიოდს ჰქონდა თავის დროზე უაღრესად დიდი პროგრესიული რეზონანსი. ის სათავეში უდგა მოწინავე ინტელიგენციას და ფუძემდებელია ქართულ პუბლიცისტიკაში ევროპული ჩვევებისა.

ქართულ და რუსულ ენაზე სხვადასხვა დროს იცემოდა მისი საპოლემიკო-პუბლიცისტური და პოლიტიკური ნაწერები ცალკე წიგნებად, მაგრამ მის თხზულებათა გამოცემას განსაკუთრებული ყურადღება მიექცა მხოლოდ საბჭოთა ხელისუფლების დროს.

ნიკო ნიკოლაძე საქართველოში საბჭოთა ხელისუფლების დამყარების დროს საზღვარგარეთ მოხდა და იქიდან დაბრუნებული დგება საბჭოთა ხელისუფლებასთან მტკიცე თანამშრომლობის გზაზე.

გარდაიცვალა 1928 წელს. დასაფლავებულია. მთაწმინდაზე.

8. მებუკე.

ლაზკენტი არაზიანი

ლაზკენტი არაზიანის ლიტერატურული მოღვაწეობის დრო ექვსი წლით იფარგლება (1857 — 1863). მისი ბიოგრაფია არ არის მდიდარი მრავალფეროვანი ფაქტებითა და შემთხვევებით.

არაზიანი წარმოშობით სასულიერო წოდებას ეკუთვნოდა. დაიბადა იგი 1818 წ. განათლება მიიღო თბილისის სასულიერო სემინარიაში. სემინარიის დასრულების შემდეგ შევიდა. სამსახურში — სახაზინო პალატაში. ბოლოს საოლქო სასამართლოში მსახურობდა მდივნის თანამდებობაზე.

ლიტერატურული მოღვაწეობა დაიწყო 1857 წ. იგი იყო ივ. კერცელიძის მიერ განაზღვრული „ცისკრის“ რედაქციის აქტიური წევრი და თანამშრომელი. მან თარგმნა ქართულად შექსპირის ტრაგედია „ჰამლეტი“. ეს თარგმანი ივ. მაჩაბლის თარგმანთან შედარებით სუსტია, მაგრამ, როგორც შექსპირის ქართულად თარგმნის ცდა, თავისი დროის მიხედვით კარგადაა შესრულებული.

არდაზიანი კრიტიკულ წერილებსაც სწერდა. 1859 წ. „ცისკრის“ სექტემბრის ნომერში დაიბეჭდა ბერძენოვთან საპოლემიკო წერილი, იმ წერილების საპასუხოდ, რომლებიც ბერძენოვმა გაზ. „კავკაზში“ მოათავსა „ცისკრის“ შესახებ. არდაზიანის ეს წერილი მრავალმხრივია საინტერესო, მაგრამ განსაკუთრებულ ინტერესს იწვევს ახალი პროზის საკითხის წამოყენებით: „ახლანდელი ყმაწვილკაცები, — ამბობს არდაზიანი, — ორ წყალ შუა არიან. იმათ არ იციან, რომელის ენით სწერონ: საღმთო წიგნურის ფორმით თუ შექქმნან პროზა საერო ენაზე. გრძნობენ საღმთო წიგნური ენის სიმძიმესა და ურგებლობასა და მასთანვე უშობენ წერასა საერო ენის ფორმით... ფორმა საღმთო წერილის ენისა საკუთრად არ არის ძირეული ფორმა ქართული ენისა. საღმთო წერილი გადმოღებულია სიტყვა-სიტყვით ბერძნული ენიდან, გამშვენიერებული პროზა შეიძლება მხოლოდ საერო ენაზეო“. და დასძენს: „კრიტიკა მოვალეა პროზა დააყენოს ერთ გზაზე, ჩაუღვას იმას საერო ენაო“.

ასე მკვეთრად, გარკვევით და ნათლად წამოაყენა არდაზიანი ახალი პროზის საკითხი ჯერ კიდევ 1859 წ., სანამ თავის რომანებს დასწერდა. ეს აზრი წინ უსწრებს ჩვენი ახალი პროზის შექმნას და გვიჩვენებს, თუ რა შეგნებით ეკიდებოდა ჩვენი ავტორი ენის კულტურის საკითხს და ლიტერატურის დაწინაურების საქმეს, როგორ იბრძოდა დამჯდარი, დინჯი ლიტერატურული მუშაობისა და წარსული კულტურის კრიტიკული ათვისებისთვის. აქ არის საწყისი იმ აზრისა, რომელმაც ასე კარგი ნაყოფი გამოიღო შემდეგში XIX საუკუნის მოწინავე მწერლების შემოქმედების სასარსო.

არდაზიანის ცნობილი რომანი „სოლომონ ისაკი მჯღღანუაშვილი“, საუკეთესო ნიმუში ქართული რეალისტური პროზისა, დაიბეჭდა 1861 წ. იანვრის და თებერვლის „ცისკრის“ ნომერებში. ამ თხზულებამ დაბეჭდვისთანავე მიიპყრო მკითხველია და კრიტიკის ყურადღება. ამავე წლის აპრილის „ცისკრის“ ნომერში დაიბეჭდა: „რედაქციისაგან: წარსულის ორ თვის ნომერში დაბეჭდილი იყო ნამდვილი ქართული რომანი შეთხზული ჩვენის თანამედროვე მწერლის ლავრენტი არდაზიანისაგან. რედაქციაში მოგვდის ამ საგანზედ სხვადასხვა პირთაგან წიგნები, სადაც ისმის ხვა ქებისა და მადლობისა. რედაქცია ამ საზოგადო აზრს დაამატებს თავის აზრს და განუცხადებს უფალს არდაზიანს უგულითადეს მადლობას ამგვარ შრომისათვის და ჩვენ ლიტერატურაზედ დეაწლის დადებისათვის. — კვლავ იმედოვნებს, რომ თავისს ძვირფასს შრომას არ მოაკლებს რედაქციას უფ. არდაზიანი“.

ეს „საზოგადო აზრი“, როგორც დავინახავთ, შემდეგშიც ბევრმა გაიზიარა და დღემდე ძალაშია.

არდაზიანის მეორე რომანი „მორჩილი“ თითქმის უცნობია. იგი დაიბეჭდა 1861 წ. „ცისკარ“-ში. თავისთავად იგი დიდად საინტერესო ლიტერატურულ დოკუმენტს წარმოადგენს, მაგრამ კრიტიკა მას ჯერ თითქმის არ შეხებია.

უნდა აღინიშნოს, რომ ორივე რომანის მოქმედების დრო თითქმის ერთდროივია, და დაწერის დროც არ აშორებს მათ ერთმანეთს დიდი მანძილით, მაგრამ მაინც არავითარი მსგავსება არაა მათ შორის. პირიქით, ისინი ერთმანეთს ავსებენ და ერთად იძლევიან მაშინდელი თბილისის ნამდვილ სახეს.

„მორჩილი“-ს თემაა ქალი და ოჯახი. სამოციან წლებში ეს საკითხი აქტუალური იყო და მაშინდელ მოწინავე მწერალს — არდაზიანსაც სერიოზული ყურადღება მიუქცევია ამ თემისთვის: მთელი რომანი დაუწერია ამ საკითხზე თავისი შეხედულების გასაფორმებლად. ავტორი საკითხს აკვევს ორი საწინააღმდეგო ხასიათის ოჯახის დაპირისპირების გზით.

საერთოდ ეს რომანი კონტრასტებით ვითარდება და საინტერესო სურათებითაა სავსე. ავტორი კარგად იცნობს „ბრწყინვალე“ წოდების ცხოვრებას, მის კულტურულ დონეს და შესანიშნავად გვიხატავს მისი ყოფის ნამდვილ სახეს, ნაწარმოების დიდი ნაწილი აღწერით ვითარდება, აღწერა ზოგჯერ დიალოგის სახითაა მოცემული და უმეტეს შემთხვევაში ისეთ სურათებს აგვიწერს, ისეთი დაკვირვების ნიჭი სჩანს მათში, ისე მოხაზავს ავტორი ტიპის გარეგან სახეს, რომ ყოველი ნაკლი მივიწყებ-ბას ეძლევა.

არდაზიანის მიერ „მორჩილშიც“ ყოველი ტიპი გულდასმითაა მოხაზული, მაგრამ შუამავალი ლიფსიმეს სახე განსაკუთრებული დეტალებით არის წარმოდგენილი; „ლიფსიმე იყო ხანშიშესული დედა-კაცი, მაგრამ პირისაზე ჰქონდა კიდეც სავსე და გადატყევილი: კვალი სიყმაწვილის სილამაზისა კიდეც აჩნდა, არ დავიჯერებთ, თუ ის ფერუმარის არ ისევამდა და წარბებს წამწამითურთ არ იღებავდა, იმიტომ, რომ თვითონ იყო ცალკე ბუნებით, ცალკე სიბერით ფერგადაკრული, მაგრამ თეთრწით-ლად კი ღვიოდა და წარბებში ქალარა არ ეტყობოდა“. ავტორი ამით არ კმაყო-ფილდება. ლიფსიმეს ჩაძმულობის აღწერას თეკლეს და ვარსკვლავისას კომიზმით სავსე ცოცხალ დიალოგში ატარებს და იძლევა შუამავლის მხატვრულ კლასიკურ სახეს.

საინტერესოდაა მოხაზული თეიმურაზის მსახურის — გოჩუნას ტიპი, იგი ყველას მიერ აბუჩად ავლებული და ბატონის მიერ მათრახით ნაცემი, სრულიად დანუ-ღრეულია და თავისებურად ლაპარაკობს. ამ ლაპარაკის ხასიათი დაკვირვით აქვს ავტორს: „მე წაველ; რო წაველ; მივედი, რო მივედი, იმათ სახლის კარებთან შო-ვიზლარბე, და რო მოვიზლარბე, მოვიძინარე თავი, მელიასავით მოვიძინარე, თვა-ლები კი ნახევრად მეხილა, და რო მეხილა. სულ იმათ კარებს ვუყურებდი და, რო ვუყურებდი; ის გოგო, თქვენ რო მიჩვენეთ. სწორედ ის გოგო“, და სხვა. ყოველ-თვის ასე აღაპარაკებს. რაც რომანის კონტექსტში უსათუოდ საინტერესოდ ისმის.

არდაზიანი აქტიურ ლიტერატურულ მუშაობას გლეხთა გამათავისუფლებელ ბრძოლების ხანაში აწარმოებდა, მაგრამ ბატონყმობის წინააღმდეგ არცერთი სიტყვა არ დაუწერია.

ვერც გლეხთა აჯანყებებმა, ვერც დანიელ ჭონქაძის „სურამის ციხის“ გაბედულ-მა პროტესტმა და ვერც შემდეგ აკაკი წერეთლის „გლეხის აღსარებამ“

„თავდახრილი მიტომ ვარ, რომ კისერზე მაზიხარ —“

პირუტყვივით მიმოწებ, მფლობ და არ გეცოდები...“

რომლებიც არდაზიანის ნაწერებთან ერთად იბეჭდებოდნენ „ცისკარში“, ვერ გააბედ-ვინებს მას ბატონყმობის საწინააღმდეგო სიტყვის თქმა. ეს უთუოდ აყენებს ჩრდილს ამ საინტერესო მწერლის პიროვნებას, მაგრამ ფეოდალური ცხოვრების ნიადაგზე გა-ჩენილი ბურჟუაზიის ტიპური ხასიათის გამოხატვით, მისი სოციალური ბუნებძს გარკვევით არდაზიანმა საპატიო ადგილი დაიჭირა ჩვენს ლიტერატურაში.

არდაზიანი გარდაიცვალა 1870 წ. იანვრის 1-ს. ნაშუადღევს 2 საათზე, ერთი კვირის ავადმყოფობის შემდეგ ფილტვების ანთებით. დაკრძალეს კვირას, იანვრის 4-ს, ვერის სასაფლაოზე.

კლატონ ქიქელია.

ბიბლიოგრაფია

გიორგი ერისთავი: თხზულებანი ზალვა რადიანის რედაქციით. „ფედერაცია“ 1936 წ.

გიორგი ერისთავის თხზულებათა სრული კრებული, რომელიც ამ ორი წლის წინათ გამოვიდა ბაზარზე, თვალსაჩინო მოვლენაა და საჭირო იყო მეტი ყურადღება შეექციათ მისთვის. პირველი პროფესიონალური დრამატურგი და პოეტი. გ. ერისთავი უსათუოდ ღირსია გულდასმით შესწავლისა. ეს ამოცანა ძირითადად კარგად შეუსრულებია წინამდებარე გამოცემის რედაქტორს.

შესავალ წერილში (ავტორი — შ. რადიანი) ვრცელადაა დახასიათებული გ. ერისთავის ლიტერატურული მემკვიდრეობა, უმთავრესად სოციალოგიური თვალსაზრისით. გამოჩვენებულია როგორც ეპოქის ხასიათი, მწერლის ძირითადი საზოგადოებრივი მოტივები და იდეები, ისე მათი ლიტერატურული გენეზისის საკითხებიც. ამ მხრივ სარეცენზიო წიგნის შესავალი წერილი უსათუოდ დაეხმარება მკითხველს სწორი ორიენტაციის გამომუშავებაში ნიჟიერი ქართველი კომედიოგრაფის შემოქმედებაზე.

რამდენადაც გ. ერისთავის შემოქმედების შესახებ საკმაოდ გარკვეული შეხედულებანი არსებობს და შესავალი წერილიც არ შეიცავს რაიმე ყურადსაღებ შეცდომებს, დამოუკიდებელი მოსაზრებისაგან აქ თავს ვიცავებთ. საჭიროა მხოლოდ რამდენიმე შენიშვნა:

გ. ერისთავის თხზულებათა აკადემიურ გამოცემას წინ უნდა უძღოდეს მწერლის თუნდაც მოკლე ბიოგრაფია. „ქრონოლოგიური ქარგა“ ამ ნაკლს ვერ ავსებს, რიდგან ასეთი ქარგები ხშირად სრულ ბიოგრაფიასთან ერთადაც იბეჭდება.

მასალის დალაგებისას საჭირო იყო მეტი სიმკაცრე. მაგ. კომედია-პოემა „შეშლილი“ უნდა მოთავსებულიყო პიესებს შორის და არა ლექსებსა და პოემებთან. რითმები სრულიადაც არ უქარგავენ ამ პიესას უანრის ხასიათს. მით უმეტეს, რომ მოქმედი პირების სია, რომელიც მას წინ უძღვის, მკაფიოდ მიუთითებენ ავტორის განზრახვაზე — „შეშლილი“ სცენისთვის არის გამიზნული.

რამდენიმე სიტყვა ტექსტის შენიშვნების შესახებ (ავტორი ი. ბალახაშვილი).

ჯერ ერთი, ავტორს ვერ გამოურკვევია ლექსების ადრესატების უმრავლესობა და მხოლოდ სახელების ჩამოთვლით კმაყოფილდება. ამის გ მო მკითხველმა არ იცის — ვინ არიან: როზალია ბიშპინგი, პელაგია არციმოვიჩი (გვ. 384), თეოდოსია მირეტკი (386), სოფიო ერისთავი (390), კნიაუნა ა. ორბ... (394), მ...ო (395) და სხვები. ხშირად ვერ ახერხებს დაშიფრულ ლექსებში ადრესატების ამოცნობას.

ერთი მაგალითი:

გ. ერისთავის ლექსის „კ. ბ. ო“. გამო, რომელიც 1839 წელს არის დაწერილი (იხ. გვ. 29), შენიშვნების შემდგენელი სწერს (გვ. 388):

„ავტოგრაფ-კრებული № 3 ინიციალის „კ. ბ. ო“ ასე წარმოვიდგინე: „კ. ბ. ბ. ორბე...“ — ბ ა რ ბ ა ლ ე ო რ ბ ე ლ ი ა ნ ი (ილია ორბელიანის ცოლი). 1854 წელს ტყვიად წაიყვანეს წინანდლიდან შამილის მიუიოდებმა. გამოსყიდულ იქნა 1855 წელს“:

ილია ორბელიანიმა ბარბარე ბატონიშვილი შეერთო 1854 წელს. ასე რომ 1839 წელს დაწერილ ლექსში გ. ერისთავს არ შეეძლო ორბელიანის გვართ მისი მოხსენიება. გარდა ამისა, 1839 წელს ბარბარე ბატონიშვილი მცირე წლოვანი იყო და გ. ერისთავის ლექსის შინაარსი მას სრულიად არ შეეფერება. და კიდევ იმიტომაც რომ 50-იან წლებამდე ბარბარე ბატონიშვილი, როგორც იმპერატორის ერთერთი ღრეილინა, რუსეთში იზრდებოდა თავის მამასთან, ილიასთან. გ. ერისთავს ლექსი კი თბილისშია დაწერილი.

ამ შეცდომას შენიშვნების ხეტორი იმეორებს გ. ერისთავის ზეორე ლექსის „ფიქრი ყმაწვილი ქალისა“-ს შენიშვნებში (გვ. 388).

გ. ერისთავის დღიურის „ჩემი მოგზაურობა ევროპაში“ შენიშვნები აქრელებულია ასეთი განმარტებებით:

9. „ფიგარო“ — მომქმედი პირი ჯ. როსინის ოპერა „სვლილიელი დალაქისა“ (გენ. 410).

თავდაპირველად უნდა მოხსენებულებიყო ბომარშეს პიესა, რომლის ტექსტზედაც დასწერა როსინმა თავისი ოპერა.

გვ. 916. შენიშვნების ავტორის აზრით ელისაბედ დედოფალი ტახტზე ავიდა 1858 წელს, ხოლო გარდაიცვალა 1603 წელს.

„მოგზაურობაში“ მოხსენებული მრავალი პირის ვინაობა შენიშვნებში ზოგჯერ სრულიად არ არის განმარტებული. ხოლო ისინი, ვისზედაც სწერს ჩვენი ავტორი, დაახლოებით ამგვარი სტილით არის დახსიათებული: გვ. 46. რუბენის შესახებ ნათქვამია: „ცნობილი ფლამანდიელი (sic) მხატვარი ფლამანტიული (sic) სკოლის დამაარსებელი“.

უეცობას ამეღვენებს კომენტატორი გეოგრაფიაშიც. მაგალითად მე-417 გვერდზე სწერია: „რეონა — იწყება შვეიცარიაში, გაივლის საფრანგეთს და ლიონის უბით ჩადის ატლანტიის (sic) ოკეანეში“. სინამდვილეში კი რეონა ხმელთაშუაზღვას უერთდება.

შენიშვნების ავტორი ერთგან (გვ. 417) სწერს:

„სუზა (და არა ზუზა, როგორც ეს გიორგი ერისთავს აქვს) — პატარა ქალაქი სარდინიაში“. აქ, და ზოგჯერ სხვაგანაც (მაგ. ვატი-უატი) გასწორებულია გ. ერისთავის მიერ ნახმარი ფორმები. მაგრამ მაშინ გაუგებარია, რატომ სტოვებს შენიშვნების ავტორი გაუსწორებლად სახელებს: მიქელ აველო ბუანაროტი“ (გვ. 416) ს. „გაბელანი“ (417), „ჯუხეპო გარიბალდი“ (იქვე), „საღფერანო“ და სხვები. რჩება ისეთი შთაბეჭდილება, თითქოს ზოგის სწორი წაკითხვა სცოდნია, ზოგისა კი — არა!

გარიბალდის სახელთან მიწერილია — (1805). მკითხველმა თვითონ უნდა აკვიროს: დაბადების, გარდაცვალებისა თუ მისი მოღვაწეობის რომელ პერიოდს უჩვენებს იგი. გარიბალდი ხომ უმნიშვნელო პიროვნება არ იყო, მაგ. როზალია ბიშპინგის მსგავსი, რომ მისი დაბადებისა და გარდაცვალების თარიღის მოიებნა გასჭირვებოდა შენიშვნების ავტორს?

ასეთი „წერილმანი“ შეცდომები შენიშვნებში საკმაოდაა.

განსაკუთრებულ ყურადღებას იქცევს შენიშვნების ავტორის ლაპარაკი თავის აღმოჩენაზე და ისეთი ფრაზები, როგორც, მაგ., „გოეტემ სადღაც თქვა“ (თუშეცა მოყვანილია საკმაოდ ცნობილი მოსაზრება, რომელიც გოეტემ ეკერმანთან საუბარში გამოსთქვა).

გ. ერისთავის „შეშლილისთვის“ განკუთვნილ შენიშვნებში ვრცელადაა მიმოხილული ლიტერატურული მასალა ნიკ. ბარათაშვილის „ქორიკანობის“ შესახებ, რაიც ცუდს შთაბეჭდილებას სტოვებს და დიდი ქართველი რომანტიკოსის სახელს ბღალავს. რატომღაც ეს გაზვიადებული ამბავი („ქორიკანობა“) შენიშვნების ავტორს საინტერესო მოვლენად ერჩენა.

რეცენზენტი